

ԱՇՈՏ ՄԵԼՔՈՆՅԱՆ



ՊԱՏՄՈՒԹՅԱՆ ՈՒՐՎԱԳԾԵՐ


✓
ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

ԱՇՈՏ ՄԵԼՔՈՆՅԱՆ

12558
A II

Ջ Ա Վ Ա Խ Ք

ՊԱՏՄՈՒԹՅԱՆ ՈՒՐՎԱԳԾԵՐ



ՀՀ ԳԱԱ «ԳԻՏՈՒԹՅՈՒՆ» ՀՐԱՏԱՐԱԿՉՈՒԹՅՈՒՆ

ԵՐԵՎԱՆ 1999

947.925

ԴՏՀ 941 (479.25)

ԳՄԴ 63. 3 (2Հ)

Մ 537

Աշխատությունը հրատարակության է երաշխավորել ՀՀ Գիտությունների ակադեմիայի պատմության ինստիտուտի գիտական խորհուրդը:

Սեյրոնյան Ա. Ա.

Ջավախք: Պատմության ուրվագծեր

Մ 537

Եր., ՀՀ ԳԱԱ «Գիտություն» հրատ. , 1999, 103 էջ + 21 լուսանկար

Աշխատությունը նվիրված է պատմագրության մեջ տակավին չուսումնասիրված բնագավառներից մեկի՝ Մեծ Հայքի Գուգարք աշխարհի Ջավախք գավառի պատմության հարցերին: Գրքույկում համառոտակի ներկայացված է գավառի պատմությունը հնագույն ժամանակներից մինչև խորհրդային ժամանակաշրջանը, առավել հանգամանալից լուսաբանված են 1918-1921թթ. փոթորկալից իրադարձությունները: Հավելվածում զետեղված են նորահայտ վավերագրեր, որոնք լույս են սփռում հիմնախնդրի կնճռոտ շատ հարցերի վրա:

Գրքույկը նախատեսված է պատմաբան-մասնագետների և ընթերցող լայն հասարակայնության համար:

Մ 0503020913

703 /02/-99

ԳՄԴ 63. 3 (2Հ)

ՀՀ ԳԱԱ «Գիտություն» հրատ. 1999

ԵՐԿՈՒ ԽՈՍՔ

Ջավախքի՝ Ախալքալաքի գավառի, ինչպես և նրան հարակից Ախալցխայի և Ծալկայի շրջանների պատմությունը, թեև վերջին տարիներին սկսել է հետաքրքրել առանձին ուսումնասիրողների, սակայն շարունակում է մնալ հայոց պատմության առավել թույլ ուսումնասիրված բնագավառներից մեկը: Խորհրդային շրջանում հայ պատմաբանների համար հատկապես „հասու չէր,, այդ հիմնախնդրի նոր ժամանակահատվածի՝ 19-20-րդ դարերի պատմությունը: Հայ մասնագետները կամ ուղղակի խուսափում էին Ջավախքին վերաբերող խնդիրների քննությունից կամ էլ շրջանցում էին սուր ու կնճռոտ քաղաքական հարցերը նախապատվությունը տալով երկու բախտակից ժողովուրդների հայերի ու վրացիների փոխհամագործակցության ու բարեկամության դրվագների լուսաբանմանը: Աշխարհաքաղաքական միանգամայն նոր պայմաններում, երկու հարևան երկրների անկախության կայացման ու ամրապնդման իրավիճակում, ի շահ տարածաշրջանային խաղաղության ու համագործակցության, պատմական ճշմարտության լիակատար բացահայտումը դառնում է կենսական անհրաժեշտություն և կարող է բացառապես բխել դրացի ժողովուրդների շահերից: Այդ տեսակետից կարևոր է հստակորեն տարբերակել ճշմարտացի պատմությունը (նաև իր անցյալի դառը դասերով ու սուր ելևէջներով), ներկա քաղաքական հիմնախնդիրների և այսօր համակողմանիորեն հայ-վրացական համագործակցության հրամայականից: Կարծում ենք, այդ նպատակին կարող է ծառայել նաև Ջավախքի ուրվագծային պատմության և հատկապես նրա ամենաողբերգական շրջանի 1918-1921թթ. հարցերին նվիրված ներկա գրքույկը: Աշխատությանը կցված է հավելված՝ արխիվային նորահայտ փաստաթղթերով, որոնք հատկապես նոր լույս են սփռում Ջավախքի 1918-1921թթ. պատմության փոթորկալից ժամանակաշրջանի դեպքերի վրա:

Գրքում գետեղված լուսանկարների համար հեղինակը շնորհակալություն է հայտնում Սամվել Կարապետյանին, Սերգեյ Շիրինյանին և Տիգրան Բաբայանին:

ՋԱՎԱԽՔԻ ՊԱՏՄԱԿԱՆ ԱՆՅՅԱԼԻՑ

Պատմական Հայաստանի Մեծ Հայքի թագավորության 15 նահանգներից (աշխարհներ) տասներեքերորդը Գուգարքը, զբաղեցնում էր Հայկական լեռնաշխարհի հյուսիսային հատվածը: Այն արևելքից սահմանակից էր Ուտիք, արևմուտքից՝ Տայք, հարավից՝ Այրարատ նահանգներին, իսկ հյուսիսից՝ Իբերիային (Վիրք, Վրաստան): Նրա վարչական կենտրոնը Ցուրտավ քաղաքն էր: Գուգարքը Հայկական թագավորության չորս սահմանակալ բղեշխություններից մեկն էր և ժամանակ առ ժամանակ օգտվում էր որոշ ինքնուրույնությունից: Ըստ վրաց առանձին պատմաբանների, Գուգարք տերմինը վրացական ծագում ունի, և այդ տեղանունն առաջացել է երկրամասը բնակեցնող գոգարների կամ գարգարների անունից: Սակայն հայկական աղբյուրներն այդպիսի էթնոս չեն հիշատակում: Իսկ ինչ վերաբերում է գարգարացվոց երկրին, ապա այն, ըստ ակադեմիկոս Ս. Երեմյանի, կապ չունի Գուգարքի հետ:¹

Գուգարքի հիմնական իննը գավառներն էին Ձորոփորը, Կողբոփորը, Ծորոփորը, Տաշիրը, Թռեղը, Կանգարքը, Կղարքը, Վերին Ջավախքը և Արտահանը²: Մինչև Հայաստանի առաջին բաժանումը (387 թ.) նահանգն իր մեջ ընդգրկում էր նաև հարակից Շավշեթը, Ներքին Ջավախքը, Սանգլեացփորը, Քուիշափորը, Բողնոփորը, Խանցիխեն և Պարուարը³: 16 գավառների ընդհանուր տարածքը 16,5 հազ. քառ. կմ-ից ավելի էր:

Գուգարաց գավառներից Ջավախքը հիշատակվում է ութերորդը: Այն ընկած էր նահանգի կենտրոնական մասում և զբաղեցնում էր գլխավորապես համանուն սարահարթի (Ախալքալաքի սարավանդ, Ջավախքի լեռնադաշտ) ու վերջինս շրջափակող լեռնակազմությունների տարածքը, հյուսիսից սահմանակցում է Թռեղի (Թրիալեթ), արևելքից՝ Սամսարի ու Ջավախքի լեռներին (Կեչուտի, Մթին), իսկ հարավում Ախալքալաքի սարավանդի շարունակությունը կազմող Աշոցքի սարահարթին⁴:

«Ջավախք» տերմինի մասին պատմագրության մեջ հայտնվել են տարբեր տեսակետներ: Ըստ վրաց «Քարթլիս Ցխովրեբայի» (Քարթլիի տարեգրությունը, նաև Քարթլիի կյանքը)

մատենագիր Լեոնտի Մրովելու Կուրի դաշտավայրը, Փոցխով գետի շրջատարածքը (պատմական Սամցխե գավառ, այժմ՝ Ախալցխա) և հարակից այլ հողեր ժառանգություն են հասել վրացիների նախահայր Քարթլոսի թոռանը՝ Ջավախոսին, Սցխեթոսի որդուն։ Ջավախոսի անունից էլ երկրամասը կոչվել է Ջավախք, վրացերեն՝ Ջավախեթի։ Սակայն այս «հիմնավորումն» իրավամբ համարելով առասպելական և խիստ պարզունակ, հետագայի ուսումնասիրողներից շատերը փորձել են գտնել ուրիշ բացատրություններ։ Ոմանք, հաշվի առնելով Ջավախքում գարի աճեցնելու համար բարենպաստ կլիմայական պայմանները, նրա անունը կապում են վրացերեն ջավի՝ գարի բառի հետ։ Ուրիշները փնտրել են այդ տարածքում ջավախների էթնոս ցեղ⁵։

Իրականում Ջավախք տեղանունը, ինչպես երևում է ուրարտական (Վանի թագավորության) արձանագրություններից, մ. թ. ա. 9-րդ դարի վերջից Հայկական լեռնաշխարհի հյուսիսում հիշատակվող Ջաբախա կամ Ջաբախյան երկրի անվան տառադարձված տարբերակն է՝ Ջաբախա-Ջաբախա-Ջավախա-Ջավախք⁶։ Արգիշտի Ա-ի (մ. թ. ա. 786-764 թթ.) թողած հորիսոռյան արձանագրության մեջ՝ 785-784 թթ. գրավված Դիաուխի կամ Դայա (Տայք), Տարիունի (Դարույնք՝ Բասեն) և այլ երկրների թվում նշվում է Ջաբախան։ Վերջինս հիշատակվում է նաև ուրարտական հաջորդ մի քանի թագավորների թողած արձանագրություններում։ Թեև Ջավախքի մասին մ. թ. ա. 8-րդ դարից ավելի վաղ հիշատակություններ չկան, սակայն, ուսումնասիրելով մինչուրարտական շրջանը, կարելի է ենթադրել, որ այն կամ վարչականորեն մաս է կազմել մ. թ. ա. 2-րդ հազարամյակում գոյություն ունեցած հայկական առաջին պետական կազմավորումներից մեկի, ամենայն հավանականությամբ Հայասային և Էթիունիին, կամ էլ եղել է բավական ընդարձակ ինքնուրույն կազմավորում՝ ընդգրկելով հետագայի Գուգարք աշխարհի ամբողջ արևմտյան հատվածը։ Ավելի հավանական է երկրորդ տեսակետը. պատահական չէ, որ Արգիշտիի վերոհիշյալ արձանագրությունում Ջաբախան հիշատակվում է իբրև գրավված երկիր։ Նշանակում է մինչև մ. թ. ա. 8-րդ դարի սկիզբը Ջավախքը եղել է ինքնիշխան ցեղապետություն և այդ ժամանակ որպես հայ էթնոսով բնակեցված տարածք, միավորվել է Վանի միասնական թագավորության մեջ՝ կազմելով նրա հյուսիս-արևմտյան ամենաընդարձակ ու սահմանամերձ նահանգը⁷։

Հետուրարտական՝ Երվանդունյաց Հայաստանի ժամանակաշրջանից (մ. թ. ա. 6-2-րդ դդ.) Ջավախքի մասին ուղղակի տեղեկություններ գրեթե չկան: Միայն կարելի է վկայակոչել առասպելախառն, բայց ուշագրավ երկու հիշատակություն՝ Մովսես Խորենացու «Հայոց պատմությունից» և «Քարթլիս Ցխովրեբայից»: Պատմահայրը նշում է, որ Վաղարշակ Ա-ն «զկես մասինն Ջավախաց» ժառանգություն է տալիս Շարայի ցեղից Գուշարին և նրան նահանգի վրա կարգում բղեշխ՝ Հայոց երկիրը հյուսիս-կովկասյան լեռնականներից պաշտպանելու համար⁸: Հավաքական ու կիսաառասպելական կերպար Վաղարշակի այս ձեռնարկումը ուսումնասիրողներից շատերը վերագրում են մ. թ. ա. 3-րդ դարին: Ստացվում է, որ այդ ժամանակ Ջավախքը եղել է Երվանդունիների պետության կազմում և տրվել է Գուշարին, որի անվան հետ է կապվում Գուգարք տեղանունը՝ այսինքն, երկրամասը դադարել է ընդարձակ նահանգ լինելուց և մտել է նորաստեղծ Գուգարք սահմանակալ բղեշխության մեջ, ընդ որում՝ իր հերթին տրոհվելով երկու մասի՝ Ջավախք Վերին և Ջավախք Ներքին: Վերին Ջավախքը նույնանուն է Խորենացու նշած «կես մասինն Ջավախաց» տարածքի հետ, քանի որ տրվել է հարևան Շարայի՝ Շիրակի գավառին: Ներքին Ջավախքը աղբյուրներում չի հիշատակվում: Սակայն եթե կար Վերինը, որը գավառի բարձրագույն հարավային և հյուսիս-արևելյան մասն էր, նրա համեմատությամբ ցածրագույն արևմտյան և հյուսիս-արևմտյան հատվածը, բնականաբար, պետք է կազմեր Ներքին Ջավախքը⁹:

Հատկանշական է, որ Խորենացու վերոհիշյալ վկայությունը մ. թ. ա. 3-րդ դարում Ջավախքի մասին ձևափոխված «վրացական» տարբերակով բերվում է «Քարթլիս Ցխովրեբայում», որի համաձայն, ինչպես վերը հիշատակվեց, այն բաժին է ընկել այս անգամ Ջավախոսին: Բանն այն է, որ մ. թ. ա. 270-ական թթ. Մեծ Հայքի հյուսիսային հարևանությամբ կազմավորվել է Վրաց Փառնավազյան պետությունը (Իբերիա, Վիրք), որն, օգտվելով հայ Երվանդունիների հակառակորդ Սելևկյանների օժանդակությունից, հայոց երկրից գրավել և անջատել է Գուգարքն ու Ջավախքը, ինչպես և հարակից այլ շրջաններ: Այդ ժամանակ Ջավախքի կենտրոնը Ծունդա¹⁰ ամրոցն էր, որը հայերը կոչում էին Քաջատուն կամ Քաջաց քաղաք: Վերը թվարկված տարածքները վրացիներից հետ վերցնելու մասին վկայում է հույն հեղինակ Ստրաբոնը: Նա գրում է, որ մ. թ. ա. 2-րդ դարում հայոց Արտաշես թագավորը (189-160) ի թիվս այլ հողերի իբերներից գրավել (այն է՝ վերադարձրել է -

Ա. Մ.) և իր երկրին է միացրել Գոգարենեն՝ Գուգարքը¹¹: Նույն վկայությունը մեկ այլ խմբագրությամբ հանդիպում է նաև վրացական աղբյուրներում: Ըստ Լեոնտի Մրովելու, քարթվելները՝ վրացիները, Ջավախքը գրավելու համար Արտաշեսի դեմ պայքարում դուրս են բերել օսերին¹², հայկական աղբյուրներում հիշատակվող ալաններին: Կնշանակի, հայ-ալանական պատերազմը, որի մասին պատմում է Մ. Խորենացին «Արտաշես և Սաթենիկ» հայտնի առասպելում, ընթացել է նաև Ջավախքի համար: Արտաշեսը կարողանում է ոչ միայն ետ վերադարձնել հայկական հողերը, այլև իրեն ենթարկել Վրաց փոքրիկ թագավորությունը: Փաստորեն այդ ժամանակ Գուգարքի բղեշխին է անցնում վրաց գահը: Ջարմանալի չէ, որ հետագայի որոշ հեղինակների մոտ հանդիպում ենք «բղեշխ գուգարացոց և վրաց» արտահայտությանը:

Արտաշեսյանների և Արշակունիների ժամանակաշրջանում ևս Ջավախքի վերաբերյալ հիշատակություններն աղքատիկ են, և գավառի մասին պատկերացում կարելի է կազմել հիմնականում ամբողջ նահանգի՝ Գուգարքի միջոցով: Վերջինս մինչև Արշակունիների անկումը՝ 428 թ., շարունակել է մնալ իբրև Մեծ Հայքի հյուսիսային պաշտպանական նահանգը և նրանից չի անջատվել նույնիսկ մ. թ. առաջին դարի առաջին կեսին (1-52 թթ.), երբ հայոց գահին, ի թիվս այլ օտարների, բարձրացել էին նաև վրացիներ:

Խնդրո առարկա գավառին վերաբերող ժլատ հիշատակումներից թերևս խիստ արժեքավորը, որը նրա ժողովրդագրական վիճակի գողտրիկ վկայություն է, պատկանում է վրաց տարեգրի գրչին: Ըստ ավանդության, Հռիփսիմյան քրիստոնյա քարոզիչ քույրերից Նինոն՝ հայկական աղբյուրների Նունեն, Հայաստանից փորձում է անցնել Վրաստան և լինում է Ջավախքում, որտեղ Փարվանա լճի ափին հանդիպում է մցխեթցի հովիվների և, նրանց հետ խոսելով հայերեն, կարողանում է պարզել Մցխեթ տանող ճանապարհը¹³: Այս վկայությունը որոշակի պարզություն է մտցնում երկու կարևոր հարցերում: Նախ, որ Նունեն մինչև Վիրք անցնելը, եղել է Հայաստանում, ծանոթացել հայերենին և, ի թիվս այլ քարոզիչների, այնտեղից քրիստոնեությունը տարածել վրաց աշխարհում¹⁴: Երկրորդ՝ Ջավախքի գործածական լեզուն հայերենն էր, այն հայաբնակ էր, այլապես Մցխեթից եկած հովիվների համար անհրաժեշտություն չէր լինի սովորելու հայոց լեզուն:

Արշակ Բ-ի օրոք (350-368) Գուգարաց նահանգն ապստամբում է և հարում վրաց թագավորին: Պապ թագավորի հրամանով Մուշեղ

սպարապետը ետ է գրավում Գուգարքը, պատժում բղեշխին ու նրան օժանդակած իշխաններին և վերականգնում հայ-վրացական սահմանը՝ Կուր գետը. «...զհին սահմանսն, որ յառաջուն էր լեալ յերկիրն Յայոց և ընդ յերկիրն Վրաց, որ է ինքն մեծ գետն Կուր»¹⁵։

Ուշագրավ է, որ գտնվելով Գուգարքի կազմում, Ջավախքը 3-4-րդ դդ. պահպանում էր իր ներքին ինքնուրույնությունը։ Այստեղ իշխում էին Վարծափունի¹⁶ նախարարական տան ներկայացուցիչները։ Արշակունյաց Յայաստանի կյանքում վերջիններս ունեցել են իրենց ուրույն տեղը։ «Գահնամակում» Վարծափունիները 70 նախարարների թվում հիշատակվում են 23-րդը։ Պատերազմի ժամանակ Յայաստանի չորս զորավարություններից Արևելյան ուղղության զորքերի մեջ նրանք ունեցել են 200 զինվոր¹⁷։

387 թ. Յայաստանի բաժանումից հետո Արշակունիների ազդեցությունը Գուգարքի և Ջավախքի վրա զգալիորեն թուլացավ, իսկ 428 թ. հայոց թագավորության կործանումից հետո նրանք միացվեցին Սասանյան Իրանի տիրապետության տակ կազմավորված Վրաց մարզպանությանը, ճիշտ այնպես, ինչպես նույն ժամանակ Արցախը կցվեց պարսկահպատակ մեկ այլ մարզի՝ Աղվանքին։

Ինչպես ամբողջ Յուսիսային Յայաստանը, Ջավախքը ևս պարսկական լծի տակ մնաց մինչև 7-րդ դարը՝ արաբական արշավանքները։ 7-րդ դարի հեղինակ Յովհան Մամիկոնյանի «Պատմություն Տարոնի» երկում, արաբական արշավանքների առիթով, նորից հանդիպում ենք Ջավախքի մասին հիշատակության։ Պատմիչը վկայում է, որ արաբ զորավար Աբդուհիբը 7-րդ դ. կեսերին ասպատակել է Յայաստանի գավառները՝ Յարքը, Բասենը, Ջավախքը, Վանանդը, անցել Վիրք, և ավարով վերադարձել Արաբիա¹⁸։ Այստեղ հատկանշականն այն է, որ Ջավախքը թվարկվում է հայոց գավառների շարքում, իսկ հետո նոր միայն նշվում է Վիրքը։ Նշանակում է 7-րդ դ. 40-50-ական թթ.՝ արաբական առաջին արշավանքների շրջանում, այս գավառն արդեն ոչ թե Վիրքի, այլ Յայաստանի կազմում էր։

Ջավախքը արաբական տիրապետության տակ մնում է մինչև 9-րդ դ. վերջը, երբ Բագրատունյաց Սմբատ Ա-ն (890-914), Յովհաննես Դրասխանակերտցի պատմիչի վկայությամբ «երթեալ չուէ զկողմամբ Գուգարաց՝ և զայնս ևս ամրոցս իւրոյ տէրութեանն առհասարակ յինքն գրավէր նուաճէր»¹⁹։

10-րդ դ. 70-80-ական թթ. Գուգարքի մեծ մասը մտնում էր Լոռվա կամ Կյուրիկյան (նաև՝ Գուգարքի, Չորագետի) թագավո-

րության տարածքի մեջ: Վերին Ջավախքը, հատկապես նրա հարավային մասը՝ Գոգշենը²⁰, որոշ ժամանակ դեռ մնում է Բագրատունիների ազդեցության տակ, իսկ Ներքին Ջավախքը 10-րդ դ. վերջին գրավում են հետզհետե հզորացող վրաց Բագրատունիները: 11-րդ դ. սկզբին նույն ճակատագրին է արժանանում նաև բուն Վերին Ջավախքը: Շուտով վրաց թագավորները Ջավախքն ու նրան հարևան Սամցխեն²¹ վերածում են իրենց թագավորության հարավում ընկած ուժեղ պաշտպանական գավառների՝ կենտրոնախույս ուժերի, Բյուզանդական կայսրության, մի փոքր ավելի ուշ՝ սելջուկ-թուրքերի դեմ: Բագրատ Գ-ն 11-րդ դ. սկզբին կառուցապատում ու ամրացնում է գավառի բնակավայրերից մեկը և կոչում Նոր Քաղաք, վրացերեն՝ Ախալքալաք (ախալի՝ նոր, քալաքի՝ քաղաք): Բագրատ Դ-ն 1044-1047 թթ. Լիպարիտ Օրբելյանի դեմ պատերազմի ժամանակ Թափարվան գետի և նրա ձախակողմյան Քառասունաղբյուր վտակի գոյացրած թերակղզու մասում կառուցում է Ախալքալաքի բերդը: Վրաստանից այստեղ են բերվում որոշ թվով վրացի վերաբնակիչներ:

Վրաց տիրապետությունը երկար չի տևում: 1064 թ. Հայաստանն ու Վրաստանը ենթարկվում են սելջուկյան ասպատակություններին: Այդ թվականին սուլթան Ալփ-Արսլանը «... և իջեալ բանակեցաւ ի գաւառն, որ կոչի Ջաւախս /Ջաւախս- Ա. Մ./,- գրում է պատմիչ Սատթոս Ուռհայեցին,- և պատերազմաւ մեծաւ պատեաց զքաղաքն, որ կոչի Ալախ (Ախալ-քաղաք- Ա. Մ.) և ուժգին զօրութեամբն առաւ Ալախ քաղաքն. և առ հասարակ զամենայն քաղաքն սրով կոտորեաց՝ զայր և զկին՝ անողորմ և զամենայն քահանայսն և զկրօնաւորսն և զիշխանսն սրախողխող արարեալ. և լցաւ ամենայն քաղաքն արեամբ. և անհամար մանկունս և աղջկունս տարան ի Պարսիկս ի գերութիւն, և զանձս ոսկւոյ և արծաթոյ՝ ականց և մարգարտացն որ ոչ էր թիւ»²²: Նույն իրադարձության մասին հիշատակում է նաև Վարդան պատմիչը. Տուղրիլի հորեղբոր որդին՝ Ալփ-Արսլանը «...եկն դարձեալ հարիւր հազարաւ, եւ առ զնոր քաղաք, զոր Վիրք Ախալ-քաղաք ասեն»²³: Պատմիչների այս վկայություններից երևում է, որ 11-րդ դարի կեսերին իբրև վարչական կենտրոն Ծունդային փոխարինած Ախալքալաքը սարսափելի կոտորածների ու բռնագաղթի հետևանքով կորցրել էր իր բնակչության զգալի մասը:

12-րդ դարի սկզբին վրաց Դավիթ Շինարարին (1089-1125) հաջողվում է սելջուկ-թուրքերից ետ գրավել Լոռին ու Ջավախքը: Սակայն անբողջ 11-րդ դարի ընթացքում այն, ի թիվս այլ գավառ-

ների, ձեռքից ձեռք է անցնում: 1175 թ. օգոստոսին Գանձակի սուլթան-աթաբեկ Եղկուզի գորքերը ասպատակում են Ջավախքն ու Թռեղքը: Գեորգի Գ-ն (1156-1184) խուսափում է ճակատամարտից և չի կանխում սելջուկների գործողությունները²⁴: Անին ու Շիրակը ավերելուց հետո Եղկուզը «...ընդ մին ավերե զԱխալքաղաք և զՋավախեթ և առժամայն դառնալով ի Դուին, սատակի ինքն և սուլտանն և այլ բազումք ի մեծամեծաց»²⁵: Միայն 12-րդ դարի վերջին, Թամար թագուհու (1184-1213) պատմիչի վկայությամբ, սելջուկների նկատմամբ Ջաքարե և Իվանե Ջաքարյանների տարած հաղթանակներից հետո Վրաստանին է ենթարկվում Ջավախքից մինչև Սպեր ընկած տարածքը²⁶:

Այս շրջանում շարունակվեցին քարթվելական (վրացական) էթնիկական մոր խմբերի ներթափանցումները Ջավախք, այնտեղ ուղղափառության՝ վրացադավանության տարածման դեպքերը, երևույթներ, որոնք վրաց Բագրատունիների ուժեղացման ժամանակաշրջանում (12-րդ դ.-13-րդ դ. սկիզբ) հատկանշական էին ոչ միայն Ախալքալաքի, այլև հայ-վրացական զինակցության շնորհիվ Վրաստանին անցած Դյուսիսային Դայաստանի մյուս գավառներին: Այսուհանդերձ, այդ գավառներից Լոռին, Սամցխե-Ախալցխան, Տաուշը, Սևանի շրջակա գավառները, ինչպես և Ջավախքը շարունակում էին գերազանցապես մնալ հայաբնակ: Պատահական չէ, որ այդ տարածքները վրաց արքունիքը հանձնեց հայ Ջաքարյաններին, որոնք Վրաստանի հովանավորության ներքո ստեղծեցին իրենց իշխանապետությունը:

Թամար թագուհու պատմիչը գրում է, որ Ջավախքում կուսակալներ էին Սարգիս Երկայնաբազուկ Թմոզվելին (Թմոզվեցին) և Շալվա Թորելին (Թորեցի): Առաջինը նստում էր Թմոզվի, հայկական Թմուկ կամ Թմկա բերդում, որը գտնվում էր Կուրի ձորում, Օունդա ավանից ոչ հեռու, իսկ երկրորդը՝ հավանաբար Թորեա գյուղում: Այն, որ Ջավախքում եղել են երկու կուսակալներ՝ գավառապետեր, պատահական չէ: Նշանակում է շարունակում էր պահպանվել գավառի նախկին վարչական բաժանումը: Թորեցիները նույնպես ենթարկվում էին Թմկաբերդի Ջաքարյաններին: Ախալքալաքը, որն օգտվում էր քաղաքային ինքնավարությունից, ամբողջ գավառի վարչական ու տնտեսական կարևորագույն կենտրոնն էր:

13-րդ դ. 20-ական թվականների կեսերին Ջավախքը ենթարկվեց միջինասիական տիրակալ Ջալալեդդինի, իսկ 30-ականներին մոնղոլների ասպատակություններին²⁷: Սակայն մի

քանի գավառներում, այդ թվում Ջավախքում, Չաքարյանների ինքնավար վիճակը պահպանվեց: Ըստ 1245 թ. նոր վարչական բաժանման մոնղոլների հսկողությամբ Ջավախքը թողնվեց Թորեցիներին: 1266 թ. Թմկաբերդի տեր Սարգիս Ջաղեցին, օգտվելով վրաց թագավորների և մոնղոլների հակամարտությունից, կարողացավ հիմնադրել մի ընդարձակ իշխանություն՝ Տաշիրից մինչև Էրզրում, Սամցխեի աթաբեկություն անունով, որն իր մեջ ընդգրկեց նաև Ջավախքը: Մինչև 14-րդ դ. սկիզբը, մոնղոլներին որոշ քանակությամբ հարկեր վճարելով, Հայաստանի հյուսիսում և հյուսիս-արևմուտքում կազմավորված, հիմնականում հայաբնակ այս իշխանությունն իր ինքնուրույնությունը պահպանեց մինչև 1535 թ.: պայքար մղելով Զարթլիի, Լենկ-Թեմուրի, նրա հաջորդների՝ Թեմուրյանների, 15-րդ դարից՝ թուրքմենական կոյունլու ցեղերի դեմ: Ինչպես Բագրատունիների, Չաքարյանների, այնպես էլ վերջիններիս հաջորդներ Ջաղեցիների օրոք, հայ մշակութային կյանքը Ջավախքում զգալի վերելք ապրեց, որի պերճախոս վկայություններն են պահպանված բազմաթիվ հայկական ճարտարապետական կոթողները²⁸:

15-րդ դարի վերջից Ջավախքը հայտնվեց զանազան նվաճողների տեսադաշտում: 1484 թ. պարսից Յաղուբ խանի զորքերը ավերեցին այն, կոտորեցին ու գերեվարեցին բնակչությանը, իսկ գավառը կրակի մատնեցին²⁹: 1535 թ. Իմերեթիայի ու Զարթլիի թագավորները համատեղ ջանքերով պարտության մատնեցին Սամցխեի աթաբեկի զորքերին և տիրեցին Ախալքալաքին ու Ախալցխային: Սակայն Սեֆյան Իրանի դեմ պատերազմների ընթացքում 1547 թ. օսմանյան թուրքերը գրավեցին այդ քաղաքները: 1555 թ. Ամասիայում կնքված պարսկա-թուրքական հաշտությամբ Ջավախքն անցնում էր Պարսկաստանին: Սակայն 1578 թ. պատերազմը վերսկսվում է, թուրքերը նորից ներխուժում են Ջավախք և շուտով այն մտցնում նորաստեղծ Չլդրի, հետագայում՝ Ախալցխայի նահանգի (Եյալեթ, Վիլայեթ) մեջ՝ 1637 թ. այն վերածելով ինքնուրույն գավառի՝ սանջակի:

Նվաճված տարածքներում օսմանցիներն անցկացնում են աշխարհագիր՝ տեղի բնակչությանը հարկման ենթարկելու նպատակով: 16-րդ դ. վերջին կազմված թուրքական հարկացուցակներից մեկն արժեքավոր տեղեկություններ է պարունակում Ախալքալաքի գավառի ժողովրդագրական իրավիճակի մասին: «Գյուրջիստանի վիլայեթի ընդարձակ դավթար» կոչվող այդ փաստաթղթում թվարկվում են գավառները՝ իրենց գյուղերով և

նրանցում ապրող մարդկանց անվանացանկերով: Պարզվում է, որ Ախալքալաքի բնակավայրերի մեծ մասում բնակիչները քրիստոնյաներ էին և կրում էին հայկական ու վրացական կամ հայերի և վրացիների մեջ մեծ տարածում գտած անուններ: Հայկական կամ հայերի կողմից լայնորեն գործածվող անուններ հանդիպում ենք Կոկիայում (Ռուբեն, Ռոսեբ (Հովսեփ), Օրջայում (Հանես Իշխանի, նրա եղբայր Սարգիս, Ավագ Հանեսի, Կիրակոս, Սիմոն, Ղազար, Նազարի որդի), Կոթեիայում (Զաքար), Բարայեթում (Միտիչի (Սկրտչի) թոռ, նրա որդի Սարգիս), Տուրգետում (Մասուրի (Մանսուր) որդի Սարգիս, Ավագ), Խանդոտում (Հակոբ), Վաչիանում (Քերոբ), Քարծեփում (Բայանդուր), Հոկանում (Մանվել Սարգսի), Քիոյայում (Խաչատուր), Վերին և Ներքին Խոսախաներում (Միտիչ (Սկրտիչ) Տեր-Բեկի, Խոսիկ-Հուսիկ, Սահակ), Ջիզրաշենում (Զաքարի թոռ), Մեծ Մաջադիայում (Հակոբ), Նաքայաքում (Հավաթեղ Կարապետի), Կորխում (Ռոստոմ, նրա որդի Կիրակոս, Շահաբա Սկրտիչի, Հանես Սարգսի, Կիրակոս Ասվա/ծա/տուրի), Գումբուրդոյում (Խարաբայի որդի Դավիթ, Սկրտիչ Ամիրխանի որդի, Յարալ Կիրակոսի, Շահկուլի որդի Աբրահամ, Մանուկ), Օլավեռոում (Աբաս), Խուլզումոյում (Ասվա/ծա/տուր, Արտաշես), Հեշտիայում (Տեր-Հակոբ), Մեծ Խորենիայում և Զամդուրայում (Գրիգոր, նրա եղբայր Մոսե, Սահակ Գրիգորի, նրա եղբայր Սարգիս, Տեր-Հակոբ, նրա եղբայր Յարալ, Խաչատուր, Մուրադ Ջիհանշեի), Օրջայում (Վահրամ, Սարգիս, Եղիազար), Ջրեսկում (Շահմուրադ, Ռոսեփ (Հովսեփ), Սիմոն, Սամսոն, Ասվա/ծա/տուր), Ղաուրմայում (Սարգիս), Բավրայում (Բայանդուր), Թորիայում (Առաքել, Բայանդուր, Ջանիբեկ Սարգսի, Սկրտիչ), Աբուլում (Եղիազար, Դավիթ, Սարգիս), Ախալքալաքի բերդում (Մուրադ, նրա եղբայր Ջադիկ), Փոքր Մուրջախեթում (Հանես Սարգսի), Փոքր Մամզարայում (Դուլիկ Ասվա/ծա/տուրի), Օունդայում (Ջոջիկ Ջիհանշեի, նրա եղբայր Մանուկ), Սուլդայում (Շերմազան, նրա որդի Սիմոն), Էրինջայում (որդի Եղիազարի, նրա եղբայր Մանաս, Հակոբ), Խոզաքունում՝ Խոզափինում (Մանուկ Ասվա/ծա/տուրի), Արագովայում (Սարգիս), Ափնիայում (Աբաս), Բեժանոյում (Սիմոն), Այաստանում (Արզուման), Լոմատուրգետում (Ալիբեկի որդի Ռոստոմ), Ջակում (Եղիազար, Ռոսեփ-Հոսեփ), Բուռնաշեթում (Սարգիս) և այլն: Ուշագրավ է, որ կան մաև բնակավայրեր, որոնց բնակչության ճնշող մեծամասնությունը հայեր են: Այսպես. նշանավոր Թմուկ (Թմոզփի) բերդաքաղաքն ըստ նույն աղբյուրի գերազանցապես հայաբնակ էր: Այնտեղ հանդիպում ենք հետևյալ

անունների. Սարգիս Առաքելի, Ռոստոմ, Անանիայի որդի, նրա եղբայր Սկրտիչ, որդի Վարդանի, որդի Եղիգարի, Յովհաննես Բայանդուրի, Պապու Շիրինի, Բերիկ Փիրագիգի, նրա որդի Սկրտիչ, Մուրադ, Տեր-Յակոբ, Բերիկ Մուրադի, նրա եղբայր Սարգար, Յակոբ, Սարգիս Մելիքի և այլն: Ջուտ հայաբնակ էր Չլդրի գավառի Քենարբեյ գյուղը՝ Ծառուկի որդի, նրա եղբայր Ասվա/ծա/տուր, Սարգարի որդի, Ղուլիջանի որդի Նորսես (Ներսես), Խոսիկ-Յուսիկ, Ռոստոմի որդի, Սարգիս Մուխթարի, Միկիրտիչ Վելիջանի, Միտիչի որդի, նրա եղբայր Սարգիս, Մուրադ Կարապետի, Մարտիրոս Ավանեսի, Յովհաննես Ամիրագիգի, նրա եղբայր Կարապետ, Խաչիկ Յամբարծումի, Թոռնիկ Ծառուկի, Խաչատուր Ալեքսանի, Մարգար, Պապու Սարգարի և այլք:

Յայաշատ էին նաև նույն գավառի Մեծ և Փոքր Կարծախ գյուղերը՝ Նադար Շահնազարի, Վարդան, Գրիգոր Սուքիասի, Ջհանշե Կիրակոսի, Սկրտիչի որդի, նրա եղբայր Կարծել, Բայանդուր, Խաչիկ Յարալի, որդի Սահակի, որդի Անտոնի, Տեր-Յակոբ Ջոմերդի, նրա որդի Շահագիգ, Յարագիգ Տեր-Յակոբի, Սարգիս, Ասվա/ծա/տուր, Դիարբեկ Սահակի, նրա եղբայր Ասվա/ծա/տուր և այլն:³⁰ Յատկանշական է, որ վերոհիշյալ անունների մեջ բազմիցս հիշատակվում է Տեր-Յակոբ անունը, իսկ Խոսպիայում՝ Տեր-Բեկը, հանգամանք, որը վկայում է տվյալ բնակավայրում հայ քահանայի, այն է՝ նաև հայկական ծխի ու եկեղեցու առկայության մասին:

Յետագա դարերում օսմանյան երկարատև ու դաժան տիրապետության ընթացքում խնդրո առարկա գավառը ևս գերծ չմնաց բնակչության բռնի մահմեդականացումից: Իսլամ ընդունեց հայության հատկապես այն հատվածը, որը վրաց գերիշխանության շրջանում դարձել էր քաղքեղոնական³¹: Իսլամացած այդ տարրերը արդեն 17-18-րդ դդ. եկվոր թուրքերի հետ Ախալցխայում, Ադիգե-նում, ավելի քիչ՝ Ախալքալաքում հայտնի էին ընդհանուր «մեսխեթ-ցի»³² աշխարհագրական անունով: Այսպես, ըստ վրաց հեղինակ Վախուշտ Բագրատիոնի, 18-րդ դ. 40-ական թթ. Ախալքալաքի գավառի Բարալեթ և Կոկիա հայտնի բնակավայրերի հիմնական բնակիչները մեսխեթն ու հայերն էին³³: Թեև քրիստոնյաների համեմատությամբ մահմեդականները սակավաթիվ էին, սակայն օտար տիրապետության ավերիչ իրադարձությունները հող էին նախապատրաստում գավառի եթնիկական դիմախեղման համար: Յատկապես ծանր հետևանքներ ունեցավ 1730-ական թթ. կեսերին Նադիր խանի (հետագայում՝ շահ) արշավանքը: Յյուսիսային Յա-յաստանից գերված 6000 հայ բնակիչների նա բռնագաղթեցրեց

Պարսկաստան: «...Եւ գերեցին զՆարիմանու նահանգն, զՋաւախէքու, զՉլտրու և զՂայի Ղուլու, որք էին բովանդակ ի մեր ազգէ,- գրում է Աբրահամ Կրետացին,- Եւ քշեցին գայր ու զկին, զծեր և զտղայ և տարան ի հորասան՝ թուով ՁՌ (6000), որպէս և լսեմք»³⁴: Այդուհանդերձ, ինչպէս երևում է Ղուկաս Ինճիճյանի մի վկայությունից, 18-րդ դարի վերջին Ախալքալաքի գավառը շարունակում էր մնալ գերազանցապէս հայաբնակ երկրամաս: Միայն Ախալքալաք քաղաքում ապրում էին 600 ծուխ հայեր և վրացիներ³⁵:

18-րդ դ. վերջին տասնամյակներին Ախալքալաքի գավառը թուրքերից գրավելու փորձեր կատարեցին վրաց թագավորները: 1772 թ. Կախեթի Յերակլ 2-րդ և Իմերեթիայի Սողոմոն թագավորները պաշարեցին Ախալքալաքի բերդը, սակայն հաջողություն չունեցան: 19-րդ դ. սկզբին նրա համար գործուն պայքար ծավալեց իր ազդեցությունն Անդրկովկասում օրեցօր ուժեղացնող Ռուսական կայսրությունը: 1807 թ. ապրիլին Ֆելդմարշալ Գուլոպիչի զորքերը օղակեցին Ախալքալաքը, սակայն տալով խոշոր կորուստներ, հեռացան: 1810 թ. սեպտեմբերի 5-ին գեներալ Պաուլուչչիի զորագունդը Ախալքալաքի մոտ կարևոր հաղթանակ է տանում թուրքերին օգնության եկած Երևանի Յուսէին Ղուլի խանի զորքերի նկատմամբ, իսկ 1811 թ. դեկտեմբերի 8-ին Կոտլյարևսկու զորաջուկատը, անցնելով Թոեղքի ձյունառատ լեռներով, հանկարծակի ներխուժում է Ջավախք և գրավում Ախալքալաքի բերդը: Բայց 1812 թ. Բուխարեստի հաշտությամբ այն վերադարձվում է Թուրքիային:

1828 թ. հուլիսի 24-ին գեներալ Պասկևիչը սղընթաց գրոհով գրավում է Ախալքալաքը, իսկ 26-ին՝ հերթվիսի (հըրթըզի) բերդը: 1829 թ. սեպտեմբերի 2-ի Ադրիանապոլսի պայմանագրով Ախալքալաքի և Ախալցխայի գավառներն անցնում են Ռուսաստանին: Պատերազմական գործողությունների ընթացքում մեծապէս տուժել էին այստեղի հայկական ու վրացական բնակավայրերը. նրանցից շատերն ամայացել էին, իսկ բնակիչներն արտագաղթել էին³⁶: Ռուսների կողմից գավառի գրավումը հնարավորություն տվեց տեղական բնակչության մի մասին վերադառնալու և մասնակիորեն վերաշինելու մի քանի բնակավայրեր՝ Ղոկամը, Բարալեթը, Կոկիան, Գոնդուրան, Աբուլը, Դիլիսկան, Մաջադիան, Արագովան և այլն: Արդեն պատերազմի վերջում՝ 1829 թ. գավառում հաշվվում էր 1716 (մոտավորապես 10-11 հազար շունչ) հայ, 639 մահմեդական եւ 179 վրացի ընտանիք³⁷:

1829 թ. վերջին Արդահանի, իսկ 1830 թ. ամռանը Երզրումի, Բասենի, Խնուսի, մասամբ Դերջանի գավառներից 58 հազար

հայեր Կարապետ արքեպիսկոպոս Բագրատունու ղեկավարությամբ, օգտվելով Ադրիանապոլսի պայմանագրի 13-րդ հոդվածի ընձեռած հնարավորությունից, հաստատվեցին Ախալցխայի և Ախալքալաքի գավառներում³⁸։ Միայն Ախալքալաքի գավառում էր գրումահայերը տեղացիների հետ վերաշինեցին կամ հիմնադրեցին շուրջ 50 գյուղ։ 1831 թ. Ախալցխայից եկած մի քանի տասնյակ հայ ընտանիքներ կիսավեր Ախալքալաքի հարավային մասում հիմնադրեցին նոր և ընդարձակ թաղամաս։ Այսպես Ջավախքի տեղաբնիկ հայության թիվը համալրվեց արևմտահայերով, որոնք հիմնականում լինելով ավելի սովոր, հավանաբար գլխավորապես արևելահայերենով խոսող տեղացիներին (որոնց կոչում էին եռլի կամ եռլական) պարտադրեցին արևմտահայերենը³⁹, ինչպես և իրենց կենցաղն ու սովորությունները։ 1830-ական թթ. արևմտահայ գաղթականների փոքր մասը, չստանալով ռուսական իշխանությունների խոստացած բարեկեցիկ պայմանները, հեռացավ Արևմտյան Հայաստան⁴⁰, իսկ մեծագույն մասը, հաղթահարելով բազմաթիվ դժվարություններ, մնաց և շենացրեց երկրամասը։ Շուտով Ախալցխան և Ախալքալաքը կրկին դարձան Անդրկովկասի էթնիկապես հայահոծ գավառներ, քանի որ տեղի «մեսխեթցիների» մի զգալի զանգվածը, չկամենալով մնալ ռուսական տիրապետության տակ, գաղթեց Թուրքիա։ 1831 թ. Ախալքալաքի գավառի հայության թիվն անցավ 30 հազարից, որոնցից, ինչպես վերը նշվեց, 1716 ընտանիք, մոտավորապես 10-13 հազար մարդ, տեղաբնիկներ էին (վերջիններիս մի մասը կաթոլիկներ էին)⁴¹։

1840 թ. Ախալքալաք գավառը, որ կազմում էր թուրքական նախկին սանջակի հիմնական տարածքը, մտցվեց Վրացիաներթթական, իսկ 1846 թ.՝ Թիֆլիսի նահանգի մեջ։ 1860-ական թթ. այն դարձավ Ախալցխայի ենթագավառը, 1874 թ. վերածվեց ինքնուրույն գավառի։ Նույն՝ 1874 թ. Ախալքալաքին տրվում է գավառային 3-րդ, 1890 թ.՝ 2-րդ կարգի քաղաքի կարգավիճակ, 1896 թ. քաղաքային պարզ ինքնավարություն⁴²։

1841-1843 թթ. Ռուսաստանի տարբեր մարզերից աքսորված ռուս աղանդավորները՝ դոկտորները, գավառի հարավային մասում (այժմյան Նինոծմինդայի շրջան) հիմնում են 8-9 գյուղեր։ Այսպես Ջավախքը դառնում էր բազմազգ. 1886 թ. գավառում հաշվվում էր 110 գյուղ, որոնք միավորվում էին 10 գյուղական համայնքներում՝ Արագովա (13 գյուղ), Բարալեթ (23), Վարևան (9), Վաչիան (11), Գորելովկա (8), Դիլիսկա (9), Կարծախ (10), Սաթխա (8), Խերթվիս (11), Հեշտիա (8), ընդամենը մոտավորապես 63,8

հազար բնակչությամբ, որից 46386-ը հայեր էին (39150-ը առաքելական, 7236-ը կաթոլիկ), 6674-ը ռուսներ (6597-ը դոկտորներ), 3735-ը վրացի, 6824-ը մահմեդական, 53-ը հրեա, 14-ը եզդի, 102-ը հույն⁴³: Բերված տվյալներից ակնհայտ է, որ գավառի բնակչության ճնշող մեծամասնությունը հայերն էին 72,7%: Մահմեդականները 10,7% էին, ռուս դոկտորները 10,4%, վրացիները 5,8%: Հայերը գերակշռում էին ոչ միայն գյուղերում, այլև Ախալքալաք քաղաքում (1893 թ. քաղաքի 4303 բնակչից 4084-ը հայեր էին)⁴⁴: 19-րդ դարի վերջին նույն 110 գյուղերում և քաղաքում ապրում էր 63799 մարդ, որից 50467-ը՝ հայ⁴⁵ (ամբողջ բնակչության 79%-ը):

Ռուսական տիրապետության շրջանում Ախալքալաքի գավառը սոցիալ-տնտեսական և մշակութային զգալի վերելք ապրեց: Ախալքալաքը դարձավ արհեստավորական կենտրոն, իսկ գյուղերը սկսեցին կարևոր դեր խաղալ Անդրկովկասում հացահատիկի արտադրության բնագավառում: 1830-ական թթ. սկզբներին Կարապետ արքեպիսկոպոսի մախաձեռնությամբ Ախալքալաքում բացվեց Մեսրոպյան արական դպրոցը: 1856 թ. բարերար Կարապետ Յաղուբյանի ջանքերով վերաշինվեց Ս. Խաչ եկեղեցին: 1870 թ. սկսեցին գործել Սանդխտյան օրիորդաց, իսկ 1880-ական թթ. սկզբին՝ ռուսական դպրոցները, 1889 թ. քաղաքային ուսումնարանը:

19-րդ դարի վերջին Ախալքալաքում Ձ. Տեր-Գրիգորյանի և Պ. Աբելյանի ջանքերով ստեղծվեց ազատագրական խմբակ: Այստեղ իր գործունեությունը ծավալեց Հայ Հեղափոխական Դաշնակցությունը⁴⁶: Ձավախքը տվեց այնպիսի դեմքեր, ինչպիսիք էին Հովի. Բաջազնունին, Համո Օհանջանյանը, Վահան Տերյանը, Ռուբեն Տեր-Մինասյանը, Ռուբեն Դարբինյանը և ուրիշներ:

A II
85321



Ծանոթագրություններ

1. Երենյան Ա., Հայաստանը ըստ «Աշխարհացոյց»-ի, Երևան, 1963, էջ 46:
2. Նույն տեղում, էջ 110:
3. Տաշիրը հիմնականում համապատասխանում էր Խորհրդային Հայաստանի Ստեփանավանի և Կալինինոյի (այժմ Տաշիր) շրջաններին, Թումանյանի շրջանի հարավային մասին, Կողբուփորը՝ Նոյեմբերյանի, Չորոփորը՝ Թումանյանի մեծ մասին, Վերին Ջավախքը՝ Վրաստանի Հանրապետության Ախալքալաքի և Բոգդանովկայի Նիկոժմինդա/, Թռեղքը՝ Ծալկայի, Մանգլեացիփորը՝ Մանգլիսի, Ծորոփորը՝ Մառնեուլի, Բողնոփորը՝ Բոլնիսի շրջաններին: Հարավի Կղարջք, Արտահան, Շավշեթ և այլ գավառներ այժմ Թուրքիայի տարածքում են:
4. Ջավախքի միջին բարձրությունը ծովի մակերևույթից 1800մ է: Ամենաբարձր գագաթն Աբուլն է՝ 3301 մ: Կլիման խստաշունչ է՝ ծմեռը ցուրտ և երկարատև, ամառը՝ կարճատև ու զով (տարեկան միջին ջերմաստիճանը՝ 4-4,5 աստիճան): Գավառը հարուստ է լճերով՝ Փարվանա, Տաքաժողուրի, Սաղամո, Խոզափին, Խանջալի, Մաղաթափա և այլն: Լեռնադաշտը ծածկված է սևահողերով: Բացի հյուսիսային մասից, Ջավախքն անտառազուրկ է: Փարվանայից սկիզբ է առնում Կուրի աջակողմյան Թափարվան վտակը:
5. 13-14-րդ դդ. պատմիչ Ստ. Օրբելյանն ընդհակառակը՝ երկրի անունից բխեցնում է բնակիչների՝ ջավախուրների անունը: Տե՛ս Ստեփանոս Օրբելյան, Սյունիքի պատմությունը, Ե., 1986, էջ 303:
6. Կարագեոզյան Հ., Հայկական լեռնաշխարհը սեպագիր աղբյուրներում, հ. I, գիրք 1, Եր. 1998, էջ 94, 132, 195, 203-204 և Հայ ժողովրդի պատմության քրեստոմատիա, հ. Ա., Ուրարտական աղբյուրներ. Ե., 1981, էջ 58, 67:
7. Երենյան Ա., Ուրարտու պետությունը, քարտեզ. Հայ ժողովրդի պատմություն, ՀՀ ԳԱԱ հրատ. , հ. Ա, Ե. 1971:

8. Մովսես Խորենացի, Պատմութիւն Հայոց, Վենետիկ, 1881, գիրք Բ, գլ. Ը, տես նաև Ստեփանոսի Տարօնեցոյ Ասողկան Պատմութիւն տիեզերական, Ս. Պետերբուրգ 1885, էջ 35:
9. Վերին Ջավախքը, որն այժմ համընկնում է Ախալքալաքի և Նինոծմինդայի վարչական շրջաններին, զբաղեցրել է մոտ 2700 քառ. կմ տարածք, իսկ Ներքին Ջավախքը՝ ներկայիս Ասպինձայի՝ պատմական Ասպնջակի շրջանը և Արտահանի հյուսիսային մասը, կազմել է մոտ 1400 քառ. կմ: Տես Երեմյան Ս., Հայաստանը ըստ «Աշխարհացոյց» ի, էջ 78:
10. Ծունդան հաճախ նույնացվել է այժմյան Ախալքալաքի Սուլդա գյուղի հետ: Ոմանք էլ այն տեղադրել են Կուրի ծորում՝ Նաքալաքե գյուղի տեղում:
11. Ստրաբոն. Օտար աղբյուրները հայերի մասին, հ. 1, Ե. 1940, էջ 54-57, Հա; Ժողովրդի պատմության քրեստոմատիա, էջ 196:
12. ქართლს ცხოვრება, ტ. I, თბილისი 1955, გვ. 48-49.
13. Նույն տեղում, էջ 85-86:
14. Պատահական չէ, որ ըստ պատմագիրների, վրաց Միրիան (Միրիան) թագավորը 320-ական թթ. Հայոց Տրդատ Մեծի օրինակով և օժանդակությամբ է քրիստոնեական դարձի բերել վրաց ժողովրդին:
15. Փավստոս Բուզանդ, Պատմություն Հայոց, թարգմանությունը և ծանոթագրությունները Ստ. Մալխասյանի, Եր., 1987, էջ 322:
16. Ենթադրվում է, որ Վարձավունիների անունից է ծագել հետագայի Վարձիա քաղաքի (10-13-րդ դդ.) անունը (ներկայիս Ասպինձայի շրջանում):
17. Ադոնց Ն., Հայաստանը Հուստինիանոսի դարաշրջանում, Ե. 1987, էջ 282, 294, հմմտ.՝ Ալիշյան Ղ., Այրարատ, Վենետիկ, 1890, էջ 424-425:
18. Հովհան Մամիկոնյան, Տարոնի պատմություն, Ե. 1989, էջ 114. Հայ ժողովրդի պատմության քրեստոմատիա, էջ 682:
19. Յովհաննու կաթողիկոսի Դրասխանակերտեցոյ Պատմութիւն հայոց, Թիֆլիս, 1912, էջ 244:
20. Այժմ Ախալքալաքի հարավում կա Գոգաշեն անունով գյուղ:
21. Սամցխե կամ Մեսխեթ գավառը համապատասխանում է ներկայիս Ախալցխայի և Ադիգենի վարչական շրջաններին:

22. Մատթեոս Ուռհայեցի, ժամանակագրություն, աշխարհա-
բար թարգմանությունը և ծանոթագրությունները Դ.
Բարթիկյանի, Եր., 1991, էջ 158:
23. «Մեծին Վարդանայ Բարձրերդեցույ Պատմութիւն
Տիեզերական», Մոսկվա, 1861, էջ 136: Վարդան պատմիչի
այդ վկայությունից հետևում է, որ հայերը քաղաքը կոչել են
ոչ թե վրացական ձևով Ախալքալաք, այլ՝ Նոր քաղաք:
փաստորեն նույն միտքը կա նաև Ուռհայեցու մոտ, որը
գործածում է միայն Ախալ՝ նոր տեղանունը: Չպետք է
մոռանալ, որ Ախալ և քաղաք բառակապակցության մեջ
վերջին բառը միայն վրացերենն է. քալաքը նաև հայկական
քաղաք բառն է:
24. Մարգարյան Դ. Գ., Դյուսիսային Հայաստանի և Վրաստանի
ԺԲ դարի պատմության մի քանի հարցեր, Ե. 1980, էջ 122:
25. Մանր ժամանակագրություններ, հ. 2, Ե. 1956, էջ 502,
հմմտ: Ստ. Օրբելյան, ժամանակագրութիւն, Ե. 1942, էջ 18-
19:
26. Жизнь царицы Тамары, Памятники грузинской исторической
литературы, т. V, Тбилиси 1985, с. 37, 46.
27. Վրաց ժամանակագրություն /1207-1318/, թարգմանու-
թյունը հին վրացերենից Պ. Սուրադյանի, Ե. 1971, էջ 66,
73:
28. Ե. Լալայանը 19-րդ դ. վերջին ականատես է եղել այդ
ժամանակաշրջանին վերաբերող բազմաթիվ խաչքարերի
(Լալայան Ե., երկեր, հ. 1, Եր. 1983, էջ 55): Դրանց մի մասն
ուսումնասիրվել է Սամվել Կարապետյանի կողմից, (Կարա-
պետյան Ս., Ջավախքի խաչքարերը, Եր. 1995):
Ծունդայում, Թմբկաբերդում և այլուր հայտնաբերված XIV-
XV դարերի հայերն արձանագրություններ ունեցող
խաչքարերի մասին աշխատություններ ունի նաև վրաց
պատմաբան Լ. Դավիթանիձեն /տես արժանաշու,
ახალგაზრდა ისტორიკოსთა სამეცნიერო-პოპულარული
უკრძალო, თბილისი 1998, N 7 გვ. 19, 58:
29. Էփրիկյան Ս., Պատկերագարդ բնաշխարհիկ բառարան, հ.
Ա, Վենետիկ 1902, էջ 62:
30. გურჯაანის ვილაიეთის დიდი ღავთარი, წიგნი 2,
თბილისი 1941, გვ. 191-243, 275-278.
31. Վրաստանում Հայաստանի անմիջական օժանդակությամբ

քրիստոնեության տարածումից հետո վրաց եկեղեցին ընկավ հայ առաքելական եկեղեցու ազդեցության տակ և փաստորեն կազմեց նրա մի ճյուղը: Սակայն 607-608թթ. վրաց կաթողիկոս Կյուրիոն Սկուտրիեցին, քաղաքական նկատառումներով հասավ հայ-վրացական եկեղեցական պառակտմանը և նախընտրեց հունադավանությունը: Ջավախքի հայերը մնացին առաքելական եկեղեցու ենթակայության տակ և միավորվեցին գավառի Ջրեսկ հոգևոր կենտրոնի /այժմ Ջրես գյուղ/ շուրջը: Վրաց Բագրատունիների հզորացման շրջանում վրացական եկեղեցին պարտադրեց Սամցխեի, Ջավախքի և պատմական Տայքի հայերի մի մասին ընդունելու քաղքեղոնականություն: 17-րդ դ. հեղինակ Հակոբ Կարնեցու վկայությամբ վերջիններս «ազգաւ և կրօնիւն վրացի /էին-Ա. Մ./, բայց հայի լեզուաւ խօսէին» (Մանր ժամանակագրություններ, հ. Բ, Ե. 1956, էջ 554):

32. Վրաց պատմաբաններն ու ներկայիս քաղաքական գործիչներն այդ տերմինի մեջ էթնիկական իմաստ են դնում փորձելով մեսխեթցիներին ներկայացնել իբրև զուտ վրացիների:
33. ქართველთა ენციკლოპედია, ტ. IV, თბილისი 1973, გვ. 669-670.
34. Աբրահամ Կրետացի, Պատմություն, Ե. 1973, էջ 67:
35. Ինժիճեան Ղ., Աշխարհագրութիւն չորից մասանց աշխարհի, հ. Ա, Վենետիկ, 1806, էջ 124-127:
36. 1806-1812թթ. ռուս-թուրքական պատերազմի ընթացքում ռուսական զինվորական մարմինները Ջավախքից զգալի թվով քրիստոնյաների վերաբնակեցրին 1801թ. Ռուսաստանին անցած Արևելյան Վրաստանում և Լոռիում (Акты, собранные кавказской археографической комиссией, т. IV, Тифлис 1870, с. 810, 813, т. V, 1873, с. 18): Մանրամասն XIX դ. I քառորդին Ջավախքում տեղի ունեցած էթնիկական տեղաշարժերի մասին տես Սելքոնյան Ա., Ժողովրդագրական տեղաշարժերը Ջավախքում և Ախալցխայի գավառում 19-րդ դարի առաջին քառորդին («Իրան-նամե», 1998, 1-2-3, էջ 12-16):
37. Տեր-Սիմեայան Ռ., Ախալքալաքի պայքարը, «Դրոշակ», Փարիզ 1926, թիվ 1 և «Հայաստան», ՀԱԱԿ պաշտոնաթերթ, 15 մայիսի, 1990թ., էջ 10-11:

38. Արևմտահայ գաղթականության համար Ախալցխայի ու Ախալքալաքի ընտրության հարցը պատահական չէր: Այդ գավառները մինչ այդ ենթարկվում էին երզրումի հոգևոր թեմին և իրենց բնակլիմայական, աշխարհագրական պայմաններով քաջածանոթ էին թեմի առաջնորդ Կարապետ Բագրատունուն, առավել ևս, որ Ջավախքն իր այդ տվյալներով շատ նման էր երզրումի գավառներին: Անշուշտ, տեղի ընտրության հարցում կարևոր էր նաև ռուսական իշխանությունների շահագրգռությունը, որոնք գրաված հողերը ցանկանում էին բնակեցնել քրիստոնյա հայերով:
39. Ջավախքի գյուղերից այսօր արևելահայերենով խոսում է միայն Բարալեթը, որի մասին հիշատակում է Վախուշտ պատմիչը: Այն մյուս գյուղերի նման զանգվածաբար չբնակեցվեց երզրումահայերով և պահպանեց թե՛ իր արևելահայ տեղական բարբառը, և թե՛ տեղաբնիկներին հատուկ սովորությունները: Փաստորեն բարալեթցիների միջոցով այսօր որոշ պատկերացում կարելի է կազմել Ջավախքի տեղաբնիկ հայերի մասին:
40. Մատենադարան, Կարապետ արք. արխ., թղթ. 163⁹, վ. 1216, թ. 1, վ. 1223, թ. 1, թղթ. 163⁹, վ. 1331, թ. 1-3, վ. 1403, թ. 1, թղթ. 163⁶, վ. 78, թ. 1, Центральный государственный исторический архив Республики Грузия, ф. 11, л. 418, док. 713, ф. 2, оп. 1, лл. 3396, 4587, 4619.
41. Անտեսելով՝ Ախալքալաքի տեղաբնիկ հայության մասին վերը բերված բազմաթիվ փաստերը (այդ թվում՝ վրացական աղբյուրները)՝ առանձին վրաց պատմաբաններ ու գործիչներ փորձում են այս շրջանում հայերի հայտնվելը կապել հիմնականում 1829-1830թթ. արևմտահայերի ներգաղթի հետ (տես Ջոռձնաձե Ս., Նամիչեջ-չափաբեյտո, თბილისი 1975, ՅՑ. 342-365):
42. Էփրիկյան Ս., նշվ. աշխ., էջ 63:
43. Ахалкалакский уезд тифлисской губернии. Статистический временник Кавказского края, вып. 2, Т. 1887, с. 18-19.
44. Մելքոնյան Ա., Ախալքալաք (Յայկական համառոտ հանրագիտարան) հ. 1, Ե. 1990, էջ 100:
45. Էփրիկյան Ս., նշվ. աշխ., էջ 64: 1886թ. համեմատությամբ հայ բնակչության զգալի աճը բարձր ծնելիության և 1894-

96թթ. կոտորածներից շրջակա արևմտահայերի այստեղ
հաստատվելու արդյունք էր:

46. «Երկիր», 12 նոյեմբերի 1995թ., էջ 5:

-

ԳԼՈՒԽ ԵՐԿՐՈՐԴ

ՋԱՎԱԽՔԻ ՊԱՏՄՈՒԹՅԱՆ

ՈՂԲԵՐԳ-ԱԿԱՆ ԷՁԸ (1918- 1921)

Դեռևս առաջին համաշխարհային պատերազմի նախօրյակին Անդրկովկասի զանազան ազգային-քաղաքական շրջանակներում լուրջ քննարկման խնդիր դարձավ երկրամասի նոր վարչատարածքային բաժանման հարցը, որի անհրաժեշտությունը հայ, վրացի և թաթար (ադրբեջանցի) գործիչները բացատրում էին ցարիզմի կողմից մտցված նահանգային բաժանման մեջ ազգային-տարածքային գործոնի անտեսման հանգամանքով: Այդ քննարկումները վերսկսվեցին 1917թ. փետրվարյան հեղափոխությունից հետո: 1917թ. ամռանը վրաց մենչևիկները գտնում էին, որ Անդրկովկասի տարածքային բաժանման հարցում պետք է առաջնորդվել ազգագրական սկզբունքով, այսինքն՝ որտեղ գերակշռում է տվյալ էթնոսը, այդ տարածքը պետք է միացնել տվյալ վարչամիավորին, ընդ որում վիճելի տարածքների խնդրում անհրաժեշտ էր նկատվում հանրաքվեն: Այս ժողովրդավարական դիրքորոշումը ընդունելի էր նաև վրացական այլ կուսակցությունների համար¹: Նման արդարացի մոտեցումը կիսում էին հայ քաղաքական բոլոր շրջանակները: Այդ սկզբունքի կիրառման դեպքում Թիֆլիսի նահանգի կազմում եղած հայկական և գերազանցապես հայերով բնակեցված Բորչալուի (Լոռու հետ միասին) ու Ախալքալաքի գավառների և Ելիզավետպոլի նահանգի հարավարևմտյան հատվածի (Ղարաբաղ և Ջանգեզուր) վարչական վերանբարելման հարցը Երևանի նահանգին, կղառնար անխուսափելի: Նախկին Երևանի նահանգի հետ այդ տարածքները կկազմեին 54 հազ. քառ.կմ՝ 1970 հազ. բնակչությամբ, որից հայեր՝ 1169 հազ., մահմեդականներ՝ 546 հազ., վրացիներ 7 հազ. և այլն²:

1917թ. գարնանից Պետրոգրադում իրավաբան Ջուրաբ Ավալովի գլխավորությամբ սկսեց գործել հատուկ հանձնաժողով Անդրկովկասի վարչական վերաբաժանման հարցը քննարկելու համար: Այդ հանձնաժողովը որոշում ընդունեց Բորչալուի Լոռու

տարածքի 4/5-ը և Ախալքալաքի գավառը Թիֆլիսի նահանգից հանելու և նոր ստեղծվելիք Ալեքսանդրապոլի նահանգին միացնելու մասին³։ Միաժամանակ ընթացան նաև այլ խորհրդ-դակցություններ, որոնցում հայերի շահերը ներկայացնում էին Ալ. Խատիսյանը և Ավ. Շահխաթունյանը⁴։ Վերջինս ավելի ուշ հրատա-րակեց մի աշխատություն⁵, որում հիմնավորում էր ազգագրական սկզբունքով Անդրկովկասի վերաբաժանման նպատակահար-մարությունը։

1917թ. սեպտեմբեր-հոկտեմբերին վրաց քաղաքական ուժերը, հատկապես ազգային դեմոկրատները, հանդես եկան Թիֆլիսի նահանգից Բորչալուի և Ախալքալաքի գավառները անջատելու դեմ։ Ընդ որում, «Թիֆլիսի նահանգ» բառերը նրանք նույնացնում էին վրացական ազգային պետականության հետ։ Այսպես 1917թ. քննարկումների արդյունքում վարչական բաժան-ման հարցը վերածվեց ազգային-տարածքային, պետական սահ-մանազատման հիմնախնդրի։

1917թ. հետհոկտեմբերյան ֆուլուն վրաց քաղաքական շրջանակներում Ռուսաստանից անջատվելու ձգտման ուժեղաց-ման հետ մեկտեղ, ազգագրական սկզբունքը հետզհետե մոռացու-թյան տրվեց։ Լոռու ու Ախալքալաքի հարցում գերակշռեց վրացի-ների անգիջում ու կարծր դիրքորոշումը։

Ախալքալաքի հայությունը 1918թ. սկզբին փորձեց յուրովի լուծել այդ հարցը։ Հունվարի 21-ին Ախալքալաքի գավառային գործադիր կոմիտեն որոշում կայացրեց վարչականորեն Ալեք-սանդրապոլի գավառին միանալու մասին⁶։ Այդ քայլը Հայաս-տանին միանալու ձգտման յուրօրինակ դրսևորում էր։

1917թ. դեկտեմբերի վերջին և 1918թ. սկզբին, ոգևորված Անդրկովկասից ռուսական բանակի հեռանալու հանգամանքից, թուրքական հրամանատարությունն սկսեց ակտիվորեն նախա-պատրաստվել հարձակման։ Թուրքերի դրդմամբ աշխուժացան Ախալցխայի և Ախալքալաքի մահմեդականները՝ «մեսխեթցիները»։ Նրանք հարձակվեցին Ախալցխա քաղաքի վրա, որի հայ և վրացի բնակչության հերոսական ինքնապաշտպանությունը գլխավորեց երիտասարդ գործիչ, քաղաքագլուխ Ջորի Ջորյանը⁷։

1917թ. վերջին ձևավորվեց Ախալքալաքի Ազգային խորհուրդը, որի ղեկավարությունը ստանձնեց քաղաքագլուխ Սկրտիչ Մարգարյանը։ Խորհուրդը ստեղծեց գավառի պաշտ-պանության ժամանակավոր կոմիտե, որը որոշ աշխատանք կատարեց ակտիվացած մեսխեթցիների սանձարձակությունները

զսպելու ուղղությամբ: Ի դեպ, այդ գործում ինչպես Ախալքալաքի, այնպես էլ Ախալցխայի գավառներում հայերն ու վրացիները գործում էին միասնաբար՝ գրելով զինական համագործակցության բազմաթիվ վառ էջեր: Ախալքալաքի գավառի հարավ-արևմտյան մասում՝ Յոկամ, Խավեթ, Էրինջա գյուղերի թուրքերի դեմ հաջողությամբ համատեղ պայքար էին մղում հայկական Գումբուրդո, Կարծախ, Սուլդա, Վաչիան և Կուր գետի ձորում ընկած՝ վրացական գյուղերի բնակիչները: Սակայն 1918թ. մարտ-ապրիլին Վեհիբ փաշայի զորքերի հարձակումից և հատկապես Կարսի մարզի գրավումից հետո, Ախալքալաքի վիճակը խիստ ծանրացավ: Ախալքալաքցիները կարողացան փրկել Արդահանի և Օլթիի գավառների 1500 հայ բնակիչների՝ հիմնականում կանանց ու երեխաների՝ նրանց փոխանակելով Կոկիա, Թոք և թուրքական այլ գյուղերի բնակիչների հետ⁸:

Թիֆլիսի Չայոց ազգային խորհուրդը փորձեց ռազմական օգնություն ցուցաբերել Ախալքալաքին: Գավառ ուղարկվեց գնդապետ Առաքելովը, տեղում սկսվեց հայկական կորպուսի առանձին գնդի կազմավորման գործը: Ցավոք, ի տարբերություն Ախալցխայի, Ախալքալաքից հեռացած ռուսական կայազորը իր հետ տարավ զինամթերքի մեծ մասը և հնարավոր եղավ զինել գնդին զինվորագրվել ցանկացող 5 հազ. երիտասարդներից միայն 2 հազարին: Անդրկովկասյան սեյմը ոչ մի իրական քայլ չկատարեց թուրքական ներխուժումն Ախալքալաք կանխելու ուղղությամբ: Անպատասխան մնացին ախալքալաքցի հայտնի մտավորականներ, գրող Դերենիկ Դեմիրճյանի և հասարակական գործիչ Պողոս Աբելյանի⁹ դիմումները սեյմին՝ հարուստ հացամթերքը թուրքերի ձեռքը չընկնելու համար գավառից նախապես դուրս բերելու վերաբերյալ¹⁰:

1918թ. մայիսի 7-ին (20) թուրքական զորքերը Չլդրի կողմից ներխուժեցին Ախալքալաքի գավառ: Տեղի բնակչությունից կազմավորված փոքրաթիվ ու վատ զինված ջոկատները Կարծախի մոտ՝ Գյոք Դաղ լեռան շրջանում կարողացան կազմակերպել կարճատև դիմադրություն: Գնդապետ Առաքելովը փոխանակ մեկնելու ճակատ, շարունակում էր ինքնապաշտպանական ուժերի գործողությունները «ղեկավարել» Ախալքալաքից՝ 25-30 կմ հեռավորությունից: Շնորհիվ ռուսական բանակից զորացրված զինվորականներ Լյուդվիգ Դեմիրճյանի, Խորեն Մնոյանի, Ջարմայր Խանոյանի, Թիֆլիսից ժամանած Պողոս Աբելյանի, ռուս սպա Ռեզնիկովի խմբերի մղած պաշտպանական ծանր մարտերի,

հնարավոր եղավ ապահովել գավառի բնակչության արտագաղթը¹¹: Վրաց ազգային խորհրդի ենթակայության տակ գտնվող վրացական զորաջոկատն առանց մարտի մեջ մտնելու, թողեց ռազմաճակատի գիծը:

Գավառի հյուսիսային գյուղերի բնակչությունը գաղթեց դեպի Բակուրիան, իսկ հարավայինը հիմնականում Ծալկա տեղում թողնելով իր ամբողջ անշարժ գույքը: Չգաղթեցին միայն թրքախոս հայ կաթուղիկներն ու ռուս դուխոբորները: Այսպես մինչև մայիսի վերջը արտագաղթեց ամբողջ Ախալքալաք քաղաքի և 61 հայկական գյուղերի բնակչությունը¹²:

Գավառ ներխուժած թուրք ասկյարներն ու տեղի մեսխեթցիները թալանեցին գյուղերն ու սրի քաշեցին տեղում մնացած բնակչության մի մասին: Գերի վերցված բնակչության մյուս մասից էլ առանձնացվեցին աշխատունակ հարյուրավոր տղամարդիկ և աքսորվեցին Թուրքիա, իսկ ավելի քան հազար ծեր տղամարդկանց ու կանանց աքսորեցին Բակուրիան՝ գաղթականների ճամբար: Ահավոր աղետի ենթարկվեցին խորենիա և Թախչա գյուղերի բնակիչները, որոնց զգալի մասը չէր կարողացել գաղթել: Նրանց մեծ մասը արգելափակվեց մարագներում և վայրագորեն ոչնչացվեց¹³:

Թուրքական հրոսակները սպանո՞ւ կազմակերպեցին նաև Մեծ Արագյալ, Գումբուրդո, Աբուլ, Բեժանո գյուղերում, Ախալքալաք քաղաքում և այլուր: Կոտորածն ավելի մեծ մասշտաբներ կրնդուներ, եթե տեղ-տեղ բնակչությունը չդիմեր ինքնապաշտպանության: Թշնամին հատկապես համառ դիմադրության հանդիպեց Սաթխա գյուղի մատույցներում¹⁴: Բորժոմի շրջանում տեղակայված վրացական զորքերի հրամանատար զեներալ Արջևանիձենն ոչ միայն ռազմական ու նյութական օգնություն ցույց չտվեց հայ գաղթականներին, այլև զինաթափեց հայ կամավորներին և, ստանալով Վրաց ազգային խորհրդի կարգադրությունը, արգելեց ախալքալաքի փախստականներին տեղավորվելու Բակուրիանում և Վրաստանի այլ շրջաններում: Վրաստանի խորքերը տեղափոխվելու արտոնություն ստացան միայն վրացի գաղթականները¹⁵:

Ախալքալաքի զանգվածային գաղթի օրերին կյանքի կոչվեցին Անդրկովկասյան երեք հանրապետությունները: Հայոց ազգային խորհուրդը մայիսի 30-ի անկախության հռչակագրում իրեն հայտարարում էր հայկական գավառների գերագույն ու միակ իշխանություն: Անշուշտ, «հայկական գավառներ» անորոշ

բառակապակցության ընտրությունը ինքնանպատակ չէր: Նման ծնակերպումով Ազգային խորհուրդը մի կողմից խուսափում էր ռազմաքաղաքական այդ բարդ իրավիճակում օսմանյան թուրքերի և նորաստեղծ հարևան պետությունների հետ տարածքային վեճերի մեջ հայտնվելու վտանգից, մյուս կողմից, թեկուզև անորոշ սահմաններով, հայտնում էր իր իրավունքները հայկական այդ տարածքների նկատմամբ: Տվյալ դեպքում վերջինիս տակ կարելի էր նկատի առնել և՛ Արևմտյան Հայաստանը, և՛ Ղարաբաղը, և՛ Ջավախքը, և՛ այլ վիճահարույց տարածքներ:

Սակայն ընդամենը մեկ շաբաթ հետո՝ հունիսի 4-ին վրաց մենշևիկները, որոնք Գերմանիայի հովանավորությամբ նախապատրաստել էին Վրաստանի անկախության հռչակումը, Բաթումում Օսմանյան կայսրության հետ կնքած հաշտության պայմանագրով իրենց իրավունք վերապահեցին գերազանցապես հայերով բնակեցված Ախալցխայի և Ախալքալաքի գավառները հանձնելու թուրքերին: Կարծում ենք, որ նման քայլը թելադրված չէր միայն թուրքերին դիմադրելու անկարողությամբ: Այն նաև հեռու գնացող նպատակ էր հետապնդում: Նախ, ստեղծվում էր տպավորություն, թե նորահռչակ Վրաստանը ևս Հայաստանի նման լուրջ տարածքային գիջումներ է անում ռազմական հաղթանակներ գրանցած թուրքիային և երկրորդ՝ իր կնքած առաջին միջազգային պայմանագրով արձանագրում է իր իրավունքները այդ գավառների բախտը տնօրինելու հարցում: Պատերազմում թուրքիայի ռազմական անհաջողության դեպքում Վրաստանը կարող էր նորից վերականգնել իր «օրինական» իրավունքը Ախալցխայի և Ախալքալաքի նկատմամբ: Եվ վերջապես, որ ամենացավալին է, թուրքական բռնազավթումը կարող էր արմատապես փոխել Ջավախքի ժողովրդագրական պատկերը. այն է՝ զրկել նրան իր հայկական էթնոնկարագրից: Հետագա դեպքերը բացահայտելու եկան վրաց քաղաքական շրջանակների այդ ազգայնական ծրագրերը:

Կարևորելով նորաստեղծ հանրապետությունների միջև սահմանների ճշգրտման հարցը՝ արդեն հունիսի սկզբից Վրաց և Հայոց ազգային խորհուրդները սկսեցին բանակցությունները այդ խնդրի շուրջ: Վրաց ազգային խորհրդի նախագահ Ն. Ժորդանիան և վարչապետ Ն. Ռամիշվիլին թիֆլիսի Հայոց ազգային խորհրդին՝ ի դեմս Ա. Սիարոնյանի, Հ. Քաջազունու և Ալ. Խատիսյանի, առաջարկեցին Բորչալուի գավառի հարցում առաջնորդվել ազգագրական սկզբունքով: Ախալքալաքի մասին խոսք չկար, քանզի

այն գրավված էր թուրքերի կողմից, թեև, ինչպես նշվեց, վրացիները ապագայում նրա հարցի լուծումը ևս տեսնում էին հոգուտ Վրաստանի: Սակայն շուտով սահմանագատման հարցով Հայոց ազգային խորհրդի նշանակած հատուկ հանձնախմբին (Խ.Կարճիկյան, Գ. Խատիսյան և Գ. Ղորղանյան) Ի. Ծերեթելին հայտարարեց, որ Վրաստանը ռազմավարական նկատառումներով չի կարող հրաժարվել Ախալքալաքից և Լոռուց, ինչպես և Ալեքսանդրապոլի գավառի Փանբակի շրջանից: Ընդ որում, վրաց գործիչը հավատացնում էր, որ դա բխում է նաև այդ տարածքների հայ բնակչության շահերից, քանի որ Գերմանիայի հովանավորությանն արժանացած Վրաստանում հայերի համար ևս կստեղծվի կյանքի ավելի ապահով վիճակ: Ազգագրական սկզբունքից հրաժարվելու վրացական կողմի այդ քայլի դեմ բողոքեց Խ. Կարճիկյանը՝ վրաց մենշևիկների նման մոտեցումը բնութագրելով Հայաստանը թուրքիայի, Վրաստանի և Ադրբեջանի միջև բաժանելու գործելակերպ¹⁶: Սահմանային հարցերով հայ-վրացական խորհրդակցությունները մտան փակուղի և վերսկսվեցին միայն աշնանը, երբ թուրքերը սկսեցին հեռանալ գրավված տարածքներից:

Այդ ընթացքում ախալքալաքի գաղթականների վիճակը շարունակում էր վատթարանալ: Նրանք փաստորեն հայտնվել էին յուրահատուկ արգելափակոցում: Դեպի հյուսիս Բակուրիանի ու Բորժոմի բնակավայրերի ճանապարհը փակել էր վրացական զորքը, իսկ ետդարձի ուղին դեպի գավառ թուրքերը:

1918թ. հուլիսի սկզբին վրաց կառավարությունը մերժեց Հայոց ազգային խորհրդի միջնորդությունները գաղթականներին Վրաստանի խորքերը տեղափոխելու, ինչպես և Բորչալուից հեռացած մահմեդականների բնակավայրերում տեղավորելու իրավունք արտոնելու մասին իր այդ տմարդի քայլը «բացատրելով» համաճարակների տարածումը Վրաստանում կանխելու պատճառաբանությամբ¹⁷: Մինչդեռ հայտնի է, որ հունիս-օգոստոս ամիսներին գաղթականների մեջ դեռ համաճարակային հիվանդություններ չկային: Դրանք հայտնվեցին ավելի ուշ աշնանը: Եթե նույնիսկ այդ պատճառաբանությունն անգամ հիմնավորված լիներ, չէր կարող վրաց իշխանություններին ազատել ախալքալաքի փախստականների իրենց քաղաքացիների ճակատագրով մտահոգվելու պարտականությունից: Նշենք, որ այդ «պարտականության» փոխարեն, զեներալ Արջևանիձեի վերջին ջոկատները հեռացան Ախալքալաքի գավառի հյուսիսային սահմանագծից՝ հնարավորություն ընձեռելով թուրքական հրոսակ-

ներին ավագակային հարձակումներով նորանոր վնասներ հասցնելու գաղթականներին¹⁸։

Հայոց ազգային խորհրդի աջակցությամբ քիֆլիսաբնակ ջավախքցիներից կազմակերպվեց «Ախալքալաքի Հայրենյաց (Հայրենակցական - Ա.Մ.) միությունը», որի վարչության մեջ մտան 10 հոգի, այդ թվում ճանաչված հասարակական գործիչներ Պողոս Աբելյանը (քարտուղար), Բ.Օհանջանյանը (նախագահ), Գր. Պապոյանը (տեղակալ), Հովհաննես Մալխասյանը, Ջալալ Տեր-Գրիգորյանը, Կարապետ Շահպարտյանը¹⁹։ Վարչությունը կոչով դիմեց Թիֆլիսի հայությանը և կարողացավ որոշակի միջոցներ հանգանակել գաղթականների համար։ Ախալքալաքի բուրջական հրամանատարության մոտ ժամանած ախալքալաքցի գաղթականների պատվիրակության խնդրանքը՝ իրենց հայրենի գավառ վերադառնալու թույլտվություն ստանալու վերաբերյալ, կտրակա-նապես մերժվեց։ Թուրքերը, չթաքցնելով Ախալքալաքի գավառը կայսրությանը վերադարձնելու իրենց պլանները, հայտնեցին, որ հայկական գյուղերն արդեն բնակեցված են Թուրքիայից բերված մահմեդական վերաբնակիչներով։ Ուշագրավ է, որ Ախալքալաքը հայաթափելու և այն Թուրքիային բռնակցելու իրենց հայակուլ ծրագրերում երիտթուրքերն այնքան հետևողական էին, որ ախալքալաքցի գաղթականներին հայրենի գավառ վերադառնալու խընդ-րում անդդվելի մնացին ոչ միայն հայկական տարբեր կազմա-կերպությունների, օտարերկրյա բարեգործական հաստատու-թյունների, այլև դաշնակից Գերմանիայի ներկայացուցիչ գեներալ Ֆոն Կրեսսի միջնորդությունների նկատմամբ²⁰։

Այսպիսով, և՛ վրաց կառավարության, և՛ բուրջական հրամանատարության կողմից որևէ ուղղությամբ տեղաշարժվելու իրավունքից զրկված ջավախքցի գաղթականները դատապարտ-վում էին բնաջնջման։

Ի պատասխան սեպտեմբերին և հոկտեմբերի սկզբին Հա-յաստանի կառավարության, Ախալքալաքի Հայրենյաց վարչության (միության) նորանոր բողոք-դիմումներին կամ Վրաստան անցնելու, կամ Ախալքալաք վերադառնալու թույլտվության արտոնման մասին, հոկտեմբերի 4-ին վրաց կառավարության գրասենյակի պետ Կոժուխովը Հայոց գլխավոր գաղթականական խորհրդին պաշտոնական գրությամբ պատասխանեց. քանի որ Վրաստանում ստեղծվել է պարենային ճգնաժամ, իսկ բուրջական հրամանատա-րությունը հրաժարվում է թույլ տալ Ախալքալաքի հայությանը վերադառնալ հայրենիք, վրաց իշխանությունները առաջարկում

են ամենակարճ ժամանակամիջոցում գաղթականությանը տեղափոխել Յուսիսային Կովկաս կամ Հայաստանի Հանրապետություն:

Գաղթականական խորհրդի նախագահ, հայ ժողովրդական կուսակցության ղեկավար Սամսոն Հարությունյանի նախաձեռնությամբ հրավիրվեց շտապ խորհրդակցություն²¹, որին մասնակցեցին նաև Վիրահայոց ազգային խորհրդի նախագահության անդամները: Ախալքալաքցիների կողմից նիստին հրավիրված Պողոս Աբելյանը հայտնեց, որ ինքը թուրքական առաքելության նախագահ Աբդուլ Քերիմից տեղեկացել է, որ թուրքերը հեռանալու են Ախալքալաքից և դեմ չեն հայերի վերադարձին գավառ, առավել ևս, որ Կ.Պոլսում հայոց պատվիրակությունը (նախագահ Ավ. Ահարոնյան) իր կառավարության հետ այդ հարցում ձեռք է բերել համաձայնություն: Պահանջվեց Կուժուխովից թուրքական մերժման պատճենը: Պատասխան չստացվեց: Ակնհայտ դարձավ, որ Վրաստանի կառավարությունը, մեղքը բարդելով թուրքերի վրա, չէր կամենում թույլատրել հայերի վերադարձը: Այսպես արիեստականորեն սովահարությունը հրահրվում էր²²: Գաղթականության վիճակը դառնում էր օրհասական. սկսվել էին ցրտերը, անձրևները, սպառվում էր անասնազխաքանակը: Վրացական իշխանությունները թույլատրեցին Քութայիսից, Գորիից, Բորժոմից եկած հարյուրավոր ավազակների ու սպեկուլյանտների չնչին գներով գաղթականներից գնելու, առանձին դեպքերում էլ՝ վրացական միլիցիայի օգնությամբ խլելու տասնյակ հազարավոր գլուխ անասուններ: Այս հատուկ քաղաքականության շնորհիվ Վրաստանի կառավարությունը լուծեց իր բնակչության պարենային խնդիրները:

Գաղթականության հոգսերի ողջ ծանրությունը մնաց Հայոց գաղթականական խորհրդի, Ախալքալաքի Հայրենյաց վարչության, Կովկասի հայոց բարեգործական ընկերության, Վրաստանում Ամերիկյան առաքելության, մասամբ նաև Վիրահայոց Ազգային խորհրդի, Հայաստանի ներկայացուցիչ Ա.Ջամալյանի ուսերի վրա: Հայաստանի անունից Ազգային խորհուրդը նշանակեց մշտական ներկայացուցիչներ՝ Արշակ Թողոսյանին Բակուրիանում, Արարատ Տեր-Գրիգորյանին Օալկալում²³: Գաղթականներն էլ իրենց կողմից լիազոր նշանակեցին Մեսրոպ քահանա Մելեյանին: Ինչպես վերջիններս, այնպես էլ հայկական ամերիկյան զանազան կազմակերպություններ, անհատներ որոշակի աշխատանք կատարեցին գաղթականությանն օգնելու համար: Սակայն գաղթականության

զանգվածն այնքան մեծ էր՝ 80-85 հազ. մարդ, որ կատարված աշխատանքը չէր կարող լինել շոշափելի:

Մինչև 1918թ. դեկտեմբերը բժավոր տիֆն ու խոլերան սկսեցին հնծել գաղթականությանը: Այդ օրերին «Մշակուն» տպագրված մի թղթակցությունում Պողոս Աբելյանը գրում էր. «Ախալքալաքցիների բնաջնջումն այնքան աճող է գնում, որ եթե գաղթականներին փրկելու համար ձեռք չառնվեն ժամանակի պահանջած միջոցներ, ախալքալաքցիների այս սերունդը կլինի վերջինը երկրագնդի վրա»²⁴:

1918թ. հունիսից մինչև նոյեմբեր Բակուրիանի անտառներում զոհվեց ավելի քան 18 հազ. մարդ: Գրեթե նույնքան զոհեր տվեցին Ծալկայի և Սանգլիսի շրջաններում ապաստանած հայ գաղթականները: Մինչև հաջորդ գարուն ախալքալաքցի գաղթականների կորուստները հասան 40 հազարի²⁵:

1918թ. նոյեմբերից, հաղթահարելով վրաց զինվորական իշխանությունների հարուցած զանազան արգելքները, հաճախ շրջանցիկ ճանապարհներով, գաղթականության բեկորներն սկսեցին վերադառնալ իրենց ավերված ու թալանված բնակավայրերը: Բակուրիանից Ախալքալաք անցնելու թույլտվության դիմաց վրաց զինվորականները գաղթականներից պահանջում էին ստորագրություններ վրացահպատակություն ընդունելու, գավառը Վրաստանի մաս ճանաչելու մասին²⁶:

Վերադարձող գաղթականներից կազմված փոքրաթիվ զինված խմբերը, թուրքերի դուրս գալուց հետո, փորձեցին կարգ ու կանոն հաստատել Ախալքալաքում: Ալեքսանդրապոլի գավառին հարող լճերի (Մադաթափա, Փարվանա, Սաղամո) շրջանը վերցվեց զինվորական հսկողության տակ:

Սակայն նոյեմբերի 29-ին Երևանում Վրաստանի ներկայացուցիչ Ս. Մդիվանին հայտարարեց, որ հայ-վրացական սահմանագիծը իր կառավարության կարծիքով պետք է անցնի Նախկին Թիֆլիսի նահանգի հարավային սահմանով, այսինքն՝ Լոռին և Ախալքալաքը մտնելու են Վրաստանի կազմի մեջ:

Այս հայտարարությունից մեկ շաբաթ չանցած՝ դեկտեմբերի 5-ին վրացական կառավարությունը, որ մինչև այդ՝ հոկտեմբեր-նոյեմբերին բռնազավթել էր Լոռին, զորավար Մակակի (Մադաշվիլի) գլխավորությամբ զորք մտցրեց նաև Ախալքալաք: Տեղի հայկական ուժերը զինաթափվեցին, իսկ Հայաստանից ժամանած փոքրաթիվ հայկական զորամասը, հայ-վրացական բախումից խուսափելու համար, ստիպված դուրս եկավ Եֆրեմով-

կա-Տրոյիցկոյե գյուղերի շրջանից, որը գրավել էր թուրքերի հեռանալուց հետո²⁷:

Քաջագունու կառավարությունը, որ այդ խնդրում խորհրդարանի կողմից ստացել էր ազատ գործելու իրավունք, քանիցս բողոքեց Լոռու և Ախալքալաքի զավթման կապակցությամբ: Սակայն վրացիները մնացին անդրդվելի: Այսպես դեկտեմբերի կեսերին ծագեց հայ-վրացական պատերազմը, որի սանձազերծման գործում իրենց ամենամեծ դերն ունեցան թուրքերը: Վիճելի այդ տարածքներից հեռանալուց առաջ նրանք միաժամանակ, և՛ Հայաստանի, և՛ Վրաստանի կառավարություններին հայտարարել էին գավառները նրանց հանձնելու մասին:

Հայկական ուժերը Դրոյի գլխավորությամբ ազատագրեցին Լոռու մեծ մասը: Դեկտեմբերի 11-12-ին հայկական դիվիզիայի 4-րդ հետևակային գնդի մեկ գումարտակ Ալեքսանդրապոլից շարժվեց դեպի Ախալքալաք և այնտեղ մտած վրացական զորքերի հետ ընդհարումից հետո, հսկողության տակ վերցրեց գավառի մեծ մասը: Վրացական ուժերը քաշվեցին հյուսիս²⁸:

Պատերազմի ընթացքում վրացիները Թիֆլիսում իսկական մարդաորս սկսեցին հայերի նկատմամբ: Հազարավոր հայեր հայտարարվեցին ռազմագերիներ և աքսորվեցին Քութայիս²⁹:

Հայ-վրացական թեժ մարտերի օրերին Անտանտի ներկայացուցիչները հաշտության եզրեր էին փնտրում: Դեկտեմբերի 25-ին անգլիական զինվորական Ռայկրոֆը, ֆրանսիացի գնդապետ Շարդինեն և Ժորդանիայի հետ ստորագրեցին մի համաձայնագիր: Այն նախատեսում էր ռազմական գործողությունների դադարեցում, Ջալալօղլի-Դսեղ գծից հյուսիս ընկած տարածքում վրացական, իսկ դրանից հարավ մնացող շրջանում՝ հայկական զորքերի տեղակայում: Ախալքալաքում հաստատվելու էր վրացական վարչակարգ՝ դաշնակից երկրների հսկողությամբ: Վարչակազմի մեջ ընդգրկվելու էին տեղի հայ և մահմեդական ներկայացուցիչներ³⁰:

Այս համաձայնության տակ Հայաստանի կողմից առաջարկվեց ստորագրել Արշակ Ջամալյանին: Վերջինս կտրակա-նապես հրաժարվեց՝ առարկելով Ախալքալաքին վերաբերող ձևակերպմանը: Անգլիացիները համաձայնագրի տակ ավելացրին հետևյալ նախադասությունը. «Պ. Ջամալյանը համաձայն չէ Ախալքալաքի գավառը Վրաստանի կողմից գրավելու կետին»: Փաստորեն դաշնակիցները հաշվի չնստեղով հայկական կողմի

կարծիքի հետ, այդ միակողմանի համաձայնագիրը փորձեցին դնել գործողության մեջ:

Մի քանի օր անց՝ դեկտեմբերի 31-ին հայ-վրացական ընդհարումը դադարեցվեց անգլիացիների միջնորդությամբ: 1919թ. հունվարի 9-17-ը Թիֆլիսում կայացած հաշտության կոնֆերանսը վճռեց Լոռին հռչակել Չեզոք գոտի, իսկ Ախալքալաքի հարցը մնաց առկախ: Մարտին երկու հանրապետությունները ճանաչեցին միմյանց անկախությունը, վերականգնվեց երկաթուղային երթևեկությունը: Հայ-վրացական հարաբերությունների լարվածությունը հետզհետե տեղի տվեց:

Մինչև 1919թ. մարտ ամիսը հայրենի գավառ վերադարձան նաև ախալքալաքցի գաղթականների մնացած բեկորները: Գավառը լիովին թալանված էր, հացահատիկը տարվել էր Թուրքիա: Բարվոք վիճակում էին միայն թրջախոս հայ կաթուղիկների և ռուս դուխոբորների գյուղերը: Ի դեպ, նրանք զգալի օգնություն ցույց տվեցին գաղթականներին ցանքս կազմակերպելու, բնակավայրերը վերականգնելու գործում:

Արդեն հունիսին Հայաստանի կառավարությունը կարողացավ երկաթուղով ստացվող հացահատիկից բաժին հանել ախալքալաքցի սովյալներին: Ստացվող հացահատիկից Ախալքալաքի գավառին բաժին հանելու գործը դրվեց պետական մակարդակի վրա: Թիֆլիսում Հայաստանի ներկայացուցչությունում ստեղծվեց հատուկ հաստիք խնամատարության գծով, որը զբաղեցրեց Դ. Դավիթխանյանը: Միայն մայիսի սկզբին Հայաստանը Ախալքալաքի սովյալներին հատկացրեց 3 մլն. ռուբլու նպաստ և 74 մլն. ռուբ. սերմացու գնելու համար³¹:

Այդուհանդերձ, Ջավախքի տնտեսական իրավիճակը չբարելավվեց: Վրաց իշխանությունները ծանր մաքսեր սահմանեցին ոչ միայն Հայաստան ներմուծվող, այլև Ախալքալաք ուղարկվող այն հացահատիկի վրա, որից մասնաբաժին էր հանվում և՛ հայ, և՛ վրացի գաղթականներին:

Խիստ պակասել էր անասնազխաքանակը: 1918թ. վերջին սկսված սառնամանիքների պատճառով թուրքերը չէին կարողացել իրենց հետ տանել գավառում եղած բոլոր անասուններն ու շարժական գույքը: Պողոս Աբելյանը դիմեց Ախալքալաքում գեներալ-նահանգապետ նշանակված Մակասին՝ խնդրելով այդ մնացած գույքը հանձնել գաղթականությանը: Սակայն Մակասը մերժեց նրա խնդրանքը: Ցավոք, Վիրահայոց ազգային խորհուրդը, որը հատկապես հայ-վրացական պատերազմի շրջանից դարձել էր շատ

անդեմ մի մարմին, ինչպես այս, այնպես էլ ներկա խնդրում չաջակցեց Պ. Աբելյանի և հայրենասեր այլ գործիչների նմանօրինակ ձեռնարկումներին:

Գեներալ-մահանգապետ Մականը զինաթափեց հայ բնակչությանը, Իմերեթիայից և Թիֆլիսից բերված վրացական միլիցիայի միջոցով հաստատեց խստագույն ռեժիմ: Ընդ որում վրացիներն ու մեսխեթցի թուրքերը չգրկվեցին զենք կրելու իրավունքից: Հայերից զենք կարող էին ստանալ միայն նրանք, ովքեր «կանոփին», բայց իրականում բռնությամբ զորակոչվում էին վրացական բանակ՝ անհնազանդ Աբխազիայի և Աջարիայի դեմ կռվելու համար:

Սկսվեց Ջավախքը վրացիներով «գաղութացնելու» քաղաքականությունը: Մինչև 1920թ. վերջը պետության հովանավորությամբ Ախալքալաքի գավառ փոխադրվեցին մի քանի հարյուր ընտանիք իմերեթցի վերաբնակիչներ³²: Տեղի վրաց վարչությունը գավառի հյուսիսում և արևելքում ընկած արոտատեղիների մի զգալի մասը խլեց հայերից և հանձնեց թուշերին: Տարբեր մեքենայությունների շնորհիվ մի շարք գյուղեր գրկվեցին իրենց վարելահողերից: Ունեձգություններ եղան Ախալցխայի Սբ. Փրկիչ եկեղեցուն պատկանող Կարծախ, Դադեշ, Սուլդա և այլ գյուղերի հողատարածքների նկատմամբ: Վրաց կառավարությունը կանգ չառավ նաև այնպիսի մի միջոցի առջև, ինչպիսին ազգաձուլումն էր: Սկսվեց մի արշավ կաթուղիկ հայերին «վրացացնելու» ուղղությամբ³³:

Անշուշտ, Ջավախքի նկատմամբ մենշևիկների վարած այդ շովինիստական քաղաքականությունը աննկատ չէր մնում Հայաստանում: Սակայն հայկական կառավարությունը, ինչ-ինչ նկատառումներով, հարկ էր համարում 1919թ. բավարարվել միայն իր հացահատիկից Ախալքալաքին մասնաբաժին հանելով և Վրաստանի հետ վարվող բանակցություններում սահմանների հարցի լուծումը ձգձգելով՝ մինչև Փարիզի վեհաժողովում ցանկալի արդյունքների ձեռքբերումը: Ռուբեն Տեր-Մինասյանն այդ մասին գրում էր. «Անարդար էին Վրաստանի դիտումները Հայաստանի վերաբերմամբ, անարդար էր, որ նա Ախալքալաք զուտ հայաբնակ գավառը խլած էր մեզնից, թեև թե՛ աշխարհագրական, թե՛ ազգագրական տեսակետով այդ գավառը Հայաստանին կպատկաներ: Անարդար էր նաև Լոռիի վերաբերմամբ նրա ձգտումը... Զնայած այդ վրդովեցուցիչ դրության, Բյուրոն այն կարծիքն ուներ, որ պիտի համբերել և զիջել վրացիներին, ինչքան

որ կարելի է»³⁴։ Բայց Ռուբենն ու հանրապետության մյուս ղեկավարները պարտավոր էին նկատել, որ որքան հայկական կողմը զիջող էր դառնում, այնքան Ախալքալաքի ու Լոռու հարցում վրացիներն ավելի պահանջատեր էին ներկայանում։

1919թ. սեպտեմբերի 17-ին Թիֆլիսում բացվեց հայ-վրացական նոր խորհրդաժողով։ Վրաստանը ներկայացնում էին Ն. Ռամիշվիլին և Ս. Մդիվանին, Հայաստանը՝ Ստ. Մամիկոնյանը և Ս. Խաչատրյանը։ Վրացիները, հավանաբար վախենալով Լոռու Չեզոք գոտուց անգլիացիների դուրսբերման պատճառով հայ-վրացական նոր կոնֆլիկտի ծագման հավանականությունից, առաջարկեցին սահմանների «փոխգիշումային» տարբերակ. Հայաստանին թողնել Աքորի գյուղից հարավ ընկած տարածքները, Լոռու դաշտը (Ջալալօղլի-Վորոնցովկա), իսկ Վրաստանին՝ այդ գծից հյուսիս ընկած հողերը և Ախալքալաքի գավառը։ Ընդ որում, նրանք այս «գիշումը» դիտում էին ժամանակավոր՝ մինչև Փարիզի վեհաժողովի որոշմամբ արևմտահայ գավառների միացումը Հայաստանին։

Հայկական պատվիրակությունը հայտարարեց, որ իր կառավարությունից լիազորված է հօգուտ Վրաստանի զիջելու Խրամի (Ծալկա) շրջանը, Ախալքալաքի գավառի հյուսիսային և կենտրոնական մասը։ Ջավախքի հարավային մասը՝ լճերի շրջանը՝ Հեշտիա-Սաթխա-Հոկամ-Ազմանա գյուղերով՝ մինչև Կուր գետը մնալու էր Հայաստանին։ Լոռիով, ըստ հայկական նախագծի, սահմանը պետք է անցներ Կողբից հյուսիս՝ Լալվար գծով։ Թեև կողմերից ոչ մեկին չբավարարեց մյուսի նախագիծը և գրավոր համաձայնություն ձեռք չբերվեց, սակայն այն, որ հայկական կողմը հայտնել էր Ախալքալաքի մեծ մասը և ամբողջ Ծալկան զիջելու պատրաստականություն, Վրաստանը համաձայնեց Հայաստանին տրամադրել տարանցիկ առևտրի, հեռագրագծի և այլ արտոնություններ։ Հատկանշական է, որ «զիջելու պատրաստականությունը» Վրաստանը ընկալեց հենց զիջում և Ջավախքի նկատմամբ իրեն վերագրեց ազատ տնօրինության իրավունք։ «Վրացիները օգտվեցին մեր ինկած վիճակից,- գրում է Ռուբենը,- և շահագործեցին այդքան խիստ կերպով իրենց աշխարհագրական դիրքը՝ մեր ժողովրդյան թե՛ արժանապատվությունը, և թե՛ կենսական արդար իրավունքները ոտնահարելով»³⁵։

Թիֆլիսում սահմանների հարցով խորհրդակցությունները չարունակվեցին։ Ստ. Մամիկոնյանն ու Ս. Խաչատրյանը մնացին այնտեղ և, ինչպես այդ օրերին պատկերավոր ասում էին,

վրացիների հետ շարունակեցին սահմանների շուրջ անպատուղ «բազարի» քաղաքականությունը, որից դժգոհ էին և վրաց, և հայոց պաշտոնական շրջանակները: 1919 թվականից Հայաստանի կառավարությունը, համոզվելով, որ անհնազանդ է վիճելի տարածքների խնդրում Վրաստանից ակնկալել փոխգիշուր, աշխատեց հարցը վերջնականապես տեղափոխել Փարիզի վեհաժողով³⁶:

1919թ. բանակցությունների արդյունքում ձեռք բերված դրական արդյունքներից կարելի է թերևս նշել 1919թ. նոյեմբերի 14-ի հայ-վրացական համաձայնագիրը, ըստ որի կողմերի միջև գոյություն ունեցող և ապագայում ծագելիք վեճերը պետք է լուծվեին քաղաքական ճանապարհով կամ չեզոք արբիտրաժի միջոցով:³⁷

1920թ. մայիսի 7-ին կնքվեց ռուս-վրացական պայմանագիր փոխադարձ ճանաչման մասին: Համաձայնագրում վրացական կողմի պնդմամբ մտցվեցին կետեր Ռուսաստանի կողմից Լոռու, Ախալքալաքի և Ջաքաթալայի նկատմամբ Վրաստանի իրավունքները ճանաչելու մասին: Այդ կապակցությամբ վարչապետ Յ. Օհանջանյանը բողոքի հեռագրեր հղեց ՌԽՖՍՀ և Վրաստանի կառավարություններին՝ հայտնելով, որ Լոռին ու Ախալքալաքը Վրաստանի մաս դիտելով վրացական իշխանությունները խախտում են 1919թ. ձեռք բերված հայ-վրացական համաձայնագրերը այդ տարածքները վիճելի համարելու վերաբերյալ³⁸:

1920թ. հուլիսի 5-ին ընդունված Հայաստանի քաղաքացիության օրենքը, որը փաստորեն հանրապետության տարածքից դուրս ապրող հայերին ևս արտոնում էր քաղաքացիության իրավունք, վրացիների կողմից դժգոհությունների և ավելի շուտ, դեմագոգիկ խաղերի տեղիք տվեց հուլիս-օգոստոսին ընթացող հայ-վրացական հերթական խորհրդաժողովում: Նրանք դեմ էին Վրաստանի հայերին Հայաստանի քաղաքացիություն շնորհելուն կամ այդ դեպքում, առաջարկում էին նրանց տեղափոխել Հայաստան: Այս խորհրդաժողովում արդեն վրաց պատվիրակությունը հայերից պահանջեց Ախալքալաքի գավառն ամբողջությամբ լճերի շրջանի հետ, իսկ Լոռին մինչև Սանահին կայարան, Արդահանի ու Օլթիի գավառների մեծ մասը: Հայկական կողմը մերժեց այդ պահանջը:

Զկարողանալով լուծում տալ սահմանային վեճերին հայկական և վրացական պատվիրակությունները դիմեցին Անտանտի երկրների օգնությանը: Պատահական չէ, որ 1920թ. օգոստոսի 10-ի Սևրի դաշնագրում մտցվեց հատուկ հոդված, ըստ որի անդրկովկասյան հանրապետությունների միջև սահմանազատման խնդիրը

պետք է լուծվեր կողմերի ներկայացուցիչներից բաղկացած շահագրգիռ հանձնաժողովի ջանքերով, իսկ չլուծվելու դեպքում, այն մնալու էր դաշնակից երկրների հայեցողությամբ:

1920թ. աշնանը՝ թուրք-հայկական պատերազմի³⁹ օրերին Հայաստանի կառավարությունը, տեղյակ լինելով թուրք-վրացական գաղտնի կապերին⁴⁰, ստիպված եղավ սահմանների հարցում զիջումներ կատարելու Վրաստանին: Նոյեմբերի 13-ին վրացիները զորք մտցրեցին Լոռու Չեզոք գոտի և Արդահան:

1921թ. փետրվարի վերջին և մարտի սկզբին Ախալքալաքի գավառը ենթարկվեց մոր արհավիրքի՝ քենալական թուրքերի հարձակմանը: Ներխուժելով Ջավախք՝ թուրքերը փաստորեն խախտում էին թուրք-վրացական գաղտնի համաձայնագիրը Վրաստանի տարածք (որպիսին այդ ժամանակ համարվում էր Ախալքալաքը) չմտնելու վերաբերյալ: Հիմքեր կան ենթադրելու, որ անկախ Վրաստանի կառավարությունն իր անկման նախօրյակին, քաղաքական նկատառումներով թուրքերին Ախալքալաքի գավառ մտնելու արտոնություն էր տվել՝ նախապես մորից զինաթափելով հայ բնակչությանը⁴¹:

Թուրքաբնակ Հոկամ գյուղի մոլլա Բայրամի և Ջամալ աղայի ուղեկցությամբ Ղումանտար փաշայի զորքն ու թուրքական խուժանը շարժվեցին գավառի հարավային գյուղերի՝ Կարծախի, Սուլդայի, Ղաղեշի և Գումբուրդոյի վրա: Բազմաթիվ գումբուրդոցիներ, այդ թվում՝ կանայք, ընկան անհավասար մարտում: Թուրքերը Գումբուրդոյում գերի վերցրեցին հարյուրավոր տղամարդկանց, մի մասին սպանեցին՝ Կուրի ձորում, մյուսներին, լցնելով ջրհորները, խեղդամահ արեցին: Կոտորածներ եղան նաև գավառի այլ գյուղերում: Այս անգամ գավառի բնակչությունը չգաղթեց: Թուրքերը հանդիպեցին համառ դիմադրության Ալաստան, Սուլիտ, Տաբաժդուրի և այլ գյուղերի մատույցներում⁴²:

1918 և 1921թթ. թուրքական արշավանքների, սովի ու համաճարակների հետևանքով Ախալքալաքի գավառը կորցրեց իր հայ բնակչության 42-45 %-ը: Այսպես օրինակ. եթե Ախալքալաք քաղաքը 1917թ. ուներ 5070, ապա 1922թ. միայն 2737 բնակիչ⁴³:

1921թ. մարտի երկրորդ կեսին Ախալքալաք մտան 11-րդ կարմիր բանակի զորքերը: Եթե կարմիր բանակը Լոռի անցավ Հայաստանից, ապա Ախալքալաք մտավ Վրաստանից՝ Բորժոմ-Ախալցխա երթուղով⁴⁴, հանգամանք, որը քիչ դեր չխաղաց հետագայում նրա պատկանելության հարցի վճռման տեսանկյունից:

Թուրքական զորքի հեռանալուց հետո ավելի հաճախակի դարձան ջավախքցիների դիմում-խնդրագրերը ուղղված խորհրդրդային Հայաստանի, Վրաստանի հեղկոմներին, կարմիր բանակի ղեկավարությանը, ինչպես և զանազան այլ ատյանների՝ զավառը խորհրդային Հայաստանին կամ Ռուսաստանին միացնելու վերաբերյալ։ Նրանցից մեկում, գրված ապրիլի 23-ին, Սուլդա, Մրագովալ, Դադեշ, Վաչիան, Կարգախ գյուղերի ներկայացուցիչները Վրաստանում Հայաստանի ներկայացուցչին հայտնում էին. «Մենք խնդրում ենք, որ մեր զավառը, որի 80000 բնակչությունից 60000-ից ավելին հայեր են, ...միացնեք Հայաստանի Հանրապետության։ ...Եթե մեր երկիրը չմիանա Հայաստանի հետ, որով ապահովվում ենք կոտորածից..., ճնշումից, ևս առավել, եթե մեր երկիրը չդառնա Սովետական Ռուսաստանի մասը և մեր գլխից չվերանա թուրքական-յաթաղանը, մենք այլևս անկարող ենք մնալ մեր հայրենիքում, որ այս քանի տարի է վերածվել է դժոխքի, և մենք ստիպված ենք գաղթելու Ռուսաստանի խորքերը...»⁴⁵։

1921թ. գարնանից Անդրկովկասի նորաստեղծ խորհրդային հանրապետությունների միջև բազմաթիվ վիճելի տարածքների թվում դրվեց նաև Ախալքալաքի ու նրան հարակից խրամի (Ծալկայի) շրջանների լուծման հարցը։ Այդ խնդիրների համար 1921թ. մայիսի 2-ին Ռուսաստանի կոմունիստական (բոլշևիկների) կուսակցության Կապբյուրոյի ստեղծած հատուկ հանձնաժողովը հունիսի 25-27-ին Թիֆլիսում հրավիրեց իր անդրանիկ նիստը՝ Ս. Կիրովի նախագահությամբ։ Վրաստանը ներկայացնում էին հանձնաժողովի 2, Ադրբեջանը՝ 3, Հայաստանը՝ 1 անդամ (Ալ. Բեկզադյան)։ Առաջին իսկ նիստում Բեկզադյանը, նշելով ցարիզմի կողմից անցկացված վարչական բաժանման անարդարացիությունը և խորհրդային Հայաստանի ծանր վիճակը, խնդրեց հանձնաժողովի անդամներին հայկական հոծ բնակչություն ունեցող Ախալքալաքի զավառը (72 %-ը՝ հայեր), Լոռին և Լեռնային Ղարաբաղը (94 %-ը հայեր) զիջել Հայաստանին։ Սակայն նա միայնակ մնաց հանձնաժողովի վրացի և ադրբեջանցի մեծամասնության հանդեպ (վերջիններիս միացավ Կիրովը), որոնք Վրաստանում և Ադրբեջանում հակահեղափոխական տարրերի աշխուժացման համար հող չստեղծելու պատրվակով, մերժեցին տարածքային փոփոխությունների մասին Բեկզադյանի առաջարկը։ Վերջինս պահանջեց հարցի վերջնական լուծումը տեղափոխել ՌԿԲ/Կ կենտկոմի Կապբյուրո⁴⁶։

Հայաստանի ղեկավարությունը մասնագետների և գիտակ մարդկանց հանձնարարեց վիճելի տարածքների վերաբերյալ

կազմել տեղեկանքներ: Խորհրդային Հայաստանի արտգործոժող-կոմ Ա. Մռավյանի հանձնարարությամբ Պողոս Աբելյանը 1921թ. հուլիսին Ախալքալաքի մասին ներկայացրեց մի ընդարձակ փաստաթուղթ⁴⁷, որտեղ պատմական, աշխարհագրական, ժողովրդագրական և տնտեսական հայեցակետերից հանգամանորեն հիմնավորում էր Ախալքալաքը Հայաստանին միավորելու հայ ժողովրդի արդարացի ծգտումը⁴⁸. «Զավախքի հայությունը,- գրում էր այդ զեկուցագրում Աբելյանը,- մենշևիկյան կառավարությանը տաճկականից վատ է համարում: Նրա աչքը այնպես է վախեցել, որ ոչ մի վրացական կառավարություն չի ուզում...: Այս է ճշմարտությունը: Ախալքալաքցին ուզում է, որ Ախալքալաքը լինի իսկական, թուրքի հարձակման համար հավիտյան անմատչելի՝ Ռուսաստան. եթե այդ էլ չեղավ, նա ուզում է իր բախտը կապել Հայաստանի հետ, և նա այժմ ուզում է միանալ Սովետական Հայաստանին»⁴⁹: Աբելյանը անընդունելի էր համարում որևէ ինքնավարություն: Նա համոզված ասում էր, որ Զավախքը Ծալկայի հետ ծայրահեղ դեպքում պետք է ունենա ինքնավարություն Հայաստանի հովանավորությամբ⁵⁰:

1921թ. հուլիսի 7-ին ՌԿԲ/Կ Կավբյուրոյի պլենումը Ի. Ստալինի մասնակցությամբ քննարկեց Հայկական և Վրացական ԽՍՀ-ների միջև վիճելի համարվող Լոռվա և Ախալքալաքի գավառների հարցերը: Չայների 6 կողմ, 1 ձեռնպահ հարաբերակցությամբ որոշվեց Լոռու Չեզոք գոտին միացնել Հայաստանին, իսկ Ախալքալաքի ու Խրամի (Ծալկայի) շրջանները Հայկական ԽՍՀ-ին միացնելու հարցը, տեղափոխել Վրաստանի կոմկուսի կենտկոմ և վերջինիս եզրակացությունը ներկայացնել Կավբյուրոյի պլենումին քննարկման⁵¹: Դժվար չէ կռահել, որ վրաց բոլշևիկների հայեցողությանը թողնված հայկական կողմի պահանջը կմերժվեր: Եվ իրոք, հուլիսի 16-ին Վրաստանի կոմկուսի կենտկոմի քաղբյուրոն անընդունելի համարեց Խորհրդային Հայաստանի առաջարկը՝ իր որոշումը հիմնավորելով Թիֆլիսի հետ այդ գավառների տնտեսական կապվածության շինծու և անհամոզիչ պատճառաբանությամբ և ինչ-ինչ «քաղաքական նկատառումներով»⁵²: «Զարմանալի» գուգադիպությամբ, ճիշտ նույնպիսի «փաստարկներով» մի քանի օր առաջ, Կավբյուրոյի հուլիսի 5-ի որոշմամբ Հայաստանից անջատվել և Ադրբեջանին էր տրվել հայկական մեկ այլ երկրամաս՝ Լեռնային Ղարաբաղը: 1921թ. հուլիսին վրաց-ադրբեջանական համերաշխությունն ընդդեմ Հայաստանի ակնհայտ էր: Պատմական Զավախքը այսպես տրվեց Վրաստանին:

1918-1921թթ. հայրենիքի հետ Ջավախքի միավորման խնդիրը մնաց չլուծված հիմնականում հետևյալ պատճառներով: Հայաստանի Հանրապետությունը, առաջնային համարելով Արևմտյան Հայաստանի միացման խնդիրը, անհրաժեշտ ջանադրություն հանդես չբերեց Անդրկովկասում Վրաստանի ու Ադրբեջանի բռնազավթած հայկական տարածքների հարցում: 1918 և 1921թթ. թուրքական ներխուժումների հետևանքով Ջավախքի հայ բնակչության մոտ կեսը՝ ավելի քան 40 հազ. մարդ զոհվեց, գավառը հասավ տնտեսական լիակատար անկման, հանգամանքներ, որոնք խոչընդոտեցին հայրենիքի հետ միավորվելու ուղղությամբ հայ բնակչության մղած պայքարի ծավալմանը: Անշուշտ, իրենց բացասական ազդեցությունն ունեցան նաև վրաց կառավարության կոշտ դիրքորոշումը, Անգլիայի երկդիմի քաղաքականությունը, 1920թ. թուրք-հայկական պատերազմը, 1921թ. փետրվարի վերջին՝ Վրաստանի խորհրդայնացման շրջանում քեմալականների կողմից ինչպես Ջավախքի, այնպես էլ նրա հարևան Ալեքսանդրապոլի գավառի բռնազավթված վիճակը և այլն⁵³:

1921թ. հուլիսի կեսերին ջավախահայությունը, իրազեկ դառնալով Կավբյուրոյի և Վրաստանի կոմկուսի վերոհիշյալ որոշումներին, բազմաթիվ նամակ-բողոքներ հղեց Մոսկվա, Թիֆլիս, Երևան: Վրաց հեղկոմը կարծես հատուկ ավելի շիկացրեց մթնոլորտը: Ախալքալաքի հեղկոմի նախագահի պաշտոնից ազատվեց հայտնի բոլշևիկ և կարմիրբանակային, ախալքալաքցիների շրջանում մեծ հեղինակություն վայելող Առուստամովը: Նրան պաշտոնում վերականգնելու ախալքալաքցիների բողոքները մնացին անհետևանք, և «Ընկ. Առուստամովը, գրում էին այդ օրերին Վրաստանում հայկական առաքելությանը ջավախեցիները, ստիպված հեռացավ Ախալքալաքից՝ ժողովրդյան ամենաանկեղծ ցույցերի տարափի տակ»⁵⁴: Շուտով գավառի միլիցիայի պետ նշանակվեց ժողովրդին ատելի Ս. Նադիրաձեն՝ մենշևիկյան տիրապետության շրջանում հատուկ պատժիչ ջոկատի ղեկավարներից մեկը: Երբ ժողովրդի ճնշման տակ տեղի հեղկոմը նրան ազատեց պաշտոնից, Թիֆլիսի վրաց բոլշևիկները, Նադիրաձեին օժտելով ավելի լայն լիազորություններով, վերադարձրեցին Ախալքալաք: Ժողովրդի նոր բողոքներին հետևեց հատուկ հանձնաժողովի ժամանումը: Հանձնաժողովի որոշմամբ ձերբակալվեցին մի խումբ մարդիկ, այդ թվում՝ գավառում հայտնի հայ բոլշևիկ, հեղկոմի անդամ Մնոյանը և ուղարկվեցին Թիֆլիս՝ Չեկա (Արտակարգ հանձնաժողով): Մեկ ամիս անց՝ Ախալքալաք ժամանեց նոր ար-

տակարգ հանձնաժողով, որը «ազգայնամոլ» գործունեության մեղադրանքով այս անգամ էլ ձերբակալեց ու Թիֆլիս ուղարկեց գավառում խորհրդային իշխանության հաստատման համար շարժման ակտիվիստ, Ախալքալաքի հեղկոմի հիմնադիր անդամներից մեկին՝ Կարապետ Ղազանջյանին: Ուշագրավ է, որ վերջինս 1921թ. փետրվարին, լինելով 11-րդ կարմիր բանակի վաշտերից մեկի հրամանատար, աչքի էր ընկել վրաց մենշևիկներից Լոռու ազատագրման համար մղված մարտերում:

Հայ կոմունիստների կադրային ջարդին զուգընթաց 1921թ. ապրիլ-հուլիսին իրականացվեցին հայ գյուղացիությանը ունեզրկելու միջոցառումներ: Ամեն կերպ սիրաշահվում էր տեղի թուրք բնակչությունը, որն ակտիվորեն մասնակցել էր հայերի կոտորածներին ու թալանին և խիստ հարստացել թուրքական երկու արշավանքների ժամանակ հայերից թալանված ունեցվածքի հաշվին⁵⁵:

Այսպես, թուրքական երկու արշավանքների շրջանում տասնյակ հազարավոր զոհեր տված, վրացական տիրապետության շրջանում զանազան հալածանքների ենթարկված ախալքալաքցի հայերը 1921թ. գարնանն ու ամռանն էլ հայտնվեցին վրաց բոլշևիկների սանձազերծած նոր ազգայնամոլ ձեռնարկումների ոլորտում: Պատահական չէ, որ որոշ գյուղերի (հատկապես կաթոլիկական) ներկայացուցիչներ այդ օրերին քայլեր էին անում իրենց համագյուղացիներին Ռուսաստան գաղթեցնելու ուղղությամբ: Առանձին գյուղացիներ արդեն բռնել էին գաղթի ճանապարհը: Խորհրդային Վրաստանի կառավարությունը, անհանգստացած գավառի ամայացման վտանգից, հատուկ ղեկրետով արգելեց հայերին հեռանալու իրենց բնակավայրերից⁵⁶:

Հատկանշական է, որ այդ օրերին խորհրդային Հայաստանի իշխանությունները ախալքալաքցիների գրած բազմաթիվ նամակ-խնդրագրերում, որոնք հնարավոր չէ ընթերցել առանց հույզի ու վրդովմունքի, Ախալքալաքում ստեղծված մղձավանջային իրավիճակից դուրս գալու միակ միջոց համարում էին գավառի միացումը Հայաստանին: Դրանցից մեկում կարդում ենք. «.. որպեսզի վերացվի Ջավախքիայի բլուկադան, ...որպեսզի կանգ առնի արտակարգ կոմիսարների այցը, որպեսզի վերջ տրվի ամենայն տեսակ տղայական կամայականության և սրբագործված ալան-թալանին, միայն մի միջոց կա, որը և ամբողջ գավառի բնակչության 75% կազմող հայ ազգաբնակչության տենչն ու փափագն է. այն է՝ միացնել Ախալքալաքի գավառը իրեն հարազատ Սովետական Հանրապետության հետ»⁵⁷:

1921թ. հուլիսի 7-ի ՌԿ (բ)Կ Կապբյուրոյի և Վրաստանի կոմկուսի կենտկոմի բյուրոյի հուլիսի 16-ի որոշումներից հետո էլ հայ բոլշևիկների ազգային թևի մի շարք ներկայացուցիչներ որոշ փորձեր կատարեցին Ջավախքի (ինչպես և Լեռնային Ղարաբաղի) ենթակայության հարցը վիճարկելու ուղղությամբ: Ախալքալաքից հայ բնակչության զանգվածային արտագաղթը կանխելու, նրա վրդովմունքը մեղմելու, խնդրի լուծման ուղիներ գտնելու նպատակով Ախալքալաքի գավառ այցելեց հայիեղկոմի նախագահ Ալ. Մյասնիկյանը: Վերջինիս նախաձեռնությամբ մի խումբ հայ գործիչներ 1922թ. ներկայացրին նախագիծ Ախալքալաքի գավառից և Բորչալուի հայաբնակ գյուղերից Վրացական ԽՍՀ կազմում մեկ հայկական ինքնավար վարչամիավոր ստեղծելու մասին: Սակայն վրաց պետական շրջանակները, մտավորականության ներկայացուցիչներ (հատկապես պատմաբան Իվ. Ջավախաշվիլին) սվիններով ընդունեցին այդ նախագիծը՝ այն դիտելով իբրև Վրաստանն անդամահատելու քայլ և 1923թ. հասան նրա մերժմանը⁵⁸:

Ինչևէ, սահմանային հարցերում մնալով միայնակ խորհրդային Ադրբեջանի և Վրաստանի ավելի ազդեցիկ բոլշևիկների և նրանց աջակցող կենտրոնի առջև, խիստ թուլացած Հայաստանի ղեկավարությունը, ի վերջո տեղի տվեց: Չանգվածային բռնամիջոցների շնորհիվ խորհրդային իշխանությանը հաջողվեց առժամանակ լռեցնել ջավախքահայությանը՝ նրա մեջ խեղդելով Հայաստանին միանալու ծգտումը:

* . *

Նախկին Ախալքալաքի գավառի մեծ մասից կազմվեց նույնանուն վարչական շրջանը: Հյուսիսային գյուղերից Տաբածղուրին, Սուխտը և Զխարուլան մտցվեցին Բորժոմի, իսկ Դամալան՝ ավելի ուշ կազմավորված Ասպինձայի շրջանների մեջ: 1930թ. Ախալքալաքի շրջանից անջատվեց նրա հարավ-արևելյան մասը՝ կազմելով Բոգդանովկայի (այժմ՝ Նինոծմինդա) շրջանը:

Խորհրդային իշխանության տարիներին քաղաքական ու սոցիալ-տնտեսական լծակների անբարենպաստ ներգործության հետևանքով սկսված բնակչության արտահոսքը դարձավ Ջավախքի ժողովրդագրական իրադրությանը բնորոշող երևույթ: Այդ առումով պատահական չէր, որ բնակչության տոկոսային հարաբերության տեսակետից, ի թիվս հայկական այլ տարածքների, երկրորդ աշխարհամարտի տարիներին Ախալքալաքն ունեցավ ավելի

մեծ մարդկային կորուստներ: Բավական է նշել, որ պատերազմի օրերին բանակ զորակոչված 12684 ախալքալաքցիներից գոհվեց (մասամբ անհետ կորածներ) 7788-ը, այսինքն՝ 61,4 %-ը⁵⁹: Էթնիկական «մաքրագարուման» ենթարկվեցին նաև մեսխեթցի թուրքերը, որոնց դավաճանության մեղադրանքով Ստալինը 1944թ. ամռանը Ախալցխայի, Ադիգենի, Ասպինձայի և Ախալքալաքի շրջաններից աքսորեց Միջին Ասիա: Տեղի հայերին արգելվեց զբաղեցնել թուրքերից դատարկված գյուղերը: Իմերեթիայից զանգվածաբար այս շրջաններ տեղափոխվեցին վրացի վերաբնակիչներ, որոնց կառավարությունը տեղավորեց մեսխեթցիների բնակավայրերում: Վրաստանի ղեկավարության ժողովրդագրական այդ միջոցառման հետևանքով հայաշատ Ախալցխայի և Ախալքալաքի շրջանների միջև ի հայտ եկավ վրացաբնակ Ասպինձան: Միևնույն ժամանակ, 1946- 1949թթ. զգալի թվով հայեր Վրացական ԽՍՀ հայաբնակ շրջաններից, այդ թվում Ջավախքից, աքսորվեցին Ալթայի երկրամաս և Սիբիր:

1950-70-ական թթ. տնտեսական և քաղաքական շարժառիթներով հայ բնակչության արտահոսքը Հայկական ԽՍՀ, Հյուսիսային Կովկաս և նախկին ԽՍՀՄ հանրապետություններ, մեծ չափեր ընդունեց: Ահա թե ինչու, բարձր ծնելիությամբ և ընտանիքների բազմանդամությամբ աչքի ընկած Ախալքալաքի և Բոգդանովկայի շրջաններում (որոնք միասին հիմնականում կազմում էին նախկին Ախալքալաքի գավառի կամ պատմական Վերին Ջավախքի տարածքը) 1989թ. բնակչության ընդհանուր թիվը հասնում էր սոսկ 1917 թ. մակարդակին՝ 105 հազար մարդ:

1989թ. ապրիլին Աջարիայում տեղի ունեցած երկրաշարժից անօթևան մնացած կամ մասնակիորեն տուժած աջարներին վրաց կառավարությունը չհապաղեց բնակեցնել Ախալքալաքի վրացական մի քանի (Կոթելիա, Հոկամ, Գոգաշեն, Չունչխա և այլն) և Բոգդանովկայի ռուս դուխոբորների գյուղերում՝ վերաբնակիչների համար կառուցելով երկհարկանի առանձնատներ: Խորհրդային իշխանության յոթ տասնամյակների ընթացքում Ախալքալաքն ու Բոգդանովկան այդպիսի մեծ ծավալի պետական շինարարություն չէին տեսել: Այդուհանդերձ, Ջավախքի ժողովրդագրական իրավիճակը փոխելու այդ հերթական քայլն արդյունք չտվեց: Բնակլիմայական ծանր պայմանները ստիպեցին աջարների զգալի մասին վերադառնալու իրենց նախկին բնակավայրերը:

Այսօր պատմական Ջավախքն իր երկու շրջաններով, հիմնականում հայաբնակ մոտ 100 գյուղերով և ավելի քան 100 հազար բնակչությամբ (95 %-ը հայեր) Հայաստանի Հանրապետության տարածքից դուրս գտնվող ամենամիատարր հայաբնակ երկրամասն է, որը շարունակում է ապրել իր հայաշունչ և հայեցի կյանքով:

ԾԱՆՈԹԱԳՐՈՒԹՅՈՒՆՆԵՐ

1. «Հորիզոն», 1918, թիվ 10:
2. ՀՀ Պատմության կենտրոնական պետական արխիվ (ՀՀ ՊԿՊԱ),
ֆ. 200, ց. 1, գ. 104, ք. 45: Ախալքալաքի գավառի տարածքը (բնակչության 72 %-ը հայեր), Ծալկայի (Խրամի) և Տաբաթղուրի լճի շրջակա հայկական գյուղերով կազմում էր 3400 քառ. կմ (տե՛ս նույն տեղում, ք. 13):
3. Նույն տեղում, ք. 2-8: Եղավ նաև ենթահանձնաժողովի առաջարկը Ղարաբաղի և Ջանգեզուրի գավառները իբրև գերազանցապես հայերով բնակեցված տարածքներ Ելիզավետպոլի նահանգի կազմից հանելու մասին: Սակայն ենթահանձնաժողովի մահմեդական ներկայացուցիչները հրաժարվեցին այդ փաստաթղթի տակ ստորագրել իրենց քայլը պատճառաբանելով լիազորություններ չունենալու հանգամանքով (տե՛ս նույն տեղում):
4. Սելիքյան Վ., 1917. Փետրվարյան հեղափոխությունը և Հայաստանը, Եր., 1997, էջ 119:
5. Шахатунян А., Административный передел Закавказья, Тифлис, 1918.
6. «Մշակ», 1918, թիվ 16:
7. Ախալցխայի վեցամսյա ինքնապաշտպանության մասին մանրամասն տե՛ս Սանոսյան Ա., Ախալցխայի և Ախալքալաքի գավառների 1918թ. ինքնապաշտպանությունը, Եր., 1992:
8. ՀՀ Նորագույն պատմության կենտրոնական պետական արխիվ (այսուհետև ՀՀ ՆՊԿՊԱ), ֆ. 114, ց. 2, գ. 3, ք. 125ա-126 և «Մշակ», 1918, թիվ 81:
9. Պողոս Գրիգորի Արելյանը (1877-1943) հայ ազգային-ազատագրական շարժման հայտնի գործիչներից է, տնտեսագետ, իրավաբան, մանկավարժ, գրող, թարգմանիչ: Ծնվել է Ախալքալաքի գավառի Գումբուրդո գյուղում, սովորել Գևորգյան ծեմարանում, Թիֆլիսի Ներսիսյան դպրոցում, Սոսկվայի Լազարյան ծեմարանում և համալսարանի իրավաբանական ֆակուլտետում: Հարել է խեղական կուսակցությանը,

Ախալքալաքում հիմնել է ազատագրական խմբակ Արևմտյան Հայաստանում հակաթուրքական պայքարն աշխուժացնելու նպատակով: 1914-ին մասնակցել է հայկական կամավորական ջոկատների կազմակերպման գործին, 1916- 1917թթ. զգալի օգնություն է ցույց տվել արևմտահայ գաղթականներին հայրենիքում տեղավորելու համար: Եղել է կովկասահայ բազմաթիվ ընկերությունների անդամ, Ախալքալաքի Հայրենյաց վարչության ստեղծման նախաձեռնողն ու քարտուղարը: Մեծ աշխատանք է կատարել ախալքալաքի գաղթականներին սովից ու համաճարակից փրկելու ուղղությամբ: Հավաքել Հայաստանին միացնելու շարժման ղեկավարներից է (տես Սելժոնյան Ա., Աբեյան Պողոս, Հայկական հարց, Եր. 1996, էջ 7):

10. / ՀՀ ՆԴԿՊԱ, ֆ. 114, ց. 2, գ. 3, ք. 123ա:
11. Թուրքերը, առաջին անգամ Ախալքալաքի գավառ ներխուժելուց մի քանի օր հետո, ձևացրին, թե դուրս են գալիս այնտեղից: Գաղթականների մի մասը հավատաց դրան և ետ վերադարձավ: Մայիսի երկրորդ կեսին թուրքերը նորից մտան Ախալքալաք և կարողացան տիրել գաղթականների ետ բերած գույքի մի մասին, գերել ու ոչնչացնել հազարավոր մարդկանց:
12. ՀՀ ԳԱԱ Պատմության ինստիտուտի արխիվ, (ՀՀ ԳԱԱ ՊԻԱ), Լե-
ոյի անձն. ֆ. 1, ց. 1, գ. 242, ք. 4-5:
13. ՀՀ ՆԴԿՊԱ, ֆ. 200, ց. 1, գ. 17, ք. 34-35 և ՀՀ ԳԱԱ ՊԻԱ, Լեոյի անձն.
ֆ. 1, ց. 1, գ. 242, ք. 5: Խորենիա գյուղի կոտորածի մասին տես նաև
«Հայաստանի Հանրապետություն», 1998, 27 հունիս, էջ 7:
14. Մանրամասն տես Սանոսյան Ա., նշվ. աշխատությունը:
15. ՀՀ ԳԱԱ ՊԻԱ, Լեոյի անձն. ֆ. 1, ց. 1, գ. 264, ք. 1-2 և ՀՀ ՆԴԿՊԱ,
ֆ. 114, ց. 2, գ. 3, ք. 127ա:
16. Վրացյան Ա., Հայաստանի Հանրապետություն, Եր. 1993, էջ 214-
215:
17. ՀՀ ՆԴԿՊԱ, ֆ. 114, ց. 2, գ. 3, ք. 127-127ա և ՀՀ ԳԱԱ ՊԻԱ, Լեոյի
անձն. ֆ. 1, ց. 1, գ. 264, ք. 1-2:
18. Այդ հարձակումների ընթացքում թուրքերը Բակուրիանի
գաղթականական ծամբարից առևանգեցին կամ սպանեցին մինչև
1500 մարդ, հաիշտակեցին մեծ թվով անասուններ ու շարժական
գույք:
19. Վարչության մյուս անդամներն էին Բ. Մաղաքյանը, Հովհ.
Բաղալյանը, Վ. Նազարեթյանը և Թ. Մաղաքյանը:
20. Армянский вопрос и геноцид армян в Турции (1913-1919). сборник
(составитель, отв. ред., автор предисловия В. Микаелян), Ер. 1995, с.
560-561.
21. Այդ խորհրդակցությանը ներկա են եղել Հովհ. Սպենդիարյանը, Լ.
Էվանգուլյանը, Բժիշկ Տեր. Ստեփանյանը և ուրիշներ:
22. ՀՀ ՆԴԿՊԱ, ֆ. 114, ց. 2, գ. 3, ք. 131-131ա:

23. Այս անձնավորություններն ապաշնորհ գտնվեցին, զբաղվեցին նաև զաղթականների համար նախատեսված օգնության յուրացումով (տես նույն տեղում, ք. 130):
24. «Աշակ», 1919, թիվ 14:
25. ՀՀ ԳԱԱ ՊԻԱ, Լեռնի անձն. ֆ. 1, ց. 1, գ. 264, ք. 1-2:
26. ՀՀ ՆԴԿՊԱ, ֆ. 114, ց. 2, գ. 3, ք. 131ա:
27. Վրացյան Ս., նշվ. աշխ., էջ 225-226:
28. Հարությունյան Կ. Ա. Հայկական ազգային գործադիրությունները 1918-1945թթ (դոկտորական ատենախոսություն), Եր. 1994, էջ 70:
29. Վրացյան Ս., նշվ. աշխ., էջ 242-248:
30. Նույն տեղում, էջ 234-235:
31. Նույն տեղում, էջ 266: 1919-1920թթ. Ախալքալաքի հայ և վրաց զաղթականությունը Ամերիկյան օգնության կոմիտեից ստացավ զգալի քանակությամբ հագուստ և 250 հազ. փութ սպիտակ ալյուր (տես ՀՀ ՆԴԿՊԱ, ֆ. 114, ց. 2, գ. 3, ք. 132):
32. Իմերեթցիների զգալի մասը, չդիմանալով Ջավախքի խստաշունչ կլիմայական պայմաններին, հետագայում վերադարձավ իրենց բնակավայրերը:
33. ՀՀ ՆԴԿՊԱ, ֆ. 114, ց. 2, գ. 3, ք. 122ա: Գտնվեցին առանձին ընտանիքներ, որոնք համաձայնվեցին փոխել ազգանունները: Սակայն հայ-կաթոլիկների ճնշող մեծամասնությունը չընկրկեց վրաց իշխանությունների ազգայնամոլ այդ ձեռնարկումների առջև և կտրականապես հրաժարվեց ազգափոխվել:
34. Ռուբեն, Հայ յեղափոխականի մը յիշատակները, հ. 7, Թեհրան, 1982, էջ 242:
35. Ռուբեն, նշվ. աշխ., էջ 243:
36. Ավետիսյան Հ., Հայկական հարցը 1918թ., Եր. 1997, էջ 334:
37. «Աշխատավոր», 16 հունիսի 1920թ., թիվ 57
38. Նույն տեղում: 1920թ. մայիսի 7-ի ռուս-վրացական պայմանագրում Ջավախքի և Լոռու հարցում Ռուսաստանի վերոհիշյալ կեցվածքը հուշում էր, որ առաջիկա հայ-ռուսական (Շանթ-Կարախան) բանակցություններում վիճելի տարածքների խնդրում դժվար էր խորհրդային կառավարությունից ակնկալել աջակցության քայլեր: Միանգամայն համոզիչ է պրոֆ. Է. Չոհրաբյանի այն պնդումը, որ 1920թ. մայիս-հունիսին Սոսկվայում խորհրդային Ռուսաստանի փոխարտգործո՞ղկոմ Լ. Կարախանի հավաստիացումները հայկական պատվիրակության անդամ Հ. Տերտերյանին Ախալքալաքի, Ախալցխայի, Խրամի, Բաթումի, ողջ Ղաշտային Ղարաբաղի պատկանելության հարցը հօգուտ Հայաստանի տեսնելու Ռուսաստանի պարտաստականության մասին, միայն անլուրջ դիվանագիտական խաղ և հայկական կողմի տրամսդրությունները շոշափելու քայլեր էին: (Տես Չոհրաբյան Է. Ա., 1920թ.

թուրք-հայկական պատերազմը և տերությունները, Եր. 1997, էջ 68-70):

39. 1920թ. թուրք-հայկական պատերազմին իր մասնակցությունը բերեց Ջավախքի հայությունը (տես Չոհրաբյան Է., նշված աշխ., էջ 179):
40. Քեմալա-վրացական զաղտնի կապերի մասին տես Չոհրաբյան Է. Ա., նշվ. աշխ., էջ 150-152: Ի դեպ, վրաց բոլշևիկները Ի. Ստալինը, Բ. Սդիվանին և ուրիշներ, Ջավախքը թուրքերին հանձնելու և դրանով այն հայաթափելու իրենց մոտեցումներով չէին տարբերվում վրաց մենշևիկներից: Նրանք 1920թ. վերջին հայտնում էին, որ առանձնապես դեմ չեն Ախալքալաքի և Ախալցխայի գավառները դաշնակից Թուրքիային հանձնելուն (տես ԴԴ Հասարակական-քաղաքական կազմակերպությունների փաստաթղթերի Կենտրոնական պետական արխիվ (ԴԴ ՀՔԿԾ ԿՊԱ), Հավաքածու 1, գ.2):
41. ԴԴ ՆՊԿՊԱ, ֆ.114, ց.2, գ.3, թ.132: Ջավախքի հարցում վրացիների գործելակերպը պատկերավոր է ներկայացված ժամանակի փաստաթղթերում. «վրաց կառավարությունը իր օրով մեզ նեղում էր ըստ ամենայնի. կարողում ենք Թիֆլիսում Հայաստանի ներկայացուցչին գրած ջավախքի մի խումբ մտավորականների նամակում, բացի այդ, երբ երկիրը իրենց էր մնում, գալիս տիրում էին, իսկ երբ թուրքն էր գալիս, հանձնում էին նրան ու հեռանում...» (ԴԴ ՆՊԿՊԱ, ֆ.114, ց.2, գ.46, թ. 65-66):
42. Մելքոնյան Ա., Ջավախքի գողգոթան, «Ազատամարտ», 24 ապրիլի 1992, էջ 12:
43. Նույն տեղում:
44. Երբ Կարմիր բանակը մտավ Ախալքալաք, այնտեղ կանգնած էր բոլշևիկների դաշնակից քեմալական զորքը, որի հետ ոչ մի ընդհարում չեղավ: Ավելին, մինչև գավառից դուրս գալը ապրիլ ամիսը, թուրքական զորքը կարմիր բանակի զորամասերի հետ նյութական մոր վնասներ հասցրեց Ջավախքի բազմաչարչար բնակչությանը:
45. ԴԴ ՆՊԿՊԱ, ֆ. 114, ց.2, գ.46, թ.66: Այս փաստաթղթի ընթերցումից դժվար չէ նկատել ախալքալաքցիների հաստատական ձգտումը Հայաստանին միանալու և ունեցած ռուսամետ կեցվածքի խնդրում:
46. Хармандарян С.В., Ленин и становление закавказской федерации, Ер. 1969, с. 101-102.
47. Այս փաստաթուղթը (ԴԴ ՆՊԿՊԱ, ֆ. 114, ց.2, գ.3, թ.122- 134), որ քանիցս վկայակոչել ենք աշխատությունում, ամբողջությամբ ներկայացված է հավելվածում (փաստաթուղթ թիվ 6):
48. Ջավախքը Հայաստանին պատկանելու լուրջ փաստարկներով

աշխատություն է Ռ. Տեր- Մինասյանի «Ախալքալակի պայքարը»
հոդվածը (տե՛ս «Դրոշակ», Փարիզ 1926, թիվ 1):

49. ԴԴ ՆՊԿՊԱ, ֆ. 114, ց.2, գ.3, ք. 133:

50. Նույն տեղում, ք. 133^ա:

51. ԴԴ ԴՔԿԾ ԿՊԱ, Հավաքածու 1, գ.7, ք. 45:

52. Նույն տեղում, ք.43:

53. Եթե կարմիր բանակը 1921թ. հունվար-փետրվարին Երևանից
մտներ Ալեքսանդրապոլ, ապա Ախալքալաք, անկասկած. և՛
Շիրակում թուրքերի կողմից հայ բնակչության կոտորածներն ու
կողոպուտն այդպիսի ծավալներ չէին ընդունի, և կբացառվեր
քեմալականների մուտքը Զավախք, ինչպես և գավառը
Հայաստանին միացնելու հայ բոլշևիկների (Ալ. Բեկզադյան, Ա.
Սոսվյան, Ալ. Մյասնիկյան և այլոց) ջանքերը կարող էին
հանգեցնել ցանկալի արդյունքի:

54. ԴԴ ՆՊԿՊԱ, ֆ. 114, ց.2, գ.24, ք. 75:

55. Նույն տեղում, ք. 75 ա-76 և գ. 46, ք. 65-66:

56. Նույն տեղում:

57. Նույն տեղում:

58. ՎՊԹՆԵՂՋԻ, 1998, N 7 ձյ. 29-30.

59. Մելքոնյան Ա., նշվ. աշխ., էջ 12: Մեծ Հայրենականին
ախալքալաքցիների մասնակցության և ունեցած զոհերի մասին
սույն տեղեկությունները վերցված են Ախալքալաքի
զինկոմիսարիատից:

ՀՐԱՏԱՐԱԿՎՈՂ ՓԱՍՏԱԹՂԹԵՐԻ ՇՈՒՐՋ

Հայաստանի, Վրաստանի, նախկին ԽՍՀՄ այլ հանրապետությունների պետական արխիվներում պահվում են բազմաթիվ փաստաթղթեր Ջավախքի պատմության, մասնավորապես 1918-1921 թթ. ժամանակահատվածի վերաբերյալ: Դրանցից տասնյակ փաստաթղթեր օգտագործվել են հայ պատմաբանների կողմից: Սակայն, բացառությամբ մեկ-երկուսի, ոչ մի փաստաթուղթ առ այսօր ամբողջությամբ չի հրատարակվել, այն դեպքում, երբ այդ խնդրի գիտական և քաղաքական կարևորությունը կասկած չի հարուցում:

Աշխատության հավելվածը չժանրաբեռնելու նպատակով չափեկան համարեցինք հրատարակել միայն 7 փաստաթուղթ, որոնք առավել կարևոր նյութ են պարունակում հիմնախնդրի վերաբերյալ և նոր լույս են սփռում Ախալքալաքի գավառի պատմության այդ ողբերգական շրջանի դեպքերի վրա: Առաջին և երկրորդ փաստաթղթերը ներկայացնում են 1918թ. ամռանը և աշնանը Բակուրիանի և Ծալկայի շրջաններում ախալքալաքցի տասնյակ հազարավոր գաղթականների աղետալի վիճակը, հայրենի գավառ վերադառնալու ուղղությամբ ձեռնարկած քայլերը և այլն: Երրորդ և յոթերորդ փաստաթղթերը վերաբերում են 1921թ. քեմալական թուրքերի կողմից Ջավախքում իրականացված կոտորածների, խորհրդայնացումից հետո այնտեղ վրաց բոլշևիկների վարած ազգայնամոլ քաղաքականության, խորհրդային Հայաստանի հետ միանալու Ախալքալաքի բնակչության ձգտումների հարցերին:

Խորհրդային Հայաստանի և Վրաստանի միջև սահմանների խնդրին վերաբերող արձանագրությունների (փաստաթղթեր թիվ 4 և 5) միկրոպատճենները, որոնք Մոսկվայից տարիներ առաջ բերվել են ակադ. Գ.Ա. Գալոյանի կողմից, թեև նորություն չեն, սակայն կարող են հետաքրքրել ընթերցող հասարակայնությանը:

Հավելվածի ամենաընդարձակ փաստաթուղթը (թիվ 6) ՀԽՍՀ արտգործոժողկոմ Ա. Մռավյանի համեմարարությամբ Ախալ-

քալաքի Հայրենյաց վարչության քարտուղար Պողոս Աբելյանի կազմած զեկուցագիրն է, որը բազմաթիվ ուշագրավ տեղեկություններ է պարունակում խնդրո առարկա հիմնահարցի վերաբերյալ և միաժամանակ, մի ուրույն աշխատություն է Ջավախքի ամբողջական պատմության վերաբերյալ:

Ա.ՄԵԼՔՈՆՅԱՆ

Правление Ахалкалакского
Армянского землячества.
8 августа 1918г., г. Тифлис, ¹ 6

Г. Дипломатическому
Представителю Арм. Респ.
в Грузии

Правление Ахалкалакского Армянского землячества и представители приютившихся в Бакурианах беженцев из Ахалкалакского уезда считают своей обязанностью доложить Вам о следующем:

1. Положение беженцев

После занятия Ахалкалакского уезда турками, т.е. после 1 июня текущего года, лишь незначительная часть населения этого уезда осталась там, остались духоборы, и около 3 тыс. армянокатоликов. Случайно остались и приблизительно 2000 армян Григорианского исповедания, жители сс. Тагча и Хорения, но и те почти без исключения все были вырезаны турками. Лишь около 1500 чел., состоявшие преимущественно из старух, стариков и детей, ограбленные, подвергнутые всевозможным насилиям, теми же турками были выгнаны из Ахалкалакского уезда в Бакуриани. Из 100 тыс. жителей этого уезда свыше 80 000 чел. из боязни быть поголовно вырезанными турками, до прихода последующих, бросив на произвол турок свое миллиардное имущество, состоявшее из много сотен тысяч пудов готового хлеба, урожая, могущего дать около 10 млн. пудов хлеба и т.д. — ушли из Ахалкалакского уезда и приютились в Бакурианах и в Цалкинском участке Борчалинского уезда, некоторые же, сравнительно незначительная часть, успела перебраться в Тифлис и даже перекринуться на Северный Кавказ. В Бакурианах в данное время находится приблизительно 40 тыс. беженцев ахалкалакцев, столько же живет в Цалках.

Положение и тех и других почти одинаковое, и представляет оно следующую картину:

Беженцы без хлеба и без денег. Они выбрались из Ахалкалакского уезда только со скотом, часть которого была уведена турками, нападшими на беженцев и на территории Грузинской Республики, другая часть погибла за отсутствием корма, третья часть за бесценок распродана.

У беженцев, таким образом, остается небольшое количество, главным образом, рабочего скота. Если положение беженцев не улучшится в ближайшие дни, то и эта часть скота будет продана для того, чтобы на вырученные деньги можно было купить хлеба и на некоторое время спасти себя от гибели. Положение беженцев делается катастрофическим в особенности от того, что Грузинское Правительство не разрешает им выходить из Бакуриани и покупать хлеба в других местах. Последствия голодного существования и жизни под открытым небом таковы: смертность увеличивается с каждым днем и в ближайшем будущем до таких размеров дойдет, что от населения Ахалкалакского уезда и не останется.

Показательно то, что наиболее нуждавшаяся часть беженцев, каковой является около 3 тыс. ардаганцев, шевшедцев, нашедших приют у ахалкалакцев в лучшие дни их жизни, ныне почти все погибли от голода. Такая же участь ждет и ахалкалакцев. Турки не только не разрешают беженцам вернуться на свои места, но, по-видимому, они решили Ахалкалакский уезд населить магометанами из других мест. Доподлинно нам известно, что турецкое правительство делает в этом направлении серьезные шаги и уже магометанами заняты в этом уезде такие важные армянские селения, какими являются Карцах, Сульда, Гумурдо.

1. Нужды беженцев

Спасение беженцев Ахалкалакского уезда заключается в их возвращении на родину.

Беженцы все потеряли, у них остается некоторая надежда на то, что будет спасен хоть их урожай. Если не удастся беженцам снять этот урожай, они очутятся в положении, при котором даже в случае возвращения на свои места, они погибнут голодной смертью. В силу всего этого, спасение урожая этого года – есть спасение беженцев. Наоборот, лишение этого урожая есть гибель населения. Время уборки хлеба уже наступило, вследствие чего, если через несколько дней беженцы не вернутся в Ахалкалаки, они окончательно лишатся этого урожая. На основании этих соображений настоятельно просим сделать даже невероятное для спасения населения от угрожаемой ему гибели, для чего необходимо открыть ему возможность вернуться на родину на этих же днях, с таким расчетом, чтобы не лишиться урожая. Если по тем или по другим причинам окажется невозможным для беженцев снять весь свой урожай, они, беженцы, готовы и на то, чтобы, уступая часть этого урожая туркам, тем самым получить право хоть на спасение другой части урожая.

При возвращении на родину для обеспечения жизни, чести и имущества населения беженцы просят дать им следующие гарантии:

1) Уверенность в том, что турки хорошо обращаются с армянами других завоеванных уездов, например, Александропольского, Сурмалинского и т.д.

2) В целях внушения доверия к себе, турецкое правительство должно положить конец системе закрытых дверей, иначе, оно должно дать возможность свободного сношения между армянами завоеванных Турцией областей и армянами других местностей Закавказья.

3) Как во всех других населенных армянами местностей Турции, так и в Ахалкалакском уезде правительство Армянской Республики должно иметь своих дипломатических представителей.

Было бы очень желательно, если бы такие представители были и от Германии, Австро-Венгрии, Болгарии, Грузии и Азербайджана.

4) Турецкое правительство отвечает за целостность, оставленного в Ахалкалакском уезде армянами имущества.

5) Для полнейшей и окончательной ликвидации существующих между армянами и мусульманами этого уезда недоразумений и в целях установления крепких дружеских отношений между ними, необходимо эти народы, как таковые, между собой примирить.

6) При возвращении на родину беженцы восстанавливаются во всех своих правах, как гражданских, так и имущественных, в частности земельных, - Турецкое правительство не должно заселять уезд пришлым элементом. Уезд должен принадлежать лишь своим старым, коренным жителям.

7) Все население, все беженцы должны иметь право сразу вместе вернуться на родину, нельзя откладывать возвращение жителей того или другого селения.

8) Уездная милиция должна состоять из магометан и христиан на пропорциональных началах.

9) Вместе с разоружением армян необходимо разоружить и турок.

10) Чтобы приободрить население, и вообще не оставлять его без руководителей, в уезд должны вернуться интеллигентные работники-учителя, священники и т.д.

11) Жителей уезда нельзя посылать на казенные работы вне уезда и

12) Возвращение должно состояться с таким расчетом, чтобы можно было снять урожай этого года.

В случае, если невозможно вернуться на родину, просим подыскать другие пути, для спасения беженцев от гибели. В частности, просим хлопотать перед Грузинским Правительством о снятии запрещения передвижения беженцев и покупки хлеба в пределах Грузии.

Председатель Правления Ахалкалакского

Армянского землячества.
Вст. врач В. Оганджаниян
Секретарь землячества П. Абелян
Представитель армянских беженцев в Бакурианах:
свящ. Арсен Блриян
уч. Хач. Тер-Гукасян.

ՀՀ ՊԿՊԱ, ֆ.200, ց.1, գ. 17, ք. 34-35:

Փաստաթուղթ թիվ 2
Թարգմանություն ֆրանսերենից

Վրաստանում թուրքական կառավարության դիվանագիտական և
զինվորական ներկայացուցչին

Ախալքալաքի Հայրենյաց վարչությունը դիմում է Ձեզ
հետևյալ խնդրանքով. Բակուրիանում և Ծալկայում թաքնված
գաղթականների վիճակին Դուք ծանոթ եք, ուստի ներկայացման
կարիք չկա: Կարծում ենք վարչությունը պարտավոր է միայն
հիշեցնելու, որ Բակուրիանում ու Ծալկայում 80 հազար հայերի
կեսը Ախալքալաքը փոխանակել է իսկական գերեզմանի հետ:
Մենք դեռ չենք խոսում տասնյակ հազարավոր գլուխ անասունների
եւ այլ բարիքների մասին, որից զրկվեցին Ախալքալաքի
բնակիչները այդ մահվան դաշտերում: Տարածվող սարսափելի
սովը, ցրտերը, համաճարակային հիվանդություններն իրենց ճա-

նապարհին չեն հանդիպում ոչ մի արգելքի յուրաքանչյուր օր գաղթականներից խլելով հարյուրավոր գոհեր: Եթե վիճակը շարունակի պահպանվել այդ ոգով, ապա առաջիկայում, առանց չափազանցության, 3-4 շաբաթում կգոհվեն նաև ախալքալաքցի մնացած գաղթականները: Դատապարտված մահվան, լքված բոլորից, այդ դժբախտ ու անտուն հայերն աղերսում են փրկել իրենց մահից: Գաղթականներին մահից փրկելու միջոցները վարչությունը համարում է.

ա) Անհապաղ (գաղթականների- Ա.Մ.) վերադարձը հայրենիք: Գաղթականները համաձայն են վերադառնալ իրենց տեղերը նույնիսկ այն դեպքում, եթե (տեղում- Ա.Մ.) լինեն մահմեդական գաղթականներ, որոնք հաստատվել են Ախալքալաքի շրջանում...: Հայ գաղթականները համոզված են, որ ոչ մի դժվարություն, ոչ մի թյուրիմացություն չի լինի երկու դարավոր հարևանների միջև: Թեև բարեկամությունը մի փոքր ավելի քիչ կլինի, սակայն երկու ժողովուրդներն էլ կմնան միշտ խորապես կապված: Ներկայումս խառը հանձնաժողովը ուղևորվում է գաղթականների մոտ որոշ հարցեր պարզելու համար: Մենք մտավախություն ունենք, որ տարբեր ծեփական հարցեր կարող են ձգձգել գաղթականների վերադարձը իրենց տեղերը: Ի նկատի առնենք, որ ոչ միայն օրերը, այլև ժամերը գաղթականների համար ունեն կենսական նշանակություն: Հայրենյաց վարչությունը խնդրում է վերացնել բոլոր ձևականությունները և հնարավորություն տալ գաղթականներին վերադառնալու ավետյաց երկիրը, որպիսին նրանց համար Ախալքալաքն է: Բոլոր գաղթականները միաբերան հաստատու են. «Եթե հարկ է մեռնել, լավ է մեռնել Հայրենիքում»:

բ) Եթե ինչ-ինչ պատճառներով հնարավոր չլինի գաղթականների վերադարձը իրենց օջախներ, մենք խնդրում ենք թույլատրել գաղթականներին հաստատվելու Վրաստանի այն շրջաններում, որտեղ նրանց համար կլինի հնարավոր:

Վրացական կառավարության հայտարարության համաձայն Թիֆլիսի ամբողջ նահանգը, և բնականաբար, Ախալքալաքի գավառը հանդիսանում են Վրաստանի անբաժան մասը: Ելնելով այդ դրույթից Ախալքալաքի բնակիչները հանդիսանում են Վրաստանի հանրապետության հպատակներ: Հաշվի առնելով, որ մեր հանրապետության բոլոր հպատակներն ունեն պետության տարածքով ազատ տեղաշարժվելու բացարձակ իրավունք, վարչությունը խնդրում է Վրաստանի կառավարությանը չեղյալ համարելու Բակուրիանի և Ծալկայի սահմանամերձ տեղերը անցնելու բոլոր

արգելքները: Արդեն երկար ժամանակ է, ինչ վրացական կառավարությունն առաջարկում է գաղթականներին տեղափոխվել Հյուսիսային Կովկաս: Վերջին օրերին վրացական կառավարությունը խորհուրդ է տվել Վիրահայոց ազգային խորհրդին Ախալքալաքի բնակիչների 2/3-ին գաղթեցնելու Հայաստան, որը, ըստ մեր ունեցած տեղեկությունների, դժվար է: Ինչ վերաբերում է Հայաստանին, ապա նա չունի միջոցներ գաղթականների այդպիսի երկարատև տեղաշարժ կազմակերպելու համար: Առավել ևս, որ դա կարող է ունենալ ամենաաղետալի հետևանքները: Ախալքալաքցի գաղթականները կարծում են, որ իրենց գոյատևման լավագույն միջոցը տվյալ պահին Վրաստանի հայկական և Բորչալուի գավառում մահմեդականների լքած գյուղերն են: Բոլոր դեպքերում Ախալքալաքի բնակիչների համար ցանկալի է հարևանությունը իրենց հայրենիքի հետ: Մի քանի շաբաթ առաջ վրացական կառավարությունն իրավունք է տվել Ախալքալաքի վրացիներին թողնելու Բակուրիանն ու Ծալկան և ուղևորվելու մեր հանրապետության լավագույն տեղերը: Մենք խնդրում ենք, որ համանման հարմարություններ ու իրավունքներ շնորհվի նաև Ախալքալաքի հայերի համար, որոնք կողք-կողքի վրացիների հետ պայքարել են Ախալքալաքի գավառի ազատագրության համար:

գ) Եթե գաղթականների վերադարձն իրենց օջախներ անհապաղ դրական լուծում չստանա կամ ձգձգվի, հարկ կլինի ձեռք առնելու անհրաժեշտ քայլեր գոյության բոլոր միջոցներից զուրկ գաղթականության մեծամասնությանն օգնության հասնելու համար: Անհրաժեշտ է նաև տեղավորել որբերին: Դժբախտ երեխաներին փրկելու համար հարկավոր է բավարարել գաղթականների բժշկական պահանջները: Մենք նաև խնդրում ենք Ամերիկյան բարեգործական ընկերությանը, որը շատ բան է արել և անում է հայ ժողովրդին փրկելու համար, զբաղվելու Ախալքալաքի գավառի բնակիչների վիճակով, որոնք անաղմուկ հրաժեշտ են տալիս կյանքին, և որոնք գրեթե ոչ մի տեղ չեն գտնում օգնություն մահվան դեմ պայքարում:

Գաղթականները հույս ունեն և հավատում են, որ Դուք, համակված հումանիզմով, խստորեն կբռնեք մահվան ձեռքը, որն արդեն 5 շաբաթ է անպատիժ խլում է տասնյակ հազարավոր կյանքեր: Այն գաղթականները, որոնք մեր միջոցով դիմում են Ձեզ, հնարավոր է դիմում են վերջին անգամ և աղերսում են փրկել իրենց: Ամեն կարգի ուշացում նման չէ մահվան, այլ մահվան դատապարտվածների համար՝ հենց մահ է:

Նման խնդրանքով վարչությունը դիմում է վրացական կառավարությանը, հայկական կառավարությանը, Վրաստանում Հայաստանի դիվանագիտական ներկայացուցչին, Վիրահայոց ազգային խորհրդին և Ամերիկյան բարեգործական կոմիտեին:

Նախագահ /ստորագրություն/

Նախագահ /ստորագրություն/

ՀՀ ԳԱԱ պատմության ինստիտուտի արխիվ, Լեոյի անվան թիվ 1 ֆոնդ, ց. 1, գ. 264, թ. 1-2 (ֆրանսերեն):

Փաստաթուղթ թիվ 3

Հայաստանի Հանրապետության դիվանագիտական միսիայի
հարգելի ներկայացուցչին Վրաստանում

Թիֆլիս

Հարգելի ներկայացուցիչ.

Մենք՝ Ջավախքի Ախալքալաք գավառի ավերված-թալանված գյուղերի ներկայացուցիչներս եկած ենք հայտնելու Հայկական միսսիային.

1. Այն կոտորածի ու թալանի մասին, որ մարտի սկզբին արին մեզ մասամբ տաճկական ասկյարները և գլխավորապես մեր դրացի թուրքերը.

2. Մեր անտեր մնացած որբերի մասին.

3. Մեզ շուտափույթ օգնություն հասցնելու մասին.

4. Զննություն կատարել տալու բոլորովին չեզոք մարդկանց ձեռքով՝ այն սպանությունների ու թալանի մասին, որ եղան վերջերս.

5. Մեր գավառը՝ Ջավախքը Հայաստանի Հանրապետությանը միացնելու մասին.

6. Հակառակ դեպքում մեզ գաղթեցնելու մասին Ռուսաստանի խորքերը:

1. Մեծամասնականները (բոլշևիկներ-Ա.Ս.) նոր էին մտնում Անդրկովկաս՝ Ադրբեջան, Հայաստան ու Վրաստան, որ մենք մեր հարևան թուրքերի հետ պայման կապեցինք. եթե Կարմիր բանակը մտնի Ջավախք՝ մենք նրանց կյանքը և ինչքը պաշտպանենք (մեզ համար մինչև այսօր էլ հայտնի չէ, թե թուրքերը ինչու համար վախենում էին սովետական Կարմիր բանակից), իսկ եթե քեմալականները մտնեն՝ նրանք մեզ պաշտպանեն ասկյարներից: Սակայն այդ ազնիվ խոսքը թուրքերի կողմից այդպես չեղավ, երբ վրաց զորքը հեռացավ գավառից և տեղի տվեց թուրք ասկյարին, երբ սրանք փետրվարի վերջերին մտան մեր գյուղերը՝ սկսեցին թալանը ոսկու, արծաթի, փողի, կտորեղենի, զգեստի ու մասամբ տավարի. դրանից հետո եկավ թուրք խուժանը (մեր հարևանները), որն սկսեց մեզ ծեծել, ամբողջովին մերկացնել, մեր բոլոր ունեցածը, մինչև անգամ ոտքերիս տրեխներն ու ասեղները խլել, բառնալ մեր սայլերին, մեր անասունների հետ քշել իրենց գյուղերը, դրա հետ զուգընթաց բոլոր բռնաբարությունները կանանց և աղջկերանց ու կոտորածը: (Սա չորրորդ անգամն է, որ մենք ենթարկվում ենք այդպիսի դառն ճակատագրի, և եթե մեր վիճակը չփոխվի՝ մենք այլևս անկարող ենք այդտեղ մնալ):

2. Կոտորածի ու թալանի շնորհիվ շատ երեխաներ մնացել են անտեր, շատերին էլ տարել ենք զանազան տեղեր՝ տվել աշխատելու. այդ երեխաները ըստ մեծի մասին 8-14 տարեկան են. նրանք կարող են բոլորովին մեզ համար կորսվիլ. խնդրում ենք, որ բաց անել տաք նրանց համար որբանոց, հավաքեք այնտեղ, մինչև որ մենք հնարավորություն կունենանք մեր զավակներին վերցնելու, պատասպարելու:

3. Զանի որ տաճիկներն ու թուրքերը տարան մեր ամբողջ տավարը, շորը, պաշարը, քանի որ մենք այսօր մնացել ենք բոլորովին տկուր ու քաղցած և առանց սերմնացուի խնդրում ենք շու-

տափույթ հասնիլ մեզ օգնության, և որովհետև նյութով օգնելը Ձեզ համար դժվար կլինի, ուստի խնդրում ենք օգնեք մեզ դրամով, մենք ինքներս թե՛ անասուններ, թե զգեստ, թե ուտելիք ու սերմնացու մեր հաևան գյուղերից ու ազգերից (դուխոբոր, թուրք) կզըտնենք: Այդպիսի օգնություն հարկավոր է առավելապես 6 գյուղի համար. Կարգախ, Սուլտա, Դատեշ, Մրակովալ, Գյումբյուրդա և մասամբ Վաչիան, որոնց համար հարկավոր է մոտ 500 լուծք եզ, 500 կով, մարդագլուխ 2 փ. (փութ- Ա.Մ.) գարի ուտելիք, 2փ. գարի սերմնացու և 1 փ. գետնախնձոր սերմնացու. բոլոր գյուղերում կլինի մոտ 8000 բնակիչ:

4. Բնություն կատարել տալ մի չեզոք մարմնի ձեռով այն սպանությունների ու թալանների մասին, որոնք տեղի ունեցան մեր հարևան թուրքերի և գնացած ասկյարների ձեռքով. մենք ճանաչում ենք շատ- շատերին թուրքերից, որոնք ամեն բան արել են և անպատիժ շրջում են այսօր գյուղերում. տակավին այսօր էլ թուրք ագենտներ կան նրանց մեջ, որոնք ազգերի եղբայրասպանության գործով են զբաղված: Եվ երբ անաչառ ու անկաշառ քննությունը վերջանա՝ խիստ պատժի ենթարկել տալ նրանց, որ կողմից ուզում է լինի մեղավորը, որոնք այդպիսի սարսափելի ոճիր գործեցին:

5. Մենք խնդրում ենք, որ մեր գավառը, որի 80000 բնակչությունից 60000-ից ավելին հայեր են, մնացած 20000-ը թուրքեր ու դուխոբորներ (որոնք էլ ուզում են գաղթել Ռուսաստան) միացնեք Հայաստանի Հանրապետության, ըստ որում վրաց կառավարությունը իր օրով մեզ նեղում էր ըստ ամենայնի, բացի այդ, երբ երկիրը իրենց էր մնում, գալիս տիրում էին, իսկ երբ թուրքն էր գալիս, հանձնում էին նրան ու հեռանում. դեռ թողած այն, որ մեր հողերը, այն էլ վարելահողերը՝ խլում, տալիս էր թուշերին վարձով, մեզ զրկում ամեն հնարավորությունից ծանր գաղթից հետո տնտեսապես բարելավվելու (համար-Ա.Մ.) : Օրինակներ ու փաստեր շատ կան:

Եթե չլինի այժմիս մեզ շուտափույթ օգնություն, որ ազատվենք մահի ճանկերից, եթե մեր երեխաների մասին չլինի հոգացողություն՝ որբանոց, եթե մեր երկիրը չմիանա Հայաստանի հետ, որով ապահովվում ենք կոտորածից..., ճնշումից, ևս առավել, եթե մեր երկիրը չդառնա Սովետական Ռուսաստանի մասը և մեր գլխից չվերանա թուրքական յաթաղանը մենք այլևս անկարող ենք մնալ մեր հայրենիքում, որ այս քանի տարի է վերածվել է դժոխքի, և մենք ստիպված ենք գաղթելու Ռուսաստանի խորքերը, և պիտի

ավելացնենք, որ այդ ուղղությամբ շատ գյուղեր արդեն քայլեր արել են, ինչպես օրինակ մեր եղբայր կաթուղիկ հայերը, որ պատ-
րաստվում են գաղթելու:

Հույս ունենք, որ մեր այս գրությանը ուշադրություն կդարձ-
նենք և կտնօրինենք ինչ հարկն է և կուղարկենք Ձեր կողմից մի մարդ՝
մեր երկրին ու կենցաղին տեղյակ մարդ, որ գա ամեն ինչ տեսնի ու
Ձեզ մանրամասն զեկուցանի: Սակայն ամենից առաջ օգնություն
շորի ու սննդի:

Սուլդայի ներկայացուցիչներ՝

Թադեոս Ապաքյանց
Վաղարշակ Ակոպյանց
Գրիգոր Կուջոյան՝ նրա
անգրագիտության պատ-
ճառով և իր խնդրանքը ստո-
րագրեցի՝ Մամիկոն Ալթունյան

Մրակովալ գյուղի ներկայացուցիչ՝

Լևոն Կարապետյան

Վաչիան գյուղի ներկայացուցիչներ՝

Լևոն Ալեքյանց,
Արտակ Կասպարենց
Վարդգես Պոլոյենց Ափոյենց

Կարգախի ներկայացուցիչներ՝

Ցոլակ Կարապետյան
Մամիկոն Ալթունյան

Դատեշ գյուղի ներկայացուցիչ՝

Մեսրոպ Մովսիսյան

23/4 1921թ.

Թիֆլիս

ՀՀ ՆՊԿՊԱ, ֆ. .114, ց.2, գ.46, ք.65-66:

ფილიპინური 4

Протокол ' 13

Зас. пленума Кавбюро 7.VII.1921

Сталин, Орджоникидзе, Махарадзе, Киров,
Нариманов, Мясников, Назаретян,
Орахелашвили, Фигатнер.

НКИД*

Г. Сванидзе
А. Мравян

1. О присоединении
нейтральной зоны к
Грузии или к Армении

1 Вся нейтральная зона входит в сос-
тав ССР Армении (голосуют за – 6,
воздержался – 1)

2. О присоединении к
Армении Ахалкалакского
и Храмского районов

2. Передать на рассмотрение ЦК Грузии,
заклучения которого внести на следую-
щий пленум.

ՀՀ ՀԶԿՓ ԿՊԱ, Հաշվարկով 1, գ. 7, ք. 45:

* Народный комиссар иностранных дел.

Протокол ' 1

Заседания Политбюро ЦК КПГ 16.VII.1921г.

Присутствовали: Махарадзе Ф., Мдивани Б., Орахелашвили М.

Слушали: Постановили:

1. О нейтральной
зоне

1.Подтвердить постановление Кав.бюро ЦК
РКП о передаче этой зоны Сов. Армении.

За: Махарадзе, Орахелашвили

Мдивани полагает, что этот вопрос уже
предрешен в постановлении Кав.бюро,
иначе он считал бы целесообразным
производство плебисцита населения.

2. Об уступке
Сов. Армении
для переселен-
ческого фонда
Ахалкалакского
и Храмского
районов

2. Исходя из соображений политических,
равно как экономической связи Ахалкалак-
ского района с Тифлисом, признать предло-
жение т.т. армян неприемлемым.

ՀՀ ՀԲԿՓ ԿՊԱ, Հալաժաճու 1, գ. 7, ք. 43:

....ԱԽԱԼՔԱԼԱՔԻ՝ ԳԱՎԱՌԸ

Ձ Ե Կ ՈՒ Ց ՈՒ Մ

Արտաքին Գործոց

Կոմիսար

Մռավյանի համար

Խ. Ս. Հայաստանի

Ժողովրդական

ընկ. Ասքանազ

Պողոս Աբեյանից

Ընկեր Մռավյան.

Դուք ինձ առաջարկեցիք առողջանալուց հետո գրել մի համառոտ զեկուցագիր Ախալքալաքի գավառի մասին: Ես կարող եմ ուշ առողջանալ կամ էլ չառողջանալ, իսկ իմ տալիք տեղեկությունները Ձեզ այժմ են հարկավոր: Վերջին հանգամանքը ի նկատի ունենալով՝ ես որոշեցի՝ թեկուզ հիվանդ, տալ Ձեզ մի քանի էական տեղեկություններ Ջավախքի դրության և կյանքի զանազան կողմերի մասին: Անշուշտ, Դուք գրությանս շատ թերություններին ներողամիտ աչքով կնայեք, չմոռանալով, որ նրա հեղինակն անկողնի մեջ պառկած է շարադրում այս զեկուցագիրը:

1. Ջավախքի պատմությունից

17-րդ դարից սկսած մինչև 1828թ., այսինքն՝ մինչև ռուսական տիրապետությունը, Ախալքալաքի շրջանը, Ախալցխայի փա-

շայության հետ միասին, Տաճկաստանի տիրապետության տակ էր գտնվում: Նշանակում է, Ռուսաստանն Ախալքալաքը ստացել է պատերազմի իրավունքով (Տաճկաստանից և ոչ թե Վրաստանից):

Մինչև 1829 թիվը Ախալքալաքի շրջանում ապրելիս են եղել մեծ մասամբ տաճիկներ, սակայն նրանք ռուսների գալով, մեծ մասամբ գաղթել են Տաճկաստան, որքան ինձ հայտնի է, Էրզրումի շրջանը այն հայերի վայրերում, որ 1828 և 1829թթ. Կարապետ եպիսկոպոսի² ղեկավարությամբ Էրզրումից գաղթեցին մասամբ Ալեքսանդրապոլ, գլխավորապես՝ Ախալքալաք և Ախալցխա: Բայց չի կարելի ասել, թե Ախալքալաքի հայությունը բաղկացած է միմիայն գաղթական տաճկահայերից. դեռ օսմանյան տիրապետության շրջանում այնտեղ ապրելիս են եղել ինձ համար անհայտ քանակությամբ հայեր, որոնց տոհմերին մինչև օրս էլ կարելի է պատահել օր. Տիլիսկա, (Դիլիսկա - Ա.Մ.), Գանձա (Վահան Տերյանի գյուղը) գյուղերում: Այդպիսիներին գավառում անվանում են եռլիներ՝ բնիկներ: Տաճկաստանից, եթե չեն սխալվում, գավառ են գալիս մոտ 15000 հայ, որ տեղական չնչին քանակությամբ տաճիկների, մի քանի տասնյակ քրդերի և վրացիների համեմատությամբ, կազմում են հենց սկզբից (1829թ.)³ բնակչության ճնշիչ մեծամասնությունը: Գաղթական հայերի⁴ հետ եկած, ինչպես հայախոս հայ կաթոլիկներին (ներկայումս մոտ 7-8 հազար), այնպես էլ տաճկախոս հայ կաթոլիկներին (թվով մոտ 9000) վրաց մենշևիկյան կառավարության օրոք ու հովանավորությամբ և վրաց մամուլի զգալի մասը և ինքը՝ մենշևիկյան կառավարությունը, զանազան խոստումներով ու ահաբեկումներով, հայտարարեցին վրացի կաթոլիկներ...: Հայ կաթոլիկների մի մասը, անգիտակից, աղքատ, ճնշված մասը, ինքը նույնպես ինքնապահպանման բնագոյից դժգոհված, իրեն վրացի սկսեց համարել և շատերն իրենց ազգանունները վերածեցին ձե, շվիլի վերջավորությունների: Բայց մյուս մեծ մասը կանգ չառավ մենշևիկյան բլոկի հալածանքների դեմ և իր մարդկային արժանապատվության դեմ ոչինչ չարեց՝ նա իրեն հայ է համարել, հայ էլ համարում է: Եթե չեն սխալվում, հիսունական թվականներին Նիկոլայ I Բռնապետը Ղրիմից մի մեծ քանակության դուխոբորներ է աքսորում Ախալքալաքի գավառը⁵: Բայց այդ դուխոբորներն Ախալքալաքի շրջանում ստանում են յուրաքանչյուրը մի քանի անգամ ավելի հող, քան հայերը, վրացիները և թուրքերը: Այժմ էլ ամեն մի դուխոբոր, համեմատած բնակչության մյուս տարրերի հետ, իրեն ներկայացնում է մի տեսակ կալվածատեր: Դուխոբորներին տալիս են մեծ մասամբ մոտակա,

հայերից խլած հողերը: Այդ է պատճառը, որ ժամանակ առ ժամանակ, մանավանդ հեղափոխությունների սկզբներին, դուխոբորների ու սակավահող հայ գյուղացիների մեջ վեճ է ծագում մի ժամանակ խլված հողերը վերադարձնելու մասին: Դուխոբորների և հայերի այդ վեճը բարեբախտաբար երբեք սուր աստիճանի չի հասել, իսկ այժմ անասնագուրկ և սերմագուրկ հայն իր ունեցած հողն էլ չի կարողանում ցանել և չի հիշում իր հին հողային իրավունքների մասին: Ավելին, այժմ դուխոբորներն ուզում են իրենց հին հայրենիքը վերադառնալ: Գավառի ինչպես ամբողջ հայությունը, այնպես և դուխոբորների հետ դավա դատ ունեցող հայերը պատրաստ են նոր արտոնություններ տալ նրանց, միայն թե չգնան: Ախալքալաքցին առանց նրան վախենում է մենակությունից, այսինքն կարծում է, որ առանց ռսի տաճիկն իրեն ավելի շատ կոչնչացնի, պարզ է, ներկա օսմանյան կառավարության մտքով: Դուխոբորի գնալն Ախալքալաքից ախալքալաքցու համար համագործ է ռուսի գնալուն Կովկասից:

2. Զավախքի աշխարհագրական դիրքը

Զավախքը, ինչպես հայտնի է, բաղկացած է ընդարձակ, այսպես ասած լեռնադաշտից և նրան եզրող բարձր լեռներից: Թե՛ լեռնամասերում և թե՛, մանավանդ, սարահարթերում բուսնում են գարի, ցորեն, կտավատ և առհասարակ զանազան ձիթաբույսեր: Ախալքալաքում գրեթե աշնանացան չկա: Անձրևներ հաճախ են գալիս: Առանց ոռոգման լավ աճում են նույնպես գետնախնձոր և այլ բանջարեղեններ: Բայց Ախալքալաքի ապագան նրա անասնապահության և մեղվաբուծության մեջ է: Ախալքալաքի անասունի միսը և մեղրը եզակի համ ունեն: Ամեն մի քայլափոխում հիանալի աղբյուրներ կան: Անտառներ գավառը չունի: Ախալքալաքի հյուսիսային մասում Գորվա գավառում կան յայլաներ, արոտատեղեր, որ հնուց Ախալքալաքի տասնյակ հայ գյուղերի ձեռքումն են եղել: Այժմ աշխատում են, օգտվելով գյուղացիների խեղճացած դրությունից, խլել այդ հողերը, սարերը և տալ դրսի տարրերին թուլերին: Նույնիսկ սակավամասուն ախալքալաքցին զգում է դրա մեջ իր տնտեսական զարգացման համար մահացու սպառնալիք: Բղավող պահանջն է՝ այդ յայլաները պետք է խլել Գորվա գավառից և միացնել իրենց բնական վայրին Զավախքին: Նրանց արհեստական կերպով մի ժամանակ կտրել են Ախալքալաքից և միացրել

են Ռոմանովների տան Բորժոմի կալվածքին: Այժմ այլևս ոչ ոք բռնությամբ չի կարող գավառից կտրել նրա օրգանական մասը, երկրորդ յայլաները պետք է մնան իրենց նախկին իսկական տերերի ձեռքում: Առհասարակ նկատվում է. ինչ հողեր որ այս երկուերեք տարում պետականացվել են, զարմանալի զուգադիպությամբ հայերին չեն տրվել: Չեն տրվել հաճախ և այն կալվածատիրական հողերը, որ ի սկզբանե եղել են հայ ժողովրդի ձեռքում: Օրինակ՝ Ախալցխայի եկեղեցիների, ճիշտը՝ դպրոցների հայտնի (15.000 դեսյատինից ավելի Ախալքալաքի գավառում) կալվածքը՝ «Գեոգ դադ» արոտատեղերը խլում են եկեղեցուց, բայց և մեծ մասամբ խլում են միաժամանակ մերձակա Սուլտա, Տատեշ և Կարծախ գյուղացիներից, որոնք 1829 թվից ապրում են այդ հողերի մոտ ու վրա: Ասենք (խոսքը՝ Ա. Մ.) հայերին գավառում խորթ հայտարարելու մասին է:

Ախալքալաքից չորս մեծ ճանապարհներ են գնում ա) մեկը՝ դեպի Ախալցխա, ամենալավն է, որովհետև ձմեռը ձյունով չի ծածկվում բ) մյուսը՝ ոչ այնքան կանոնավոր, Ծալկայի և Մանգլիսի վրայով գնում է դեպի Թիֆլիս, գ) երրորդը՝ մոտ 100 վերստ երկարությամբ (Ախալքալաքից Ախալցխա տանող ճանապարհը 66 վերստ է), տանում է դեպի Ալեքսանդրապոլ և դ) չորրորդը՝ նույն երկարությամբ խճուղին տանում է դեպի Արդահան: Ախալքալաքի գավառի մակարդակը, որքան հիշում եմ, 2200 վերստի չափ է: Այս ճանապարհներից վերջինը՝ Արդահանինը բնակչության համար 1918 թվից հանդիսացել է ուղղակի մահվան ճանապարհ: Տաճիկները, այդ թվից սկսած մինչև այս տարվա մարտի սկիզբը, չորս անգամ մտել են գավառ, թալանել, կոտորել են գյուղացիությանը, հատկապես՝ հայերին (միայն 1918 թվին վրացիներին էլ, երբ սրանք հայերի հետ միասին կռվում էին տաճիկների դեմ) և անպատիժ հեռացել: Այդ այսպես կոչված Արդահանի դուռը միշտ փակված պետք է պահել թե՛ գավառի և թե՛ առհասարակ Թիֆլիսի շրջանի համար:

2է՞ որ տաճիկները 1914 թվին նույնպես այդ դռնով փորձեցին մտնել Անդրկովկաս: Այս լավ էր գիտակցում Ախալքալաքի Յայրենակցական նախկին վարչությունը: Ես և գրող Դերենիկ Դեմիրճյանը դեռ Ախալքալաքի անկումից մի երեք ամիս առաջ, 1918 թվի փետրվար, մարտ և ապրիլ ամիսներին շարունակ դիմում էինք կովկասյան նախկին սեյմին, մեր այն ժամանակվա Ազգային խորհրդին, հատկապես նրա զինվորական նախարար Ստ. Մամիկոնյանին, ցույց էինք տալիս ժողովրդի գլխին պատրաստվող

աղետի հնարավորությունը և պահանջում էինք ա/ւ. բնակչության մթերքի, գոնե միլիոնավոր փթերով հացահատիկի մի մասն արտահանել հարևան գավառները, որ մի գայթակղություն քիչ լինի ավագակային հարձակման համար գավառի վրա, բ). պատրաստվել հնարավոր էվակուացիայի համար և գ). գլխավորը. գավառը, ճիշտը՝ խեղճ գյուղացիությունը պաշտպանելու համար ուժեր ուղարկել գավառ և կազմակերպել տեղական ուժերը, առհասարակ գավառը համարել կարևոր զինվորական կետ: Մեզ չլսեցին, մեր առաջարկներին Մամիկոնյանը միշտ պատասխանում էր. «ոչ մի փամփուշտ ախալքալաքցիներին»: Վերջ ի վերջո մի պոգրանիչնի ժանդարմ-գնդապետ գրաբերի⁶ ուղարկեցին, որը վախից փախավ, երբ տաճիկները մտան քաղաք: Այժմ էլ բնակչությունը վախենում է, որ այդ կետի վրա ուշադրություն չեն դարձնում, ուստի հնարավոր է նոր աղետ: Տաճկաստանն այդ կետի նշանակությունը լավ է հասկացել իր պոգրոմային⁷ նպատակների համար: Նա Ախալքալաքի և Ախալցխայի շրջաններում, այդ գործին լավատեղյակ Ջորի Ջորյանի⁸ ասելով, ունի պահած այժմ էլ 60-70 հազար կանոնավոր և ոչ կանոնավոր զորք, որն ամեն մի հարմար թույլ կարող է մտնել գավառ, ինչպես և մտել է: Ով կամենում է Ախալքալաքի, մասամբ և Բորչալուի և Լոռվա գյուղացիությանը փրկել անակնկալներից, Արդահանի դուռն ընդմիշտ պիտի փակել, այսինքն մի կողմից Ախալքալաքը պետք է զինվորապես ուժեղացնել, մյուս կողմից պետք է Արդահանի, Չլդրի և հարևան շրջաններում կուտակվող ուժերը ցրել, ինչպես և ոտքից գլուխ զինված բնակչությունը (մահմեդական) զինաթափել:

Ախալքալաքի հայերին մենչևիկյան Վրաստանը վաղուց զինաթափ էր արել՝ զինելով գավառի թուրքերին ու վրացիներին:

3. Բնակչության կազմը

Բնակչության կազմը որոշելու նյութեր պետք է տային 1916 և 1917թթ. գյուղատնտեսական միօրյա թվագրի (однодневная сельскохозяйственная перепись) հետևանքները, որ դժբախտաբար, դեռ հրատարակած չեն: Սակայն կովկասյան օրացույցի 1917թ. վերջի (տվյալները-Ա.Մ.) և մեր անձնական տեղեկությունները գրեթե տալիս են բնակչության ազգագրական կազմի հետևյալ ստույգ պատկերը.

Ըստ կովկասյան օրացույցի՝ միակ պաշտոնական տեղեկությունների 1916 թվի հունվարի 1-ին (այնուհետև տեղեկություններ չեն եղել) Ախալքալաքի գավառում կար ընդամենը.

1. հայեր շուրջ թիվ	83000 հոգի
2. քրիս. և մահ. վրացիներ...	10000 „
3. դուխոբորներ.....	8000 „
4. թուրքեր (տաճիկներ).....	8000 „
5. քրդեր և մի քանի տասնյակ հույներ և այլ ազգեր	1000 „

Ընդամենը՝	110000 „
-----------	----------

1918թ. հունիսից սկսած այս թվերի մեջ տաճկական արշավանքը և նրա ուղղակի ու անուղղակի հետևանքները (գլխավորապես մենշևիկների սարքած արհեստական սովամահությունը և ցրտահարությունը Բաքուրիանի⁹ և Ծալկայի մահավայրերում) առաջացրին հետևյալ մոտավոր թվերը: Հայ բնակչության թիվը կովկասյան օրացույցում զգալիորեն պակաս պետք է բերված լինի. հայերը 1916 թվի հունվարի 1-ին գավառում կլինեին ոչ պակաս 90-95 հազարից: Եթե 1916 թ.-ի հունվարի 1-ից աճումը հաշվենք մինչև տաճկական մեծ արշավանքը, մինչև 1918 թ.-ի հունիսի 5-ը՝ Ախալքալաքի գրավումը և բնակչության փախուստը, այն ժամանակ բնակչության թվական պատկերը կլինի հետևյալը.

1. հայեր ընդհանուր թվով	100000 հոգի
2. վրացիներ /մահ. և քրիս./	11000 „
3. դուխոբորներ	9000 „
4. թուրքեր	8 ³ / ₄ հազ. „
5. քրդեր և այլ ազգեր	1 ¹ / ₄ հազ „

ընդամենը՝	130000 „
-----------	----------

Ներկայումս ժողովուրդի՝ գլխավորապես հայերի և մասամբ վրացիների մի մասի մահացումից հետո (նույնպես թուրքերը քիչ տուժեցին).

1. հայեր՝ ոչ պակաս ...	60000 հոգի
2. վրացիներ (մահ. ու քրիս)	8000 „
3. դուխոբորներ.....	9000 „

Ընդամենը՝ 85000 „

Ուրիշ խոսքով, տոկոսական տեսակետից բնակչության ազգագրական կազմը (ամբողջության վերաբերմամբ) արտահայտվում է այսպես.

- | | |
|----------------|--------------------|
| 1. հայեր | 70,5 % |
| 2. վրացիներ | 9,5 % |
| 3. թուրքեր | 9,5 % |
| 4. դուխոբորներ | 11 % ¹⁰ |

Եթե վերցնենք միմիայն հայերին և վրացիներին, նրանք կազմում են.

- | | |
|-------------|------|
| 1. հայեր | 88 % |
| 2. վրացիներ | 12 % |

Մենշևիկյան կառավարությունն աշխատում էր դրսից բերած վրացիներով բնակեցնել գավառի հայապատկան հողերը, սակայն նա առանձին հաջողություն չունեցավ՝ տաք եղանակի սովոր քութախիսցի վրացին դաժան բնություն ունեցող (ծմեռը) Ախալքալաքից չէր հափշտակվում։ Այնուամենայնիվ, կարծեք, մի քանի հարյուր հոգի բերված են, որոնց ես հաշվի չեմ առնում։ Նրանք բերված և բնակված են տեղ ունեցող հողի վրա, ուստի գավառի բնակիչներ չեն կարող հաշվվել։

4. Տաճկական առաջին հարձակումները գավառի վրա

Վրաց մենշևիկյան և մանավանդ կալվածատիրական մամուլը վերջին տարիներն աշխատում էր Ախալքալաքի վրա թուրքերի հարձակվելը միմիայն դաշնակցության գործ դուրս բերել։ Ես Ախալքալաքում չեմ եղել։ Եղա 1918 թվի մայիսի վերջերից մինչև գավառի անկումը, իբրև հայ-մուսուլմանական բլոկի և հայրենակցությունների միության ներկայացուցիչ գավառի ժողովուրդների մեջ համերաշխություն հաստատելու համար։ Սակայն ուշ էր համերաշխության համար աշխատելը, գավառում թուրքեր չկային, նրանք փախել էին։ Տաճիկ զորքի հետ կռվում էին միացած հայերը և վրացիք։ Ինձ վիճակվեց գավառական ամբողջ ինտելիգենցիայի և հայ զորքերի հրամանատար գնդապետ Առաքելյանի ֆիքսա-

ցիայի ենթարկված փախուստից հետո, երկու-երեք օրով կազմակերպել դիմադրություն տաճիկներին, որ ժողովուրդը կարողանա փախչել: Սակայն, ամեն միջոցով ես Թիֆլիսում անաչառորեն հետևել եմ դեպքերի զարգացմանը գավառում և ահա ինչպես են նրանք հաջորդվում (հիշողությամբ եմ ասում՝ գրավոր ոչինչ չկա տրամադրության տակ, ուստի շատ մանրամասնություններ բաց են թողնում):

Կարծեք 1918 թվի փետրվար ամսին տաճկական ազենտների ղեկավարությամբ Ախալցխայի շրջանի մեծամասնությունը կազմող թուրքերը (չխառնել թաթարների հետ) հարձակվեցին նույն գավառի վրացական 11 գյուղերի (Սարո, Խիզաբավրա և այլն) վրա և թալանեցին: Թիֆլիսի թերթերը և սեյմը ստացան հեռագրեր: Հայերը (Ախալքալաքի գավառի) օգնեցին վրացիներին և ետ մղեցին գրոհը: Այսպիսով, կազմվեց երկու կողմ՝ թուրքեր օսմանցիների ղեկավարությամբ և հայեր ու վրացիներ, սկզբում իրենց տեղական խմբապետների, իսկ մի երկու ամիս անց, մարտապրիլից սկսած, իբր թե կանոնավոր զորահրամանատարների ղեկավարությամբ՝ հայերը գնդապետ Առաքելյանի (որն իրեն ենթակա էր համարում Թիֆլիսի Հայոց ազգային խորհրդին, իսկ վերջը, երբ պետք է Բաքուրիանից փախչե՛ր՝ Բորժոնում նստած վրացի գեմ. Արջևանի՞ծեն), իսկ վրացոց ղեկավարն էր (միաժամանակ բոլոր ուժերի հրամանատար) այդ գեմ. Արջևանի՞ծեն, որը տաճիկների դեմ գործում էր և Ախալցխայի շրջանում: Այդ ժամանակ (մարտին՝ իմ կարծիքով) Ախալքալաքի ավելի ուժեղ հայությունը հարձակվում է Ախալքալաքի և Ախալցխայի սահմանի վրա գտնվող թուրք, որքան հիշում եմ Կոկիա գյուղի վրա, թալանում են գյուղը (ոչ քանդում), գյուղացիք փախչում են Արդահան: Արդահանի տաճիկներն այդ բանից երեք օր հետո կոտորում են Արդահանի մի քանի հազար հայերին: Երկու հազարի չափ արդահանցի ճողոպրած կանայք ու երեխաներ սոսկալի դրությամբ հասնում էին Արդահանից Ախալքալաք: Ախալքալաքցիները նրանց ընդունում են, պահում, սակայն նրանցից տպավորությունը ցնցող է լինում: Տեղական խուլիգան տարրերը, որոնց տրամադրություն չեն ունենում սանձահարելու իշխանությունները, ձեռքում ունեցած հայ էսեռները և դաշնակցականները, մանավանդ ավելի ուժեղ դաշնակցականները, հարձակվում են բանտում նստած մոտ 300-400 հոգի թուրք, գլխավորապես հարուստ (կալվածատեր Պալավանդովների ամբողջ տոհմն այստեղ է լինում) գերիների վրա, անպատվում են նրանց, կողոպտում

և տան մեջ այրում բոլորին: Մինչ այս ամենը տեղի էր ունենում գավառում, սեյմը և Ազգային խորհուրդը ոչինչ չարին տեսնելու, թե ինչ է կատարվում այդ խորշում: Սարոյի դեպքերի առթիվ սեյմի անդամները քիչ գործածեցին իրենց լեզուները, իբր թե պատգամավորություն ուղարկեցին: Բայց այս ամենը կատարվեց: Որքան դեպքերն ավելի էին ծավալվում, այնքան Հայոց ազգային խորհուրդը և սեյմը խուլ էին ձևանում: Այդ ժամանակ միակ խելացի և գիտակից գործող ուժը Տաճկաստանն էր: Նա Արդահանի ճանապարհով, զինված խուժանով մտնում է Ախալքալաք: Առաջին անգամ մտավ մայիսի երկրորդ կեսին: Ժողովուրդը փախավ: Տաճիկները ետ քաշվեցին, երևի կամենալով անտառները փախած ժողովրդին ետ բերել անասունները խլելու և իրենց կոտորելու համար: Հիրավի, ժողովուրդը հետ եկավ: Հունիսի 1-5-ը տեղի ունեցավ երկրորդ արշավանքը: Այս ժամանակ գավառի ամբողջ ժողովուրդը փախավ, նույնպես գնդապետ Առաքելյանը: Ժողովուրդը և զորքը մնացին անտեր: Ես մի երկու օր առաջ գավառ եկա (ասացի հայ-թրքական բլոկի և հայրենակցական միությունների կողմից համերաշխություն հաստատելու), ստիպված եղա գործի գլուխ կանգնել: Սքանչելի ռուս կապիտան Ռեզնիկովի հետ արագ կազմակերպեցինք երկու-երեք օրով դիմադրություն: Ամսի 4-ին մեր ընդ. հրամ. գեմ. Արջևանիձեն, առանց մեզ իմաց տալու (կանգնած էինք առաջին գծում, թշնամուց 5-6 վերստ հեռու) գիշերը Բորժոմ է քաշում վրացական ուժերը և մեր թիկունքը բաց անում: Բարեբախտաբար՝ բնակչությունը (բացառությամբ թուրքերի ձեռքը մնացած մի քանի հազար հոգու, որոնց նրանք կոտորում են, խնայում են միայն մի քանի տասնյակ քաղաքացի պառավների և կանանց, որոնց վռնդում են գավառից) արդեն Բորժոմի և Ծալկայի սահմաններումն էր: Հունիսի 5-ին մեր զորամասը ևս մաքրեց գավառը, որը մնաց ամբողջապես տաճիկների ձեռքը մինչև 1918թ. դեկտեմբերի սկզբները, ճիշտը՝ մինչև դեկտեմբերի 5-ը, երբ դաշնակիցների հաղթության հետևանքով նրանք հեռացան և մտան վրացիները: Ինձ ամենաստույգ աղբյուրներից հայտնի է, որ տաճիկները հեռանալիս առաջարկել են գրավել գավառը Երևանի կառավարությանը, սակայն սա, չկամենալով անկողեկտ լինել վրաց նկատմամբ, հրաժարվում է, և այսպիսով, վիճելի գավառը ժամանակավոր գրավելու իրավունքը տալիս է վրացիներին:¹¹

5. Տաճիկներն ի՞նչ տարան գավառից

Ախալքալաք գավառը հաճախ ենթակա է լինում բնակավայրատահարների՝ կարկուտ, երաշտ, ցուրտ և այլն, ուստի և հաճախ աղքատանում է։ Սակայն վերջին տարիները բնությունը որոշել էր ապշեցնել գյուղացիությանն իր առատածեռնությամբ։ Մի քանի տարի իրար հետևից լինում էր չտեսնված բերք, մասնավոր 1917 և 1918թթ.։ Բնակչությունը փողի կարիք չուներ և քիչ էր ծախսում իր բերքը՝ գարին և ցորենը։ Թուրքերի եկած ժամանակ գավառում կլիներ ամենաքիչը 3-4 միլիոն փութ պատրաստի հացահատիկ, 30 հազարից անց փեթակ, 200 հազարից անց գլխավորապես խոշոր անասուններ, միլիոնավոր փթերով դարման խոտ և հարդ, տասնյակ հազարներով տնային թռչուններ (հայտնի է, որ գլխ. Ախալքալաքն էր թիֆլիսին ձու տվողը) և այլն և այլն։ Մի խոսքով սա Կովկասի ամենահարուստ գավառն էր այդ շրջանում։ Իսկ անասուններով միշտ ամենահարուստն է եղել։ Ախալքալաքի թե տնտեսական զարգացումը և թե՝ բնակչության աճումը եզակի տեղ էին բռնում։ Բնակչության աճումն արտահայտվում էր 2 1/4 և 2 1/2 կոեֆիցենտով (Ռուսաստանում այդպիսի կոեֆիցենտ չկա)։ 1829 թվի 10-15 հազար հայությունը 1918 թվին 100 հազարի էր հասել... օր. մեր գյուղը (Գյունբուրդա), որ 1829 թվին 20-25 տնից էր բաղկացած, 1918 թվին 250 տուն ուներ, ըստ որում Ախալքալաքի գյուղական միջին ընտանիքն ուներ 8 անդամից ոչ պակաս, գուցե և մինչև 9։ Պաշտոնական տեղեկությունները երևի 6-7 անձից ավելի չեն հաշվում, ուստի և բնակչության ընդհանուր թիվը պակաս է դուրս գալիս։ Գավառը տնտեսապես այնպես էր զարգացել, որ չգիտեր ինչ աներ շատ արտադրությունից։ Փաստ է՝ 1917թվին հարսանիքներին հաճախ պարում էին հարյուրանոցների վրա։ Բնության առատածեռնությունից կատաղած այս կրեստները տաճկական արշավանքով ոչ միայն կորցրին իրենց ամբողջ գույքը, այլև 1918 թվի բերքը, որ ամենահամեստ սպասելիքներով պետք է տար 7-8 միլիոն փութից ավելի։ Ի դեպ, գավառից չփախան մոտ 6 հազար հայ կաթուղիկներ (նրանք մնացին իբրև Դոմի կամ ինչպես իրենք են թուրքերին ասել, Ավստրիայի հպատակներ), դուխոբորները և բնականաբար՝ թուրքերը։ Փախան մոտավորապես 90 հազար հոգի հայեր։ 2-4 հազ. հայ գավառում մնացին, մասամբ մորթվեցին, ինչպես Խորենիա, Սաթխա և այլ գյուղերի բնակիչների

մի մասը, մասամբ էլ հետագայում վնդովեցին Բորժոմի կողմերը, ինչպես քաղաքի մոտ 1000 պառավներ, երեխաներ և կանայք: Փախան և 11 հազար վրացիներ (բոլոր վրացիները): Այս 100 հազար գյուղացու ձեռքում կլինեն 60 հազար դեսյատինից ոչ պակաս բերք:¹² Եթե դեսյատինը տար 150 փուֆ , այդ կաներ 9 միլիոն փուֆ հաց: Կարճ (ասած-Ա.Մ.), տաճիկներին պատրաստի և բերքով մնաց ոչ պակաս 10 միլիոն փուֆ հաց, միլիոնավոր փթերով դարման, տասնյակ հազար փթերով յուղ, պանիր, տասնյակ հազար փեթակներ, հավեր, տաս հազար փուֆ բուրդ, անսահման տնային իրեր, երկրագործական գործիքներ, քաղաքի ապրանքը, զինվորական գույք և այլն, և այլն: Նույնպես նրանց մնաց, կան հետագայում Բորժոմի լեռներում և Ծալկայում անպաշտպան գաղթականության վրա հաճախ հարձակումներով, խլվեց երեք-չորս տասնյակ հազար խոշոր անասուն: Ահա այսպիսի ժառանգություն մնաց տաճիկներին: Հետագայում ականատեսները պատմում են, որ թուրքերը ամբողջ հինգ-վեց ամիս, իրենց տիրապետության շրջանում հունիսի 5-ից մինչև դեկտեմբերի 5-ը (1918թ.) գավառի հայ կաթոլիկների և դուխոբորների հարյուրավոր սայլերով կրում էին Տաճկաստան այդ բարիքը և ապշած էին մնացել այդ հարստության վրա: Տաճիկների ասելով այդպիսի հարուստ գավառ նրանք չէին տեսել: Այսպես անկազմակերպ, անտեր գյուղացիության վրա հարձակվեց մի զինվորական ուժ, կողոպտեց այդ գյուղացիությանը և անպատիժ կերպով յուրացրեց թալանը: Կրեստները դարձան մուրացիկներ, իսկ մուրացիկները՝ կրեստներ: Մեկը աշխատեց, մյուսը խլեց այդ աշխատանքի արդյունքը:

6. Բնակչությունն օտարության մեջ

Ախալքալաքի ճարհատ հայությունը և 10 հազար վրացիությունը գավառից կարողացան փախցնել իրենց անասունների զգալի մասը, բավականաչափ անկողին, առհասարակ տնային իրեր և մի երկու ամսվա հաց: Գաղթականությունը մի կողմից ուղղվեց Բաքուրիան, մյուս կողմից՝ Ծալկա: Վրաց կառավարությունը, որ չկարողացավ մի 1000-2000 տաճկից (այդքանից ավելի չէր լինի տաճիկ զորքը, իսկ եթե կազմակերպեին, միայն Ախալքալաքը՝ չհաշված Ախալցխան, կհաներ 10 հազարից ավելի բանակ) պաշտպանել գավառը, ժողովրդի ձեռքից Բաքուրիանի սահմանի վրա խլեց ամբողջ զենքը, նույնիսկ հայ զորամասերից:

Վրաց կառավարությունը Ախալքալաքը համարում էր իրենը, ուրեմն և ախալքալաքցիք իր հպատակն էին: Չնայած սրան, իր քաղաքացիներին իրավունք չտվեց դուրս գալու Բաքուրիանի և Ծալկայի գծերից և դենը շարժվել: Բնակչությունն իր առողջ, աշխատասեր բնավորությամբ կարող էր Վրաստանում գործ գտնել, իր սայլերով կարող էր Դյուսիսային Կովկասից (ճանապարհը դեռ բաց էր) հաց բերել, փայտ կարող էր բերել Թիֆլիսից, տասնյակ հազարավոր կովերով Թիֆլիսին կարող էր կաթ տալ, մի խոսքով, այդ գյուղացիությունը ոչ միայն չէր ծանրանա Վրաստանի վրա, այլ կթեթևացներ նրա տնտեսական ճգնաժամը, եթե նրան չզրկեին ամեն մի քաղաքացու անբռնաբարելի իրավունքից՝ տեղաշարժության իրավունքից: Չնայած այս ձեռնտու հանգամանքին, մենշևիկյան կառավարությունը որոշ դիտումով գյուղացիության առաջ կարողոններ¹³ դրեց Վրաստանում չտարածվելու համար: Վրաց 11 հազ. գաղթականության առաջ շուտով այդ արգելքները վերացան: Նրան ազատություն տրվեց գնալու ուրիշ վայրեր, իսկ երբ ցրտերը եկան (հոկտեմբեր, նոյեմբեր ամիսներին), կառավարությունն ինքը վրացի գյուղացիներին ջուրեց և տարավ այդ լեռներից Կարայազ: Կառավարությունը, հայ գյուղացիությանը բացօդյա ձերբակալման ենթարկելով, արդարանում էր մի կողմից նրանով, թե Վրաստանում ժողովուրդը կզայրանա, եթե այդքան գաղթական հայեր ցրվեն նրանց մեջ և, երկրորդ, իբր թե գաղթականությունը հիվանդություններ կտարածե: Սուտ է, ոչ վրաց ժողովուրդն էր զայրանում, նա ևս ամեն մի ժողովրդի նման բնական էր գտնում գաղթականներին տեղ տալը (3 միլիոն ժողովուրդ տեղ պետք է տար 100 (հազ-Ա. Մ.) գաղթականի), մյուս կողմից, գաղթականության մեջ առաջին ամիսներին ոչ մի հիվանդություն չկար: Կառավարությունն ինքը ստեղծում էր պայմաններ հիվանդությունների երևան գալու համար, և հիվանդությունները հետագայում առաջ եկան:

Այսպիսով, Ախալքալաքի 90 հազար հայ գաղթականությունը գտնվում էր երկու սվինի մեջտեղը՝ հետ, Ախալքալաք գնալուն արգելում էր տաճկական սվինը, առաջ՝ Վրաստան շարժվելուն արգելում էր վրացական սվինը: 1918թվի հունիսի 5-ից մինչև 1918թ. դեկտեմբերի վերջերը, այսինքն՝ մինչև վերադարձը, գաղթականությունը Բաքուրիանում և Ծալկայում ապրեց այդ գծերի շրջանում: Միայն ճարպիկ քաղաքացիների զգալի մասը կարողացավ Թիֆլիս անցնել: Թե ինչ անտակտ վարվեց կառավարությունը, երևում է հետևյալ հանգամանքներից:

Բաքուրիանում և Ծալկայում շատ քիչ բնակչություն կա։ Բաքուրիանում հույն և օս, Ծալկայում հայ և հույն։ Ամենից առաջ կառավարությունը ոչինչ չունեի (անհանգստանալու-Ա. Մ.), որ 90 հազար գաղթականությունը, բնականաբար մի անկյուն որոնելով, կնեղեր մի երկու տասնյակ հազար ոչ վրացի տարրերի։ Նրանց և հայերի գծովիլը նույնիսկ վատ չէր լինի մենշևիկների համար։ Սակայն, ի պատիվ Բաքուրիանի օսերի, Ծալկայի հույների և հայերի, պետք է ասել, որ նրանց գաղթականության ամբողջ ծանրությունը վերցրին իրենց ուսերին և չդժգոհեցին։ Միայն գաղթականության շատ չնչին մասը կարողացավ տներում տեղավորվել։ Ուրեմն շատը մնաց բացօթյա։ Երկրորդ, անասունները կեր չունեին և պետք է կամ ծախեին կամ անասունները պետք է կոտորեին։ Ճիշտը՝ անասունները և ծախեցին, և կոտորեցին։ Այնուհետև կառավարությունն արգելեց, որ գաղթականության համար Վրաստանից հաց բերվի։ Այդ իրավունքից զուրկ չէին միայն գաղթ. մարմինները. զուրկ չէին երևի, որովհետև նրանք կամ ոչինչ չէին անում, կամ ոչնչացնում էին իրենց պետքերի համար գաղթականության համար բերված սուղ մթերքները։ Այսպիսով, Ծալկայում և Բաքուրիանում (ոչ-Ա. Մ.) գաղթականությունը, ոչ էլ նրա անասունները ոչ տուն ունեին, ոչ սնունդ, ուստի պետք է լիկվիդացիա լինեին։ Այս տեսնում էր կառավարությունը՝ չնայած մամուլի մեջ հարուցված բողոքի և ճիչի, որ այդ առթիվ հանեց Ախալքալաքի, Թիֆլիսի հայրենակցությունն իր բազմաթիվ դիմումներով։ Այնուհետև վրաց կառավարությունը «մահվան շրջանում» (ինչպես ես անվանել եմ 1918թ. իմ հոդվածներից մեկում՝ Խեռական ռուս թերթերում Բաքուրիանն ու Ծալկան) հայտնված գաղթականության մեջ, կարգ պահպանելու համար բաց թողեց իր միլիցիոներներին։ Նրանք սկսեցին ժողովրդին ճնշել, թալանել և այլն, մի խոսքով դարձան կատարյալ ենիչերիներ։ Այդ առթիվ կան բազմաթիվ պաշտոնական հեռագրեր։ Կառավարությունը ոչ մի ծայն չհանեց։ Գյուղացիական զարդարանքների խոշոր մասը կարգապահների (միլիցիոներների-Ա.Մ.) ձեռքն անցավ։ Ամենաողբերգականն է հետևյալը. Ախալքալաքի կողմից տաճիկները շարունակ հարձակվում էին գաղթականության քիկունքի վրա, սպանում էին մարդկանց (մոտ հինգ, վեց ամսում 1000 տղամարդ է սպանված) և տանում էին տասնյակ հազարավոր խոշոր անասուններ։ Վրաց կառավարությունը ոչ միայն չպաշտպանեց զենքով իր հպատակներին, այլև այդ հարձակումների համար անգամ չբողոքեց տաճկաց ներկայացուցիչ Աբդուլ Բերիմի դեմ։ Վրաց

կառավարության խնդրանքով Բորչալուի համեմատաբար ապահով ֆրոնտում՝ տեղական մի քանի թուրք գյուղերի և տաճիկների դեմ պիկետներ էին դրված և մի անգամ գերմանացիք վրացիներին պաշտպանելու համար լավ ջարդեցին իրենց դաշնակից տաճիկ զինվորներին (1918թ. կարծում ենք, հուլիսին): Եթե վրաց կառավարությունը մազաչափ հոգ տաներ ախալքալաքցիների մասին, ամենից առաջ նրանց չէր ձերբակալի, երկրորդը՝ ձերբակալելուց հետո Բաքուի հանում և Ծալկայում պիկետներ կոներ (գերմանական), ամենահարկավոր տեղում՝ Ախալքալաքի սահմանում: Այդ չարվեց ու Տաճկաստանին ազատություն տրվեց իր ավագակային, պոգրոմային գործը շարունակելու: Բնորոշ է՝ ոչ միայն կառավարությունն ինքը գերմանացիների կամ իր զինվորների միջոցով չպաշտպանեց ախալքալաքցիներին, այլև վերջիններս ձեռքից այդ պայմաններում զենքը խլեց, որով անգնե գառը կանգնած մնաց զինված գայլի՝ տաճիկի դիմաց: Եվ Տաճկաստանը սիրով օգտվում էր իրեն տրված իրավունքից՝ ինչպես ասացի, շարունակ հարծակվում էր ժողովուրդի վրա, կոտորում էր հարյուրավոր մարդիկ, տանում էր տասնյակ հազարավոր անասուններ: Տաճիկների պակասները լրացնում էին վրացական ադմինիստրացիայի ներկայացուցիչները, որոնք մի տեսակ կարտելանշ չունեցող ավագակներ էին: Վրաց կառավարության ճիվաղային վերաբերմունքը բնորոշող փաստեր շատ կան: Բայց մեկն էլ այն է, որ Քութայիսի և Թիֆլիսի բոլոր մագործներին, բոլոր սպեկուլյանտներին թույլ էր տրված անարգել մոլեգնել գաղթականության մեջ, մինչդեռ, ինչպես պետք է հիշել, գաղթականությունը բանտարկված էր և իրավունք չուներ շուկա դուրս գալու, շուկա ընտրելու, իր ունեցածն ուզածի պես ծախելու և գնումներ կատարելու: Գյուղացին անասունների համար կեր չուներ, անասունը (գյուղացու վերջին հույսը) սատկում էր աչքի առաջ, և ահա գյուղացին ստիպված էր իր մոտ եկած սպեկուլյանտներին, մի տեսակ սպեկուլյանտների սինդիկատին ամենաէժան և ամենաչնչին գնով ծախել անասունները: Այն կարևոր ու ուշագրավ երևույթ է:

100 հազարից ավելի գաղթականությունը հետը բերել էր 100 հազարից ավելի խոշոր անասուններ: Այդ հարստության թեկուզ մի մասը, եթե նա ծախսեր քիչ թե շատ կարգին գներով, գաղթականությունը մինչև վերադարձը (մինչև նույն 1918թ. դեկտեմբերը), կապրեր, իսկ մյուս մասը՝ հետը կտաներ գավառ: Այնինչ, մինչև 1918թ. նոյեմբերի սկիզբը գրեթե ամբողջ 100 հազար անասունը չնչին գներով նետվեց Վրաստանի շուկա... Վրաստանը, հա-

րուստ Վրաստանը ինքն օգտվեց գաղթականությունից և լավացրեց իր դրությունը... Մինչև Ախալքալաքի դժբախտությունը միսը (մսի գինը- Ա. Մ.) թիֆլիսում արագ բարձրանում էր և հասել էր մինչև 4-5 ռուբ. գրվանքան: Այդ կարելի է ստուգել: Ախալքալաքի գաղթից հետո Կովկասի տնտեսական իրականության մեջ մի տեսակ հրաշք կատարվեց՝ մսի գինը հունիսից (Ախալքալաքի անկումից) սկսած մինչև նոյեմբեր (մինչև անասունների սպառումը Բաքուրիանում, Ծալկայում) անընդհատ ընկնում էր՝ հասնելով մինչև 2 ռուբլի գրվանքան: Այդ ամիսներին ընդհակառակը, եթե չլիներ Ախալքալաքի միսը, պետք է (գները-Ա. Մ.) կատաղի բարձրանային, որովհետև թիֆլիսի համար ոչնչացավ Ղարսը: Չէր գործում Նոր Բայազետը և այլն: Նույն թվի հայկական ու ռուսական թերթերի մեջ գետեղված հատուկ հոդվածներով ես այս երևույթը համարեցի ժամանակավոր, հիվանդագին, (այն-Ա.Մ.) բացատրեցի ախալքալաքցիների անասունների անկեր դրությամբ: Նույն հոդվածում հայտնում էի, թե թող թիֆլիսեցին չասե, թե ախալքալաքցին ծանրացել է իր վրա, ընդհակառակը, գաղթական ջավախքեցին ամեն օր, ամեն մի 3-4 գրվանքա գործադրող ընտանիքի նպաստ է տալիս՝ քիչը 3-10 ռ. (եթե նա չլիներ, միսը կարժեր գրվանքան 5 ռուբլուց ոչ պակաս, մինչդեռ ուտում էին 2 ռուբլով): Ենթադրությունս այդ երևույթի բացատրության (խնդրում-Ա. Մ.) վրաց մամուլին (ռուսատառ «Вопросы» և վրացատառերին) դուր չեկավ: Նրանք դժգոհ էին, որ շնորհակալության փոխարեն գաղթականությունը դուրս է բերվում նույնիսկ իր դժբախտ ժամանակը մայրաքաղաքցիներին ձրիակերությամբ պարապելու հնարավորություն տվող տարր... Բայց իմ մարգարեությունը մի երկու-երեք ամսից հետո կատարվեց բառացի, որով և իմ հոդվածի ճշտությունն անկասկած դարձավ (նույնիսկ Կովկասի գիտնական Ավդեևը իմ բացատրությունը կասկածելի էր գտնում): 1918թ. նոյեմբերին վերջացան ախալքալաքցիների անասունները և մսի գինը թիֆլիսում միանգամից թռիչք արեց վերև և այնուհետև անընդհատ գնում ու գնում էր վերև:

Այսպիսով, մենշևիկյան կառավարությունը 100 հազար գաղթականությանը (ճիշտը 90 հազար հայությունը, ինչպես ասացի, վրացիներին համեմատաբար ոյուրություններ արվեցին Բաքուրիանի և Ծալկայի մահավայրերից դուրս թողնելու համար) իր միանգամայն գիտակից կարգադրություններով դրեց այնպիսի պայմանների մեջ, որ մի կողմից տաճիկը կոտորեց, կողոպտեց, մյուս կողմից էլ Վրաստանի կեղեքիչները հանձին միլիցիայի և

սպեկուլյանտների, թալանեցին: Ձերբակալված ջավախեցին ոչ մի շարժում չէր կարող անել իր փրկության համար:

Նոյեմբերի սկզբներին արդեն սառնամանիքներով ծածկվոր Բաքուրիանի և Ծալկայի բարձրունքներում (7-8 հազար ոտնաչափ՝ գյուղացիությունը կանգնած էր թալանված, մերկ, քաղցած, անտուն: Տարածվում էին հիվանդություններ: Վիրահայ Ազգային խորհուրդը խնդրեց կառավարությանը թույլ տալ գյուղացիներին տեղավորել գոմե Բորչալուի հայ գյուղերում՝ այդ էլ մերժեցին: Միայն այն ժամանակ, երբ դաշնակիցները հաղթել էին և տաճիկները հեռանում էին, կառավարությունը թույլ տվեց Մանգլիսի գաղթականությանը (գաղթականության չնչին մասին) տեղավորվելու զորանոցներում, և իհարկե, այդ սիրալիրությունից օգտվելու ժամանակ չեղավ:

Կառավարության այս դաժան, հիրավի մարդաջինջ և հայաջինջ քաղաքականության հետևանքը եղավ հետևյալ հայտնի տխուր փաստը. 1918թ. հոկտեմբեր, նոյեմբեր և դեկտեմբեր ամիսներին Ծալկայի և Բաքուրիանի լեռներում բացօդյա ոչնչացավ մոտ 30 հազար հայ գաղթականություն: Եթե վերադարձ չլիներ՝ կառավարության կամքից անկախ, որին նա դեմ էր, մինչև հունվար, փետրվար ոչ մի մարդ կենդանի չէր մնա: Պատկերները սոսկալի են. օրինակ առավոտը մայրը վեր է կենում, տեսնում է սառած երեք որդիներին ձյան վրա: Գաղթականությունը կոտորվեց և մի քանի հազար զոհ էլ տվեց վերադարձի օրերին: Այդ ամենը ես իմ աչքով եմ տեսել: Վիրահայ Ազգային խորհրդի կողմից 1918թ. դեկտեմբերին Ծալկայի վրայով ուղևորվեցի Ախալքալաք՝ իմանալու, թե առաջին վերադարձողներին տաճիկները խոն չեն կոտորում և ահա ճանապարհին աչքերիս տակ բացվեց աննկարագրելի տեսարան: Մերկ, սոված, հյուծված, հիվանդ գաղթականությունը, շատերը շատ ծանր հիվանդ, հարյուր վերստից ավելի ճանապարհը վազում էին հասնելու համար ավետյաց երկիրը, ինչպիսին էր Ախալքալաքը նրանց համար: Ցրտերը հասնում էին 25-35 աստիճանի: Միայն մի օր (վերադարձը տևեց մոտ մի ամիս) մի 15-25 վերստ տարածության վրա տեսա ընկած էր դիակ, մերկ, գայլերը կերած, մի դիակ առանձին, մի մայր չորս երեխայով առանձին...

Հատկապես այս մի քանի հազար հոգու կորուստն ընկնում է Ազգային խորհրդի խղճի վրա: Նա Ծալկայում և Բաքուրիանում ուներ լիազորներ, որոնք գաղթականության վերադարձի ժամանակ նստած էին տաք տեղերում: Ամենագլխավորը՝ նրանք նույնիսկ մի սննդատու կայան չչինեցին այդ օրերին, ոչ մի շոր չտվին, մինչդեռ

գաղթականության վերադարձից հետո նրանք, պահեստներից հանելով, ծախեցին մեծ քանակությամբ շաքար և շորեղեն... Այս ամենի մասին իմ ընդարձակ գեկուցագրի մեջ և առանձին հայտագրերով գրել եմ Վիրահայ Ազգային խորհրդին: 1919թ. հունիսի 6-ին, սակայն, հակառակ իմ պահանջի, լիազորներից ոչ մեկը դատի չհանձնվեց: Ծալկայի լիազոր Արարատ Տեր-Գրիգորյանը (հայտնի ավազակ, Արամ Տեր-Գրիգորյանի հաջորդը, ազգականներ չեն) և Բաքուրիանի լիազոր Արշակ Թորոսյանը (բաթումցի) Վիրահայ Ազգային խորհրդում նստած քիստոնյաների կողմից նույնիսկ հանդիմանության խոսքի չարժանացան ... Իսկ հազարավոր նրանց զոհերի գերեզմանները, երկրի երեսին ցրված ոսկորները, Բաքուրիանից և Ծալկայից Ախալքալաք տանող ճանապարհների վրա բղավում են անլուր ոճիրի մասին... Բայց ոճրի մեջ այդ օրերին ետ չմնաց և վրաց կառավարությունը (այս մասին իր ժամանակին բանավոր պատմել եմ Վիր. Ազգային խորհրդին և Ախալքալաքի հայրենակցական միությանը, բայց անհարմար եմ համարել գրի անցկացնել): Նրա վրա խնդրում եմ ձեր առանձին ուշադրությունը: Դեկտեմբեր ամսին Բաքուրիանի սոսկալի բարձունքները ճեղքելով, գաղթականությունն ուղիղ ճանապարհով ուզում էր ընկնել Ախալքալաքի դաշտը, բայց վրաց զորքերը ստիպում էին գաղթականությանը՝ փոխանակ ուղիղ ճանապարհով գնալու, ծովել և անել, 30⁰ ցրտին, 7-8 վերստ ավելի: Շնորհիվ այս հավելյալ ճանապարհի հարյուրավոր մարդիկ ոչնչացան... Ես այդ երևույթը կարողացա բացատրել. վրացական արտիլերիան և սայլերը պահանջում էին ձյան մեջ տանելի ճանապարհ և որպեսզի այդ ճանապարհը շարունակ բանուկ մնա, գաղթականությանը տասնյակ օրեր քշում էին այդ երկար ճանապարհով, ուրիշ խոսքով, փոխանակ թիերով¹⁴ ճանապարհը բաց անելու, գաղթականության դիակներով էին բաց անում: Իրենք վրացիք, ճիշտը՝ վրացական զորամասի հրամանատար կապիտան Կանդելակին բացատրեց ինձ այդ նրանով, որ իբր գավառից դեռ ոչ բոլորովին հեռացած տաճիկները թույլ չէին տալիս ուղիղ ճանապարհով իջնել: Այդ սուտ էր՝ իմ դիմումից հետո այդ բանը վերջացավ: Ի դեպ, գաղթականության վերադարձի ժամանակ Ծալկայում և Բաքուրիանում նստած տասնյակ գաղթականական ծառայողներից ոչ մեկը ոչ միայն ոչինչ չտվեց գաղթականությանը, այլև ամբողջ ամսվա ընթացքում չանցավ ստրերից դեմը և չտեսավ, թե ինչպես է վերադառնում գաղթականությունը: Ասենք գաղթականության մարմինները ինձ համար միշտ եղել են հակագաղթականական, հակաժողովրդա-

կան մարմիններ, ուր հավաքվում են (չնչին բացառությամբ ազնիվ մարդկանց) զանազան գողեր, կասկածելի մարդիկ, ավազակներ, թալանչիներ, սպեկուլյանտներ և այլն և այլն՝ ժողովրդի պատառի հետ հաշիվ տեսնելու:

7. Գաղթականությունը հայրենիքում

Դեկտեմբերին (1918թ.) բացի մի երկու հազար քաղաքացիներից, ամբողջ գաղթականությունը Ախալքալաքումն էր: 90 հազար հայության փոխարեն վերադարձավ մոտ 55(հազ.-Ա. Մ.) հոգի, որ, ինչպես ասացի, տեղում մնացած կաթոլիկների հետ միասին կազմում է ներկայումս 60 հազարից ոչ պակաս: Գաղթականության վերադարձից հետո էլ քիչ (մարդ.-Ա. Մ.) չկոտորվեց տեղում: Շատ չնչին քանակությամբ անասուններ փրկվեցին և բերվեցին Ախալքալաք: Տաճիկները ցրտության պատճառով գավառից չէին կարողացել տանել բավականաչափ խոտ, չէին կարողացել կալսել շատ դեզեր և դուրս տանել մի քանի հազար փութ հացահատիկ: Ախալքալաքի և Ախալցխայի նահանգապետ գեն. Մակակին (հետագայում Բաքվում սպանվեց) ես՝ որպես Ազգային խորհրդի ներկայացուցիչ, խնդրեցի, որ այդ ամբողջ գույքի մնացորդը տա գաղթականությանը՝ որպես նրա սեփականության մի մասը, որպես նրա գույքի չնչին մնացորդը: Մակակը չտվեց: Այս հարցը ես կառավարության առաջ կամեցա դնել Ազգային խորհրդի միջոցով, սակայն նա չդրեց: Այսպիսով, տաճիկներից հետո Ախալքալաքի բնակչության գույքի մնացորդն էլ յուրացրեց և հափշտակեց վրաց կառավարությունը: Այսուհետև մինչև մեծամասնականության (բոլշևիկներ-Ա.Մ.) գալը մենշևիկյան կառավարությունն ամեն կերպ աշխատել է խանգարել բնակչությանը գոնե իր ուժերով ոտքի կանգնելու գործում. հափշտակել է նրանց հողերը, արոտատեղերը, ճընշել է, չի թույլ տվել ունենալու իր ընտրովի միլիցիան և քաղաքական կոմիսարներ և այլն և այլն: Ամեն ինչից պարզ երևում էր մի բան. կառավարության համար անախորժ է եղել, որ թեկուզ այդքան հայությունն ազատվել և ապրում է գավառում: Կառավարությունը կկամենար գավառը բոլորովին ազատված տեսնել հայությունից: Համենայն դեպս, կառավարությունն իրեն նպատակ էր հետապնդում այս կամ այն կերպ թուլացնել հայությանը նույնիսկ վերադարձից հետո:

Իր տեղում, ցրվածությունից մոռացա բերել մի մեծ փաստ: Ինչպես հայտնի է, վրաց կառավարությունը Ախալքալաքը միշտ համարել է Վրաստանի անբաժան մասը, հետևաբար պետք է եզրակացնել, որ ախալքալաքի բոլոր հայերին նա համարում էր վրացահպատակներ: Եվ ահա այդ վրացահպատակների հետ ինչ խաղաղ կոմեդիա խաղաց այդ խարդախ կառավարությունը հիրավի (ինչպես անվանեցին նրան Թիֆլիսի դաշնակցականները) էնվերներից և թալիաթներից բաղկացած կառավարությունը, որի պրեոմներն ավելի կիրթ էին... 1918թ. սեպտեմբերին բավականին կողոպտված էր գաղթականությունը: Այդ ամսի 4-ին (գրեթե լավ են հիշում, սակայն, եթե սխալ դուրս գա, պետք է վրաց կառավարության արխիվում որոնել, սեպտեմբերի 4-ից մինչև հոկտեմբերի 4-ը) վրաց կառավարության կանցելարիան, հանձին *правительство канцелярии*, հայտնի Կոժուղովի (հետագայում Վեշապելու¹⁵ կողմից մեղադրված զեդոնների մեջ) Հայոց գլխավոր գաղթականական խորհրդին (Վիր. Ազգային խորհրդին կից) ուղղում է մոտավորապես այսպիսի բովանդակությամբ թուղթ (բովանդակությունը լավ չեմ հիշում). Ի նկատի ունենալով, որ Վրաստանում պարենավորման ճգնաժամ է, որ մյուս կողմից, տաճկաց հրամանատարությունը վերջնականապես հրաժարվում է թույլ տալ Ախալքալաքի գաղթականությանը վերադառնալ հայրենիք, այսու առաջարկվում է Ձեզ ամենակարճ ժամանակամիջոցում այդ գաղթականությանը տանել Հյուսիսային Կովկաս (ընդգծումը իմն է՝ Պ. Ա.): Կրկնում են, բառացի չեն հիշում բովանդակությունը, բայց գրեթե բառացի այս էր այդ թղթի իմաստը: Գաղթականական խորհրդի նախագահ Սամ. Հարությունյանն¹⁶ ամմիջապես հրավիրեց խորհրդի անդամներին (Հովհ. Սպենդիարյան, հանգուցյալ Լևոն Էվանգուլյան, հանգ. բժ. Տեր-Ստեփանյան --- և այլոց), վերջապես Վիր. Ազգային խորհրդի արիզիդիումը: Ես որպես Ախալքալաքի հայության ներկայացուցիչ, խնդրեցի նույնպես ինձ թույլ տալ ներկա լինել: Կարդացին թուղթը: Ես այդ ժամանակ տեղյակ էի վերադարձի խնդրին (Ջամալյանի օրոք), և ես գիտեի, որ ընդհակառակը, տաճկաց միսիան (Աբդուլ Զերինը) խոստանում էր վերադարձնել գաղթականությանը և մերժում չի տվել: Ուստի պահանջեցի միսիայից բերել գործերը (Ջամալյանը Երևանում էր այդ ժամանակ) և համոզվել, որ, հիրավի, ոչ միայն մերժում չկա, այլև շարունակվում են բանակցություններն Աբդուլ Զերինի հետ: Երկու օր առաջ հենց ես եղել էի (նրա օգնականի հրավերով) մոտը և, պարզ է խոսքով, հավաստիացում էի ստացել, որ գաղթականությունը կվերադառնա:

Գլխավորը, ձևական մերժում չկար: Բերին գործերը և պարզվեց, որ Կոծուղովը սուտ է գրում, որ ընդհակառակը՝ թղթերից երևում էր, որ վերադարձի հարցը Հայկական Միսիայի, տաճկական հրամանատարության, Պոլսի կառավարության և Պոլսի հայկական պատվիրակության բանակցությունների առարկա է նույնիսկ տվյալ ռուպեին: Այս պատճառով որոշվեց Կոծուղովից խնդրել տաճկական հրամանատարության մերժման թղթի պատճենը: Այդպես էլ գործը մնաց: Այսպիսով, վրաց կառավարությունը խաբեբայական միջոցներով ուզում էր նոր գաղթի միջոցով միանգամից արագ կերպով կոտորել տալ ջափախճիներին և Ախալքալաքը ստանալ առանց հայերի:

Մի այլ փաստ ևս, որից ուրիշ հոտ է գալիս: Նոյեմբերին (1918), ինչպես ասացի, գաղթականությունը մերկ, սառցապատ լեռներից փախչում էր իր հայրենիքը, իր տունը: Այդ ժամանակ Բաքուրիանում վերոհիշյալ գեմ. Մակաևը հավաքում է գաղթականներին և պահանջում է նրանցից վրացահպատակության ստորագրություն տալ: Հակառակ դեպքում, ասում է, դժվար կլինի Ձեզ թույլ տալ գնալ: Գաղթականությունը ժամերով կանգնում է և ստիպված է լինում այդ պայմաններում այդ վայրենի պահանջին բավարարություն տալ: Գաղթականության ներկայացուցիչը լինում է մի գյուղացի Ավետիս Ղարսլյան ազգանունով (Ախալքալաքի գավառի Մեծ Խանչալի գյուղից): Այդ պատմությունն իր ժամանակին ես մանրամասն արել եմ Թիֆլիսում (Ղարսլյանն այնտեղ էր): Գրի եմ առել, ստորագրել է Ղարսլյանը, իսկականը տվել եմ Վիր. Ազգային խորհրդին, մի օրինակն էլ, որքան հիշում եմ, Հայկական միսսիային, մյուսն էլ ինձ մոտ է:

Ախալքալաքի 60 հազար հայ բնակչության դրությունը մենչևիկյան կառավարության օրոք մանրամասն չեմ նկարագրելու, միայն այսքանը կասեմ, որ մենչևիկները խորթ, շատ խորթ աչքով էին նայում հայությանը և ամեն կերպ աշխատում էին թուլացնել նրանց՝ հող պատրաստելով իրենց հիմնական նպատակի իրագործման համար՝ Ախալքալաքը Վրաստանին տալ առանց հայերի: Եթե, այնուամենայնիվ, գաղթականությունն ապրեց և որոշ չափով վերականգնեց իր տնտեսությունը, այդ հետևանք է նախ ջափախեցի հայի բառացի անօրինակ աշխատասիրության և երկրորդ, Ամերիկյան օգնության: Չհաշված միլիոնավոր արժեք ունեցող շորերենը՝ 1919թ. և 1920թ. ընթացքում Ախալքալաքի հայությանը և վրացիներին ամերիկացիք տվին 250 հազար փութ սպիտակ ալյուր (ճիշտը 249 հազար փութ 7 գր. հաշիվներն ամերիկյան ներ-

կայացուցիչների ստորագրությամբ կա ինձ մոտ): Այդ ալյուրը Հայաստանի հաշվին ստացված ալյուրիցն է: Ուրեմն վրաց գաղթականությունն Ախալքալաքում ապրել է Հայաստանի ալյուրով, ավելին, վրաց գաղթականությունը նույնիսկ Ախալքալաք է տեղափոխվել Հայաստանի միջոցներով: Այսպիսով, աղքատ Հայաստանն անուղղակի կերպով օգնում էր վիճելի Ախալքալաքի և հային և վրացուն, իսկ Վրաստանը զբաղված էր հայ տարրը ոչնչացնելով: Մենշևիկների համար բնորոշ երկու փաստ ևս առաջինը նրանք աչքաբաց օգնում էին գավառում վրացի գաղթականներին, և սրանք այժմ հայերից շատ ուժեղ են տնտեսապես: Երկրորդ. կառավարությունն աշխատեց հայ և վրացի ժողովուրդների մեջ անտագոնիզմ առաջ բերել և հայերի դեմ զրգռել մնացած վրացիներին և թուրքերին, հայ կաթոլիկների մի մասին, նույնիսկ դուխոբորներին: Բարեբախտաբար, այդ անտագոնիզմը գրեթե արմատներ չի գցել, թեև իրեն զգալի է դարձնում: Հատկապես կառավարությունն աշխատել է ախալքալաքցիներին զինաթափ անել: Ընդհակառակը, թուրքերին ձեռք չէր տալիս: Կառավարության խուլիգանության և պոգրոմության մի ապացույց ևս. մեծամասնականների գալուց առաջ հեռանալով Ախալքալաքից՝ նա նախօրոք մի անգամ ևս զինաթափ է անում հայերին և դիմում է հարևան տաճկական գորքերին, որ մտնեն գավառ: Հրավիրում է տաճիկներին՝ շատ լավ գիտենալով, թե նրանք ինչ պետք է անեն: Եվ հիրավի, սույն 1921թ. մարտին Ախալքալաք են մտնում 23 հազարի չափ տաճիկ զորքեր և խուժան, թալանում են 15 գյուղ, որոնցից չորսը՝ Կարծախ, Սուլտա, Տատեշ, Գյունբուրդա, տուժում են առանձնապես: Տանում են նրանց անասունները և հացը և ամեն ինչ: Դրանք սահմանակից գյուղեր են: Մեծ է լինում մանավանդ իմ հայրենի Գյունբուրդա գյուղի հարվածը. հինգ հազար հոգի 9 օր նստում են այդ գյուղում: 9 օրում 60 տղամարդ են սպանում, բռնաբարում են բոլոր կանանց և ութ տարեկանից վեր երեխաների, տանում են բացարձակապես ամեն ինչ, նույնիսկ մերկացնում են բնակչությանը՝ տանում զգեստները: Այս ամենը հաստատված է Կարմիր բանակի ակտերով: Գյունբուրդան, որ 1918թ. 2500 մարդուց ավելի բնակիչ ուներ, այժմ հազիվ 1000 հոգի ունի, այն էլ մեծ մասամբ կանայք և երեխաներ. ահա ինչպես է լուծվում հայկական հարցը Ախալքալաքի գավառում:

8. Ջալալաբադի հայության երկյուղները և ցանկությունները

Ախալքալաքի հայությունը սոսկալի ահաբեկվել է տաճիկներից: Այս երկյուղն այնքան մեծ է, որ շատերը մտածում են թողնել ու փախչել հայրենիքից: Հայ կաթուղիկ և հայ լուսավորչական շատ գյուղերից նույնիսկ ներկայացուցիչներ են գնացել Ռուսաստան՝ նոր հայրենիք գտնելու: Բնակչությանը սարսափեցրել է այն, որ իրեն տաճիկները շարունակ բնաջինջ են արել և ոչ ոք այս բանի վրա ուշադրություն չի դարձրել: Ի դեպ է այստեղ ասել, որ տաճիկներն էլ այն կողմից են աշխատում Ախալքալաքը ստանալ առանց հայերի: Եվ նրանք էլ մենշևիկների նման եռանդուն գործում են այս ուղղությամբ: Անգորայի կառավարությունը պաշտոնական որոշում ունի, որ Ախալքալաքը, Ախալցխան և Աջարիան պետք է միացվեն Տաճկաստանին: Դեռ 1918թ., երբ Ախալքալաքը տաճիկների ձեռքն էր, սրանք հազարավոր զրսեցի, նույնիսկ Անատոլիայից, տաճիկներ էին բերել և բնակեցրել հայ գյուղերում: Դաշնակիցների հաղթությունից հետո շփոթված տաճիկները՝ դուրս տարան այդ նոր ախալքալաքցիներին: Այժմ էլ այդ նպատակը դրել են տաճիկները, աշխատում են հայ բնակչությանը ոչնչացնել, բայց տները պահել (են-Ա. Մ.) իրենց զաղթականության համար: Կարծ, ինչպես որ Կարսի շրջանը դատարկելով, իրենց կենտրոնները լցնում են տաճիկներով, այնպես էլ ծրագրված է հետզհետե լցնել Ախալքալաքը: Տաճիկներն իրենց երկրի պերիֆերիաները բնակեցնելով թուրք խիտ բնակչությամբ, ուզում են դնել բոլորին կատարված փաստի առաջ: Ախալքալաքի հարցում այժմ նրանց խանգարում է Կարմիր բանակը: Սակայն Ախալցխայի գործերին լավատեղյակ Ջորի Ջորյանի ասելով (մի երկու ամիս առաջ) Արդահանի և Չլդրի շրջաններում տաճիկներն ունեին մոտ 70 հազար զորք և խուժան: Ախալքալաքից 4 վերստ հեռու, իսկ Ախալցխայից 16 վերստ (հեռու-Ա. Մ.) գնվում են տաճկական մեծ ուժերը, որ ամեն րոպե կարող են մտնել Ախալքալաք և Ախալցխա, երբ հարմար լինի: Մեծ փաստ է՝ Արդահանի, Չլդրի, Ախալքալաքի և Ախլցխայի թուրքերը ոտից գլուխ զինված են, իսկ հայությունը, նրանց զինման օբյեկտը՝ բոլորովին անզեն: Այս ալելի է վախեցնում հայության մնացորդներին: Տաճիկ ազենտներն այս 3-4 տարում, պարապ ժամանակ շարունակ ուժեր են պատրաստում այդ լեռներում: Այսպիսով, հայ բնակչությունն զգում է, որ հարևան տաճկական կուտակված և կուտակվող ուժերի նպատակակետն ինքն է եղել և ինքն է այժմ: Ռիստի կամ ուզում է փախչել, կամ երաշխիք առան-

ծին գինվորական համապատասխան ուժերով արտահայտվող երաշխիք է պահանջում իր գոյության, պատվի և գույքի համար: Նա էլ չի կարող սպասել, մինչև որ վերջնականապես բնաջնջվի... Վրացական ներկա կառավարությունը դեռ չի ըմբռնել բնակչության ոչ տնտեսական պահանջները, ոչ էլ զգում է բնակչության հիմնական սարսափը: Ջավախքի հայությունը մենշևիկյան կառավարությանը տաճկականից վատ է համարում: Նրա աչքը այնպես է վախեցել, որ ոչ մի վրացական կառավարություն չի ուզում... : Այս է ճշմարտությունը: Ախալքալաքցին ուզում է, որ Ախալքալաքը լինի իսկական, թուրքի հարձակման համար հավիտյան անմատչելի՝ Ռուսաստան. եթե այդ էլ չեղավ, նա ուզում է իր բախտը կապել Հայաստանի հետ, և նա այժմ ուզում է միանալ Սովետական Հայաստանին:

Առաջին հարցը ևս ջավախքցի հայ գյուղացին համարում է ֆիզիկական ապահովության խնդիրը, երկրորդը՝ իր տնտեսության վերականգնումը, որը տեղի կունենա հեշտությամբ, չնչին օգնությամբ, արդ հայտնի է, որ ամբողջ Անդրկովկասում ախալքալաքցուց շուտ շենացող ու շենացնող ժողովուրդ չկա:

9. Իմ կարծիքները

1. Ախալքալաքցու առաջին պահանջը նրա ֆիզիկականի ապահովումն է, ուստի անկարելի պիտի դարձնել տաճկական արշավանքները:
2. Հայաստանը պետք է այս խնդիրը Վրաստանի և Ռուսաստանի հետ լուծի:
3. Բնակչությանը պաշտոնապես, կոմպետենտ մարմնի կողմից պետք է գրավոր և տպագիր հայտնել, որ հանգիստ նստի իր տեղը և զբաղվի գործով:
4. Ախալքալաքը ազգագրորեն պատկանում է Հայաստանին՝ այսպես է և բնակչության մեծամասնության կամքը: Սակայն եթե մենք Տաճկահայաստանը ստանալինք, հայ-վրացական բարեկամությունն ամրապնդելու համար, ըստ իս, Ախալքալաքը պետք էր նվիրաբերել վրացիներին (հեռացնելով հայերին), մանավանդ, որ վրացի գյուղացիությունը սակավահող է և կարիք ունի գաղթավայրի. հայությանը կտանեինք իմ պաշտելի գավառից, օրինակ. Ալաշկերտ:

5. Բայց, քանի որ Տաճկահայաստան չկա, արդարությունը պահանջում է, որ վրացիք առանց առարկության զիջեն Հայաստանին Ախալքալաքը, մանավանդ որ աշխարհագրորեն նա Շիրակի շարունակությունն է:
6. Ախալքալաքին պետք է միացնել ա) Գորվա գավառի, այսպես ասած մեծ իշխանի արոտատեղիները, բ) դեպի Ախալքալաք նայող անտառները և գ) Բորչալուի Ախալքալաքին հարող և ախալքալաքցիների ձեռքում գտնվող արոտատեղիները: Այդ պահանջում է և աշխարհագրական դիրքը և այն, որ այդ հողերը փաստորեն ախալքալաքցիների ձեռքին են և պետք են: Ճիշտ է, այսօր բնակչությունն անասուն քիչ ունի, բայց մի երկու տարուց հետո կունենա:
7. Եթե Ախալքալաքը Հայաստանին չմիացվի, նա Ծալկայի հայության հետ միասին, պետք է ստանա Աջարիայի նման տերիտորիալ ավտոնոմիա Հայաստանի հովանավորության տակ: Սա ծայրահեղ դեպքում:
8. Եթե մնա Վրաստանի սահմաններում, անպայման պետք է (ունենա-Ա. Մ.) ավտոնոմիա և համաձայնություն Վրաստանի հետ, որ երկուսը՝ Հայաստանը, Վրաստանը (և թերևս, Ռուսաստանը՝ դուխոբորների համար) միասին ապահովեն բնակչության ինչպես գոյությունը, այնպես էլ գույքը: Բայց բնակչությունը չի հաշտվի Վրաստանի սահմաններում մնալու հետ:
9. Ախալքալաքը հովանավորությամբ այդ երեքի կարող է ստանալ ավտոնոմիա: Գլխավորն այն է, որ մի կողմից արտաքին թշնամին՝ տաճիկն ընդմիշտ չեզոքացվի ախալքալաքցու բախտի մեջ և մյուս կողմից, ներքին վրացական շովինիզմի զագրելի ճնշումը և պրովոկացիան չլինեն:
10. Պետք է մինչև տնտեսության վերականգնումը բնակչությանն իրավունք տալ իր հողերի խոտը հնձել և տերը լինել: Այժմ, որքան գիտեն, խոտի մի մասն ուզում են խլել, խոտհարներն էլ հաճախ թուշերն են արածացնում: Խոտն ախալքալաքցու տնտեսական գոյության ներկայումս գլխավոր նեցուկն է: Նա նրանով անասուններ է ձեռք բերում (փոխում է թուրքերի հետ), բերում է ձմեռը Ախալցխայից թուրքերի անասունները և պահում է աթար վերցնելով, հորթով և այլն: Կարճ (ասած-Ա. Մ.), խոտը նշանակում է անասուն, աթար, հացահատիկ և այլն: Այս տարիներին (ախալքալաքցիները-Ա. Մ.) խոտով են գլխավորապես անասունները շատացրել:

11. Հայաստանը մեծ գործ արած կլինի, եթե ինքը համոզի ամերիկացոց (այդ հարցը հարուցված է), որ էլի Ախալքալաքում գործեն:
12. Ամենից առաջ և ամենից վերջ ախալքալաքցիներին տվեք կյանքի ապահովություն, և գյուղացիներն անապատն էլի կդարձնեն սքանչելի:
13. Եթե ռեֆերենդումով կարիք եղավ լուծելու Ախալքալաքի հարցը (թեև դրա կարիքը չկա: Հայության տոկոսը բղավում է հարցի ինչ կերպ լուծվելու մասին), այդ դեպքում Հայաստանն իր ներկայացուցիչներով պետք է հետևի տեղնուտեղը, որ բնակչության խիղճը չահաբեկվի: Հատկապես հայ կաթոլիկներն ահաբեկված են և ռեֆերենդումից առաջ նրանց Հայաստանի կողմից պետք է ասվի, որ չվախենան. գավառը վիճելի է, և այս միջամտությունն անկողեկտություն չի լինի Հայաստանի կողմից:
14. Մոռանում են կապել Ծալկայի հայության հարցն Ախալքալաքի հարցի հետ: Ծալկան աշխարհագրորեն կապված է Ախալքալաքի հետ, ունի մի տարածության վրա գտնվող 13 հայկական գյուղեր՝ մոտ 20 հազար բնակչությամբ: Բնական է, որ Ծալկան ևս պետք է միանա Հայաստանին՝ Ախալքալաքի հետ միասին:
15. Վերջապես, Ախալքալաքի բնակչությունը ոչ այս կամ այն Վրաստանի հպատակությունն է ուզում, ոչ էլ ավտոնոմիա Վրաստանի հովանավորության տակ. նա վճռապես Ծալկայի հետ, 70-80 հազար հայ բնակչություն ունենալով, ուզում է միանալ Հայաստանին: Մոտ երեք միլիոն բնակչություն ունեցող Վրաստանը պետք է Հայաստանին տա իր հարազատ բնակչությանը, Հայաստանին, որ հազիվ 6-7 հարյուր հազար բնակչություն ունի: Բայց գլխավորը տաճկական վտանգի արմատական վերացումն է, որ պահանջում է բնակչությունը:

17 հուլիսի 1921թ., Պողոս Աբելյան
Երևան

ՀՀ ՆՊԿՊԱ, ֆ. 114, ց. 2, գ. 3, ք. 122-134:

Ծանոթագրություններ (փաստաթուղթ թիվ 6)

1. *Ձեկուցագրի տեքստը մեքենագիր է՝ հեղինակի ուղղումներով: «Ախալքալաք» բառը Պ. Աբեյանն ամբողջ փաստաթղթում գործածել է «Ախլքալակ» ձևով: Սակայն, քանի որ ծիշտ անվանումը «Ախալքալաքն» է, և հեղինակն էլ հենց վերնագրում ձեռագրով այն ուղղել է, ամբողջ փաստաթղթում բառը տառադարձել ենք «Ախալքալաք» տարբերակով: Ինչպես երևում է Աբեյանի խոսքից, փաստաթուղթը գրվել է հիվանդ վիճակում, որով էլ մասամբ կարելի է բացատրել տեքստում տեղ գտած լեզվաոճական անհարթությունները: Բնագրի ոգուն հարազատ մնալու նպատակով, աշխատել ենք խուսափել տեքստային խմբագրումներից, և նյութը զետեղել ենք գրեթե առանց կրճատումների: Առանձին տեղերում կատարվել են միայն քերականական միջամտություններ:*
2. *Խոսքը էրգրումի հոգևոր առաջնորդ, 1830թ. գաղթի կազմակերպիչ Կարապետ արքեպիսկոպոս Բագրատունու (1779-1856) մասին է:*
3. *Արևմտահայ գաղթականությունն Ախալքալաքի և Ախալցխայի գավառներում հաստատվել է ոչ թե 1829թ., ինչպես նշվում է փաստաթղթում, այլ՝ 1830թ.:*
4. *«Գաղթական հայեր» ասելով հեղինակը նկատի ունի գաղթականության մեծ մասին, որոնք հայ առաքելականներ էին:*
5. *Ռուս աղանդավորականների՝ դուխոբորների աքսորը Ջավախք տեղի է ունեցել ոչ թե 1850-ական, այլ 1840-ական թվականներին:*
6. *Այդ զնդապետն Առաքելովն էր՝ մի ապաշնորհ անձնավորություն, որը ոչ մի լուրջ քայլ չկատարեց գավառում ինքնապաշտպանություն կազմակերպելու համար:*
7. *Պոգրոմային (погром)- ջարդարարական:*
8. *Ձորի Ձորյանն Ախալցխայի քաղաքագլուխն էր՝ այնտեղի վեցամսյա հերոսական ինքնապաշտպանության (1917թ. դեկտեմբեր- 1918թ. մայիս) ղեկավարը:*
9. *Ախալքալաքի գավառի հյուսիսում ընկած այս բնակավայրի ծիշտ անվանումը Բակուրիանն է:*
10. *Դուխոբորների տոկոսային հարաբերակցությունը սխալ է հաշված. Պետք է լինի ոչ թե 11%, այլ 10,5%:*
11. *Իրենց դուրս գալուց հետո Ախալքալաքի գավառը գրավելու իրավունքը մաս Դայաստանի կառավարությանն արտոնելու մասին լուրը Պ. Աբեյանը, ամենայն հավանականությամբ, անձամբ ստացել էր Վրաստանում թուրքական առաքելության ղեկավար Աբդուլ Քերիմից:*
12. *«Բերք» բառը, անշուշտ պետք է կարդալ «հող»:*
13. *Կարդոմներ- արգելափակոցներ:*
14. *Թի-ծյուն մաքրելու բառ:*

15. Ի նկատի ունի Վրաստանի Դեմոկրատական Հանրապետության (1918-1921) մենշևիկյան կառավարությանը:
16. Խոսքը հայ ժողովրդական կուսակցության ղեկավար Սամսոն Հարությունյանի մասին է:

Փաստաթուղթ թիվ 7

Պ ա տ ճ Ե Ն

Տփլիսի հայկական միսսիային

Զեկուցում Ախալքալաքի գավառից

1921թ. 24 հուլիսի

Տփլիսի

Ախալքալաքում տեղի են ունենում լուրջ անցքեր: Վրացական կառավարությունը վարում է ամենածայրահեղ շովինիստական քաղաքականություն: Այժմյան տեղի ունեցած դեպքերը մոռացության են տալիս մենշևիկների քաղաքականությունը: Կենտրոնը ուղարկում է գավառ ամենակասկածելի անցյալ ունեցող պաշտոնյաների, որոնց թագն ու պսակը հայտնի Լժենի անձնական քարտուղար և թարգման Ս. Նատիրաձեն, որը և մենշևիկների ժամանակ Ասոբիյ ատրյադում¹ կարևոր պաշտոն ուներ և այս հայտնի հերոսը առանձին լիազորություններով կենտրոնից ուղարկվում է Ախալքալաք՝ նաչալնիկ միլիցիի, որին ժողովրդի արդար բողոքի հիման վրա տեղական ռևկոմը հեռացրեց: Սակայն կենտրոնը ավելի լայն իրավունքներով և առանձին թիկնապահներով նորից (ներան- Ա.Մ.) վերադարձրեց: Ժողովուրդը նորից հուզվեց, բողոքեց, դրան պատասխան եղավ կենտրոնից ուղարկված մի ինչ որ արտակարգ Կոմիսսիայի (Ժամանումը-Ա.Մ.), որը առանց մի որևէ քննության, զանազան մութ անձնավորությունների գանգատների հիման վրա, (Նադիրաձեն էր կազմակերպել), ձերբակալեց գավառին հայտնի հասարակական գործիչ,

հայ կոմունիստ և Ռեկոմի անդամ Մնոյանցին և ուղարկեց Տփլիս Չրեզվիչայկային²։ Բողոք, գանգատ լսող չկա։ Ընդհակառակը հազարավոր բողոքող գյուղացիներից հինգ-տասը մարդկերանց էլ ուղարկեցին Տփլիս՝ Չրեզվիչայկային։ Նախքան այս բանը, դրանից մի ամիս առաջ ամենադատարկ պատճառով կենտրոնը հեռացրեց Ռեկոմի նախագահ, հայ կոմունիստ, կարմիր բանակային Առուստամովին։ Ժողովուրդը, կազմակերպությունները, հիմնարկությունները բողոքեցին, խնդրեցին, հեռագրեցին ոչ մի պատասխան, և ընկ. Առուստամովը ստիպված հեռացավ Ախալքալաքից՝ ժողովրդական ամենաանկեղծ ցույցերի տարափի տակ։

Չէր անցել այս բողոքից դարձյալ մի ամիս, մի երկրորդ արտակարգ հանձնաժողով է գալիս Ախալքալաք և այս անգամ էլ ազգայնամոլ ուղղության համար ձերբակալում և Տփլիս եւ ուղարկում մի ուրիշ ազդեցիկ հայ կոմունիստ Կարապետ Ղազանճյանին, որը Լոռվա կռիվներում կարմիր բանակի մեջ ռոտայի (վաշտ- Ա.Մ.) հրամանատարն էր, որը մասնակցել է շատ կռիվների, ի միջի այլոց, մեծ գործունեություն է ցույց տվել Շահալու կամուրջը վերցնելիս, զանազան կետերում վերցրել է մոտ հազար գերի և այլն։ Կռիվները վերջանալուց հետո, դուրս գալով գնում է հայրենիք՝ Ախալքալաք և ուրիշ ընկերների հետ կազմակերպում է կառավարչական մարմիններ ու ինքն էլ նշանակվում է Ռեկոմի անդամ, իսկ այժմ, առանց լուրջ պատճառի նստած է Չրեզվիչայկայում։ Սա դեռ գավառիս մաքրագործումը հայ ազդեցիկ կոմունիստներից։ Իսկ ինչ վերաբերում է գավառին (ապա այնտեղ-Ա.Մ.) համատարած կամայականությունն է թագավորում։ Հայ ժողովուրդը որոշ պաշտոնների համար համարյա օրենքից դուրս է։ Առանձին խնամքով շոյվում են ամեն տեղական թուրքերը, մասամբ դուխոբորները, որոնք չեն տուժել և որոնք շատ բարեկեցիկ կյանք են վարում, նամանավանդ կենտրոնից եկած կոմունիստները նրանց օգնությունների, արտակարգ կոմիսարների առանձին ուշադրության առարկա են նոքա։ Հայտնի ավազակաբարո թուրք գյուղը³, որը հենց այս տարի քեմալականների հետ կազմակերպեց իրենց հարևան հայ գյուղերի՝ Կարծախի, Սուլտայի, Վաչեանի և Գյումբուրդայի կողոպուտը և կոտորածը։ Բայց կենտրոնի բարձրաստիճան պաշտոնյաների Երուսաղեմն է դառել այդ գյուղը։ Երբ ժամանում են Ախալքալաք, առանց գործի նայելու, իսկույն առանձին շուքով գնում են Սալավատի այդ, մինչև այժմ աննշան, սարերի մեջ կորած գյուղը։ Իսկ թշվառ, թալանված հայ

գյուղերը և հայ գյուղացիք, որոնք իսկապես, որ կարոտ են այցելության, չեն արժանանում այդ շնորհին: Շատ բաներ են խոսում այդ այցելությունների մասին, բայց ավելորդ և անտեղի է այստեղ հիշելը. գավառիս հայ բնակչությունը (միայն հայ), բլոկադայի ենթարկված վրաց իշխանության կողմից, ոչ մի հայ գյուղացի իրավունք չունի գավառիս սահմանից դուրս գալու, որովհետև սահմանի վրա նստած պաշտոնյաները, ձեռքերը բռնած փախստականների վերաբերյալ դեկրետը,⁴ չեն թույլ տալիս (միայն հայերին) (տեղաշարժվելու -Ա.Ս), որովհետև բոլոր հայերին համարում են փախստական. ասենք մեղավոր չեն, որովհետև Նոյ ժորդանիան էլ իր փախուստի նախօրյակին, պառլամենտի հանդիսավոր նիստում իր ճառի մեջ ամբողջ հայ ժողովրդին որակեց այդ բառով: Այստեղ ոչ մի բացատրություն չի օգնում. իհարկե, բացի կաշառքից: Այստեղ կարիք չկա գրելու թուշերի մասին. դա մենշևիկներից մնացած ժառանգությունն է, որը մի խոշորագույն ցավ է գավառիս համար: Կենտրոնը ամեն ջանք գործ է դնում, որպեսզի ի հաշիվ թշվառ, թալանված, աղքատ հայ գյուղացիների, ավելի ևս հարստաման թուշ կրեստսները, որոնցից ամեն մեկը մի քանի միլիարդների տեր են...Բացարձակ քաոս: Փոխանակ ի հաշիվ հարստի աղքատը բարելավվի, աղքատի վերջին կտոր հողն էլ խլում են՝ հարստին բարելավելու համար...Մի խոսքով, հազար ու մի փաստեր կան, բայց գրելը արդյոք ճիշտ կլինի⁵: Միայն այս կարող եմ ասել, որ ժողովուրդը դժգոհ, աչքերը (ուղղել է -Ա.Ս.) այս ու այն կողմ, որ իրեն պաշտպանեն, չթողնեն ճնշելու, հալածելու, թալանելու, բայց այդպիսի անձնավորություններին էլ չեզոքացնում են, ստեղծում են կլյաուզներ և խեղդում ամեն բողոքի ծայն: Իհարկե, այս բոլորը Ձեզ լավ հայտնի է, որովհետև շատ է բողոքվել: Եվ որպեսզի վերացվի Ջավախեթի-այի բլոկադան, որպեսզի չեզոքացվի թուշերի էկզեկուցիան, կանգ առնի արտակարգ կոմիսարների այցը, որպեսզի վերջ տրվի ամենայն տեսակ տղայական կամայականության և սրբագործված ալան- թալանին, միայն մի միջոց կա, որը և ամբողջ գավառի բնակչության 75% կազմող հայ ազգաբնակչության տենչն ու փափագն է. այն է՝ միացնել Ախալքալաքի գավառը իրեն հարազատ Սովետական Հանրապետության հետ:

Վ. Ի. ՊՈՅԱՆՅԱՆ

Հ.Գ.⁵ Հանուն ժողովրդի շահերի խնդրում ենք միջոցներ ձեռք առնել ազատելու կոմունիստ ընկ. ընկ. Մնոյանին և Ղազանճյանին

Իսկականի հետ ճիշտ է
Գործավար /ստորագրություն/

ՀՀ ՆԿԿՊԱ, ֆ. 114, ց.2, գ. 24, ք.75-76:

Ծանոթագրություններ (փաստաթուղթ թիվ 7)

1. *Օւոծեսի օտրյա- Հատուկ ջոկատ, որը զբաղված էր բնակչության նկատմամբ պատժիչ գործողությունների իրականացումով:*
2. *Չրեզվիչայկա (Չեկա)- Արտակարգ հանձնաժողով: Չեկայի մարմիններն ստեղծված էին ոչ այնքան ներքին կարգ ու կանոնի պահպանման, որքան այլախոհական, ոչ բոլշևիկյան քաղաքական ուժերի հետ հաշվեհարդար տեսնելու համար:*
3. *Խոսքը հավանաբար թուրքաբնակ հոկամ գյուղի մասին է:*
4. *Այս փաստաթղթից երևում է, որ հատուկ դեկրետով հայերին Վրաստանում տրվել էր փախստականի կարգավիճակ և արգելվել էր հեռանալ գավառից:*
5. *Ղ. Գ.- հետգրություն:*

Անձնանուններ

Աբաս 13
 Աբդուլ Քերիմ 31, 77, 83, 90
 Աբդուհիթ զորավար 9
 Աբելյան Պողոս 17, 26, 30, 31, 32, 34
 35, 40, 45, 51, 65, 89, 90
 Աբրահամ Կրետացի 15, 21
 Ադոնց Նիկողայոս 19
 Ալեքյանց Լևոն 62
 Ալթունյան Սամիկոն 62
 Ալիբեկի որդի Ռոստոմ 13
 Ալիշան Ղևոնդ 19
 Ալփ-Արսլան 10
 Ակոսյանց Վաղարշակ 62
 Ահարոնյան Ավետիս 28, 31
 Ամիրխանի որդի 13
 Ամանիայի որդի 14
 Ամտոն 14
 Ապաքյանց Թադեոս 62
 Առաքել 13
 Առաքելյան/Առաքելով/ գնդապետ 26
 71, 72, 73, 90
 Առուստամով 41, 92
 Ասվա/ծա/տուր 13, 14
 Ավագ 13
 Ավագ Հանեսի 13
 Ավալով Ջուրաբ 24
 Ավդեն 79
 Ավետիսյան Հ. 47
 Արգիշտի I 6
 Արզուման 13
 Արշակ Բ 8
 Արշակունիներ 8, 9
 Արջևանիձե 27, 29, 72, 73
 Արտակ Կասպարենց 62
 Արտաշես 13
 Արտաշես I 7, 8
 Արտաշեսյաններ 8

 Բաբայան Տիգրան 4
 Բագրատ Գ 10
 Բագրատ Ղ 10
 Բագրատունիներ 9-12, 21
 Բադալյան Հովհ. 46
 Բայանդուր 13, 14
 Բայրամ ծովա 38
 Բարբիկյան Հրաչ 20
 Բեկզադյան Ալ. 39, 49

Բերիկ Սուրադի 14
 Բերիկ Փիրագիզի 14

 Գալոյան Գ. Ա. 50
 Գեորգի Գ 11
 Գրիգոր 13
 Գրիգոր Սուքիասի 14
 Գուդովիչ 15
 Գուշար 7

 Դավիթ 13
 Դավիթ Շինարար 10
 Դավիթխանյան Ղ. 34
 Դավիթանիձե Լ. 20
 Դարբինյան Ռուբեն 17
 Դեմիրճյան Դերենիկ 26, 68
 Դեմիրճյան Լյուդվիգ 26
 Դիադրեկ Սահակի 14
 Դուլիկ Ասվա/ծա/տուրի 13
 Դրո 33

 Եղիգար 14
 Ելդկուզ /տուրքան, աթաբեկ/ 11
 Եղիազար 13
 Երեմյան Ս. 5, 18, 19
 Երվանդունիներ 7

 Ջադիկ 13
 Ջաքար 13
 Ջաքարյան Ջաքարե 11
 Ջաքարյան Իվանե 11
 Ջաքարյաններ 11, 12
 Ջոհրաբյան Է. Ա. 47, 48
 Ջորյան Ջորի 25, 69, 86, 90

 Էվանգուլյան Լ. 46, 83
 Էփրիկյան Ս. 20, 22

 Թամար թագուհի 11
 Թեմուրյաններ 12
 Թոռնիկ Ծառուկի 14
 Թորեցիներ 11, 12
 Թորոսյան Արշակ 31, 81

 Ժորդանիա Նոյ 28, 33

 Ինժիճյան Դուկաս 15, 21

Լալայան Երվանդ 20
Լենկ-Թեմուր 12
Լեո 46, 47, 59
Լեոնտի Մրովելի 6, 8

Խաչատուր 13
Խաչատուր Ալեքսանի 14
Խաչատրյան Ա. 36
Խաչիկ Համբարձումի 14
Խաչիկ Յարալի 14
Խանոյան Ջարմայր 26
Խատիսյան Ալ. 25, 28, 29
Խատիսյան Գ. 29
Խարաբայի որդի Ղավիթ 13
Խոսիկ-Հուսիկ 13, 14

Օառուկի որդի 14
Օերեթելի Ի. 29

Կանդելակի 81
Կարագեոզյան Հ. 18
Կարախան Լ. 47
Կարապետ 14
Կարապետ արք. Բագրատունի 16,
17, 22, 66, 90
Կարապետյան Լևոն 62
Կարապետյան Սամվել 4, 20
Կարապետյան Ցղակ 62
Կարճիկյան Խ. 29
Կիրակոս 13
Կիրակոս Ասվա/ծա/տուրի 13
Կիրով Ա. 39
Կյուրիոն Սկուտրիեցի 21
Կոժուխով /Կոժուղով/ 30, 31, 83, 84
Կուջոյան Գրիգոր 62
Կոտլյարևսկի 15

Հակոբ 13, 14
Հակոբ Կարնեցի 21
Հանես Իշխանի 13
Հանես Սարգսի 13
Հավաթեղ Կարապետի 13
Հարությունյան Կ.Ա. 47
Հարությունյան Սամսոն 31, 83, 91
Հերակլ II 15
Հովհան Մամիկոնյան 9, 19
Հովհաննես Ամիրազիզի 14
Հովհաննես Բայանդուրի 14

Հովհաննես Ղրասխանակերտցի 9,
19
Հուսեին Ղուլի խան 15

Ղազար 13
Ղազանջ/ճ/յան Կարապետ 42, 92, 94
Ղարսյան Ավետիս 84
Ղորղանյան Գ. 29
Ղուլիջանի որդի Նորսես /Ներսես/ 14
Ղումանտար փաշա 38

Մալխասյան Հովհ. 30
Մալխասյան Ստ. 19
Մակաև /Մաղաշվիլի/ 32, 34, 35, 82,
84
Մաղաքյան Բ. 46
Մաղաքյան Թ. 46
Մամիկոնյան Ստ. 36, 68, 69
Մանաս 13
Մանվել Սարգսի 13
Մանուկ 13
Մամուկ Ասվա/ծա/տուրի 13
Մասուր /Մանսուր/ 13
Մատթեոս Ուռհայեցի 10, 20
Մարգար 14
Մարգարյան Հ. Գ. 20
Մարգարյան Սկրտիչ 25
Մարտիրոս Ավանեսի 14
Մդիվանի Բ. 48
Մդիվանի Ա. 32, 36
Մելեյան Մեսրոպ քահանա 31
Մելիքյան Վ. 45
Մելքոնյան Ա. Ա. 21, 22, 46, 48, 49,
51
Միկիրտիչ Վելիջանի 14
Միտիչի /Մկրտչի/ թոռ 13
Միտիչի /Մկրտչի/ որդի 14
Միրիան /Միրան/ վրաց բագավոր
19
Մկրտիչ 13, 14
Մյասնիկյան Ալ. 43, 49
Մնոյան /Մնոյանց/ Խորեն 26, 41, 92,
94
Մոսե 13
Մովսես Խորենացի 7, 8, 19
Մովսիսյան Մեսրոպ 62
Մռավյան Ա. 40, 49, 51, 65
Մուշեղ սպարապետ 8
Մուրադ 13, 14

Մուրադ Կարապետի 14
Մուրադ Ջիհանջեի 13
Մուրադյան Յ. Ղ. 105
Մուրադյան Պ. 20
Սցխերոս 6

Յաղուբ խան 12
Յաղուբյան Կարապետ 17
Յարազիզ Տեր-Յակոբի 14
Յարալ 13
Յարալ Կիրակոսի 13

Նադար Շահնազարի 14
Նադիր խան 14
Նադիրաձե Ս. Նատիրաձե/ 41, 91
Նուգարեթյան Վ. 46
Նազարի որդի 13
Նիկոլայ I 66
Նինո Նունե/ 8

Շալվա Թորելի /Թորեցի/ 11
Շահաբա Սկրտիչի 13
Շահագիզ 14
Շահխաբունյան Ավ. 25
Շահկուլի որդի Աբրահամ 13
Շահնուրադ 13
Շահպարտունյան Կարապետ 30
Շանթ 47
Շարա 7
Շարդինե 33
Շերմազան 13
Շիրինյան Սերգեյ 4

Պալավանդովներ 72
Պապ թագավոր 8
Պապոյան Գր. 30
Պապու Սարգսրի 14
Պապու Շիրինի 14
Պասկեի 15
Պաուլուչի 15
Պոյաճյան Վ. Ի. 93

Ջալալեդդին 11
Ջաղեցիներ 12
Ջամալ աղա 38
Ջամալյան Ա. 31, 33, 83
Ջանիբեկ Սարգսի 13
Ջավախիշվիլի Իվ. 43
Ջավախոս 6, 7

Ջիհանջե Կիրակոսի 14
Ջոզիկ Ջիհանջեի 13

Ռամիշվիլի Ն. 28, 36
Ռայկորոժ 33
Ռեզնիկով 27, 73
Ռոմանովներ 68
Ռոսեր /Ռովսեվ/ 13
Ռոսեի /Ռոսեվ/ 13
Ռոստոմ 13, 14
Ռուբեն 13

Սահակ 13, 14
Սահակ Գրիգորի 13
Սամսոն 13
Սանոյան Ա. 45, 46
Սարգիս 13, 14
Սարգիս Երկայնաբազուկ Թմգովելի
/Թմգովեցի/ 11
Սարգիս Սոաքելի 14
Սարգիս Ջաղեցի 12
Սարգիս Սելիքի 14
Սարգիս Սուխթարի 14
Սելևկյաններ 7
Սիմոն 13
Սմբատ I Բագրատունի 9
Սողոմոն թագավոր 15
Սպենդիարյան Յովհ. 46, 83
Ստալին Ի. 40, 44, 48
Ստեփանոս Տարոնեցի /Ասուրիկ/ 19
Ստրաբոն 7, 19

Վախուշտ Բագրատիոն 14, 22
Վահրամ 13
Վաղարշակ Ա 7
Վարդան 14
Վարդան պատմիչ 10, 20
Վարդգես Պոլոյենց Ափոյենց 62
Վարձավունի 9, 19
Վարձել 14
Վեհիբ փաշա 26
Վրացյան Ս. 46, 47

Տեր-Բեկ 13, 14
Տեր-Գրիգորյան Արամ 81
Տեր-Գրիգորյան Արարատ 31, 81
Տեր-Գրիգորյան Ջալալ 17, 30
Տեր-Յակոբ 13, 14
Տեր-Յակոբ Ջոմերդի 14

Տեր-Սինասյան Ռ. 17, 21, 35, 36, 47, 49
Տեր-Ստեփանյան 46, 83
Տերյան Վահան 17, 66
Տերտերյան Հ. 47
Տրդատ Անժ 19
Տուրիլ 10

Փափոս Բուզանդ 19

Քաջազնունի Հովհ. 17, 28, 33
Քարրոս 6
Քերոբ 13

Օհանջանյան Բ. 30
Օհանջանյան Համո 17, 37
Օրբելյան Լիպարիտ 10
Օրբելյան Ստ. 18, 20

Ֆոն Կրես 30

Абелян Порог 56

Бирцян Арсен 56

Кирзов С. 63

Махарадзе Ф. 63, 64
Мдивани Б. 64
Микаелян В. 46
Мравян А. 63
Мясников 63

Назаретян 63
Нариманов 63

Оганджалян В. 56
Орахсашвили М. 63, 64
Орджоникидзе 63

Отанин 63
Сванидзе Г. 63

Тер-Гукасян Хач. 56

Фигатнер 63

Хармандарян С. В. 48

Шахатуниан А. 45

Տեղանուններ

- Աբխազիա 35
 Աբուլ գյուղ 13, 15, 27
 Աբուլ լեռ 18
 Ադիգեն 14, 19, 44
 Ադրբեջան 29, 39, 40, 41, 60
 Ադրիանապոլիս 15, 16
 Ազմանա 36
 Ալախ, Ախալ 10, 11, 20
 Ալաշկերտ 87
 Ալաստան 13, 38
 Ալեքսանդրապոլ 25, 29, 32, 33, 41, 49, 66, 68
 Ալբայի երկրամաս 44
 Ախալքալաք /Ախալքալաքի գավառ/ 4, 9-20, 22, 24-51, 56-59, 65-93
 Ախալքալաքի բերդ 10, 13, 15
 Ախալքալաքի սարավանդ 5
 Ախալցխա /Ախալցխայի գավառ/ 4, 6, 11, 12, 14, 15, 16, 19, 21, 22, 25, 26, 28, 30, 35, 38, 44, 45, 47, 48, 66, 68, 69, 72, 75, 82, 86, 88, 90
 Ախալցխայի փաշայություն 65
 Աղվանք 9
 Ամասիա 12
 Այրարատ 5
 Անատոլիա 86
 Անգլիա 41
 Անգորա 86
 Անդրկովկաս 15, 16, 17, 24, 25, 39, 41, 60, 68, 87
 Անի 11
 Անտանտի երկրներ 33, 37
 Աշոցքի սարահարթ 5
 Աջարիա 35, 44, 86, 88
 Ասպինձա /Ասպնջակ/ 19, 43, 44
 Ավստրիա 74
 Արաբիա 9
 Արագյալ Սեծ 27
 Արագովա 13, 15, 16
 Արդահան /Արտահան/ 5, 15, 18, 19, 26, 37, 38, 68, 69, 72, 73, 86
 Արշակունյաց Հայաստան 9
 Արցախ 9
 Արևելյան Վրաստան 21
 Արևմտյան Հայաստան 16, 28, 41, 46
 Ափնիա 13
 Աքորի 36
 Բաքում 28, 47
 Բակուրիան /Բաքուրիան/ 27, 29, 31, 32, 46, 50, 56, 57, 58, 70, 72, 75-81, 84, 90
 Բասեն /Պարույնք/ 6, 9, 15
 Բավրա 13
 Բարալեթ 13, 14, 15, 16, 22
 Բաքու 82
 Բաքուրիանի լեռներ 80
 Բեժանո 13, 27
 Բյուզանդական կայսրություն 10
 Բոգդանովկա /Նինոծմինդա/ 18, 43, 44
 Բուլնիս 18
 Բողոնփոր 5, 18
 Բորժոմ 27, 29, 31, 38, 43, 68, 72, 73, 75
 Բորժոմի լեռներ 75
 Բորչալու 24, 25, 28, 29, 43, 58, 69, 78, 80, 88
 Բուխարեստ 15
 Բուռնաշեթ 13
 Գանձա 66
 Գանձակ 11
 Գերմանիա 28, 29, 30
 Գյոք Ղաղ լեռ /Գեոգ Ղաղ արտատետեղի/ 26, 68
 Գյուրջիստանի վիլայեթ 12
 Գոգաշեն գյուղ 19, 44
 Գոգշեն 10
 Գոնդուրա 15
 Կորենովկա 16
 Գորի 31
 Կորվա գավառ 67, 88
 Գուգարաց գավառ 5
 Գուգարաց նահանգ 8
 Գուգարք /Գոգարենե/ 59
 Գուգարքի թագավորություն 9
 Գուլբերդի /Գյումբյուրդա, Գյումբուլդա/ 13, 26, 27, 38, 45, 61, 74, 85, 92

Ղաղեշ /Ղատեշ, Տատեշ/ 35, 38, 39,
61, 62, 68, 85
Ղամալա 43
Ղայա /Տայք/ 6
Ղաշտային Ղարաբաղ 47
Ղարույնք /Բասեն/ 6
Ղերջան 15
Ղիառլիսի 6
Ղիլիսկա /Տիլիսկա/ 15, 16, 66
Ղսեղ 33
Ղուլին/Ղվին/ 11

Ելիզավետպոլ 24, 45
Երկիրն Հայոց 9
Երկիրն Վրաց 9
Երվանդունյաց Հայաստան 7
Երուսաղեմ 92
Երևան 15, 32, 41, 49, 73, 83, 89
Երևանի նահանգ 24
Եֆրեմովկա 33

Զաբախա /Զաբախյան
երկիր/ 6
Զակ 13
Զանգեզուր 24, 45
Զաքարյալա 37
Զրես /Զրեսկ/ 13, 21

Էթիունի 6
Էրզրում 12, 15, 22, 66, 90
Էրինջա 13, 26

Թախչա 27
Թափարվան գետ 10, 18,
Թիֆլիս /Տփլիսի/ 26, 28, 30, 33-36,
39-42, 45, 48, 59, 62, 68, 74, 76-79,
83, 84, 91, 92
Թիֆլիսի նահանգ 16, 24, 25, 32, 57
Թմկա բերդ /Թմոզովի,
Թմուկ բերդ/ 11, 12, 13, 20
Թորիա /Թորես/ 11, 13
Թոք 26
Թոեղք 5, 11, 18
Թոեղքի /Թրիալեթի/ լեռներ 5, 15
Թումանյանի շրջան 18
Թուրքիա 15, 16, 18, 27, 28, 29, 30,
34, 48

Իբերիա / Վիրք, Վրաստան/ 5, 7

Իմերեթիա 12, 15, 35, 44, 47

Լալվար 36
Լեոնային Ղարաբաղ 39, 40, 43
Լոմատուրցյա 13
Լոռի 10, 11, 21, 24, 25, 29, 32, 33,
35-40, 42, 47, 69, 92
Լոռվա Կյուրիկյան/
թագավորություն 9
Լոռու դաշտ 35
Լոռու Չեզոք գոտի 34, 36, 38, 40

Խանդո 13
Խանչալի լիճ 18
Խանչալի Մեծ /գյուղ/ 84
Խանցիխե 5
Խալեթ 26
Խերքվիս /Խըրքըզ/ 15, 16
Խիզաբավարա 72
Խնուս 15
Խոզաբուն /խոզափին/ 13
Խոզափին լիճ 18
Խոսպիա 14
Խոսպիա Ներքին 13
Խոսպիա Վերին 13
Խորասան 15
Խորենիա Մեծ 13, 27, 46, 74
Խորիրդային Աղբեջան 43
Խորիրդային Հայաստան 18, 39, 40,
42, 50
Խորիրդային Ռուսաստան 47
Խորիրդային Վրաստան 42
ԽՍՀՄ 44, 50
Խուլզումո 13

Ծալա /Խրամ/ 4, 18, 27, 31, 32, 36,
39, 40, 45, 47, 50, 56, 57, 58, 68, 70,
73, 75-81, 88, 89
Ծալկայի լեռներ 80
Ծոբոփոր 5, 18
Ծունդա 7, 10, 11, 13, 19, 20

Կալինինոյի շրջան 18
Կախեթ 15
Կանգարք 5
Կարայազ 76
Կարզախ Կարծախ/ 16, 26, 35, 38,
39, 61, 62, 68, 85, 92
Կարծախ Մեծ 14

Կարծախ Փոքր 14
 Կարսի մարզ 26
 Կարսի շրջան 86
 Կեչուտ լեռ 5
 Կղարջք 5, 18
 Կյուրիկյան թագավորություն 9
 Կոթելիա 13, 44
 Կոկիա 13, 14, 15, 26, 72
 Կողբ 36
 Կողբոփոր 5, 18
 Կովկաս 31, 67, 74, 79
 Կորիս 13
 Կ.Պոլիս/Պոլիս/ 31, 84
 Կուր գետ 9, 18, 26, 36
 Կուրի դաշտավայր 6
 Կուրի ծոր 11, 19, 38

 Հայասա 6,
 Հայաստան 5, 8-12, 18, 19, 20, 25,
 28-40, 42, 43, 46-50, 58-61, 85, 87-
 90
 Հայաստանի Հանրապետություն 31,
 39, 41, 45, 59, 60, 61
 Հայկական լեռնաշխարհ 5, 6
 Հայկական ԽՍՀ/ՀԽՍՀ/ 40, 44, 51,
 65
 Հայոց երկիր 7, 9
 Հարք 9
 Հեշտիա 13, 16, 36
 Հյուսիսային Կովկաս 31, 44, 58, 76,
 83
 Հյուսիսային Հայաստան 9, 11, 14
 Հոկան 13, 15, 26, 36, 38, 44, 94
 Հոռոմ 74

 Չորագետի թագավորություն 9
 Չորոփոր 5, 18

 Ղայի Ղուլու 15
 Ղարաբաղ 24, 28, 45
 Ղարս 79
 Ղաուրմա 13
 Ղրին 66

 Մաղաբափա լիճ 18, 32
 Մամգարա Փոքր 13
 Մանգլեացփոր 5, 18
 Մանգլիս 18, 32, 68, 80
 Մաջադիա 15

Մաջադիա Մեծ 13
 Մառնեուլ 18
 Մեծ Հայք 5, 7, 8
 Մեսխեթ 8, 19
 Մթին լեռ 5
 Միջին Ասիա 44
 Մուխտ 38, 43
 Մուսկա 41, 45, 47, 50
 Մրագովալ/Մրակովալ/ 39, 61, 62
 Մուրջախեթ Փոքր 13
 Մցխեթ 8

 Նարմանու նահանգ 15
 Նաքալաքե 13, 19
 Նինոծմինդա 16, 19
 Նոյեմբերյանի շրջան 18
 Նոր Բայազետ 79
 Նոր Զաղաք 10, 20

 Շահալու կամուրջ 92
 Շավշեթ 5, 18
 Շիրակ 7, 11, 49, 88

 Չամդուրա 13
 Չլըրը/Չլտր/ 12, 14, 15, 26, 69, 86
 Չխարուա 43
 Չունչխա 44

 Պարսկաստան 12, 15
 Պարուար 5
 Պետրոգրադ 24

 Ջաբախա, /Ջավախա/ 6
 Ջալալօղլի 33, 36
 Ջավախեթ /Ջավախեթիա/ 6, 8, 11,
 15, 42, 93
 Ջավախք 4-12, 15-18, 21, 22, 24, 28,
 34, 35, 36, 38, 40, 41, 43-51, 59, 60,
 65, 67, 86, 90
 Ջավախք Ներքին 5, 7, 10, 19
 Ջավախք Վերին 5, 7, 10, 18, 19, 44
 Ջավախքի լեռնադաշտ 5
 Ջավախքի լեռներ /Կեչուտ, Մթին/ 5
 Ջաւախիս /Ջաւախս/ 10
 Ջիգրաշեն 13

 ՌիֆՍՄ 37
 Ռուսական կայսրություն 15

Ուսաստան 15, 16, 21, 25, 37, 39,
40, 42, 47, 60, 61, 66, 74, 86, 87, 88

Սաբխա 16, 27, 36, 74

Սաղամո լիճ 18, 32

Սամարի լեռ ներ 5

Սամցխե /Ախալցխա/ 10, 11, 12, 21

Սամցխե /Մեսխեթ գավառ/ 6, 19

Սամցխեի աթաբեկություն 12

Սանահին կայարան 37

Սասանյան Իրան 9

Սարո գյուղ 72, 73

Սեֆյան Իրան 12

Սիբիր 44

Սովետական Հայաստան 40, 87

Սովետական Ուսաստան 39, 61

Սպեր 11

Ստեփանավանի շրջան 18

Սուլդա /Սուլտա/ 13, 19, 26, 35, 38,
39, 61, 62, 68, 85, 92

Սևան 11

Սևր 37

Վաչիան /Վաչեան/ 13, 16, 26, 39, 61,
62, 92

Վանանդ 9

Վանի թագավորություն 6

Վարժիա 19

Վարևան 16

Վիրք 7-10

Վորոնցովկա 36,

Վրաստան 8, 10, 11, 20, 27-33, 35-
41, 43, 44, 50, 56-60, 66, 69, 76-79,
83, 84, 85, 87-90, 94

Վրաստանի հանրապետություն 18

Վրաց թագավորություն 7, 8

Վրաց մարզավանություն 9

Վրացախմերեթական նահանգ 16

Վրացական ԽՍՀ 40, 43, 44

Տաբաթուրի գյուղ 38, 43

Տաբաթուրի լիճ 18, 45

Տաճկահայաստան 87, 88

Տաճկաստան 66, 69, 73, 75, 78, 86

Տայք 5, 21

Տաշիր 5, 12, 18

Տարիունի/Ղարունք Բասեն/ 6

Տաուշ 11

Տրոյիցկոյե 33

Տուրքիա 13

Տուրտալ 5

Ուտիք 5

Փամբակ 29

Փարիզ 35, 36, 37

Փարվանա լիճ 8, 18, 32

Փոցխով գետ 6

Քաջատուն /Քաջաց քաղաք,
Ծունդա/ 7

Քառասունադրյուր վտակ 10

Քարբի 12

Քարծնի 13

Քենարբել 14

Քիլդա 13

Քութայիս 31, 33, 78

Քուիշավոր 5

Օլավերդ 13

Օլի 26, 37

Օսմանյան կայսրություն 28

Օրջա 13

Австро-Венгрия 55

Азербайджан 55

Александропольский уезд 54

Арм. Респ. 52, 54

Арм. ССР 63

Армения 63

Ахалкалак 54

Ахалкалакский уезд /район/ 22, 52-
55, 63, 64

Бакурия 52, 53, 56

Болгария 55

Борчалинский уезд 52

Германия 55

Гумурдо 53

Груз. Респ. 53

Грузия 52, 55, 63

Закавказье 54

Карцах 53

Северный Кавказ 52

Сов. Арм. 64

Суьда 53

Сурмалинский уезд 54

Тачна 52

Тифлис 52, 64

Турция 54

Хорения 52

Храмский район 63, 64

Цалка 52


Цалкинский участок 52

ԲՈՎԱՆԴԱԿՈՒԹՅՈՒՆ

ԵՐԿՈՒ ԽՈՍՔ.....	3
ԳԼՈՒԽ ԱՌԱՋԻՆ.	
Ջավախքի պատմական անցյալից	5
ԳԼՈՒԽ ԵՐԿՐՈՐԴ.	
.Ջավախքի պատմության ողբերգական էջը.....	24
ՀԱՎԵԼՎԱԾ	50
ԱՆՁՆԱՆՈՒՆՆԵՐ	95
ՏԵԳԱՆՈՒՆՆԵՐ	99
ԲՈՎԱՆԴԱԿՈՒԹՅՈՒՆ	104



Ախալքալաքի բերդը հարավ-արեւելքից




Ախալքալաք. XIXդ. վերջ: Հետին պլանում ռուսական եկեղեցին եւ
Տավշանկա բլուրը



Ախալքալաքի տեսքը հարավ-արեւմուտքից,
Քառասնադրյուր (Կրիստոլաղ) գետակի ձախ ափից (XXդ. սկիզբ)



Ախալքալաք. 1903թ., տեսքը արեւմուտքից





Ախալքալաքի սարահարթը եւ Աբուլ լեռը




Տաբաթղուրի լիճը եւ գյուղը



Ախալքալաք բաղաքը Տավշանկա բլրից



Ախալքալաք. 1912թ. պատարագից հետո





Պողոս Աբելյան, Ախալքալաքի Հայրենյաց (Հայրենակցական)
վարչության քարտուղար




Վահան Տերյանը իր ընկերներով Թափարվան եւ Կրխբուլաղ
գետերի խառնարանի մոտ (XXդ. սկիզբ)




Չամդուրա գյուղ, խաչքար XVդ.



Խաչքար 13-14 դդ., հայտնաբերվել է Ախալքալաք քաղաքատեղիից
1988թ.





Մաջադիա գյուղ, խաչքար XV - XVIդդ.



Տուրքխ գյուղ, խաչքար XVդ.



Տուրքիս գյուղ, խաչքար XVդ.




Ղուլալիս գյուղ, խաչքար XIVդ.



Ախալքալաք, թեաւոր խաչ XXդ. սկիզբ

[50077]



Ախալքալաք, խաչքար 1979թ. Աբ. Խաչ եկեղեցու բակում



ԱՇՈՏ ԱՂԱՍՈՒ ՄԵԼԹՈՆՅԱՆ

ՋԱՎԱԽԲ. ՊԱՏՄՈՒԹՅԱՆ ՈՒՐՎԱԳԾԵՐ

АШОТ АГАСИЕВИЧ МЕЛКОНЯН

ДЖАВАХК: ОЧЕРКИ ИСТОРИИ

խմբագիր՝ Հ. Ղ. Մուրադյան

համակարգչային ձևավորումը՝ Ա. Ս. Սարգսյանի

ծավալը՝ 6.2 մամուլ + 21 լուսանկար

ՀՀ ԳԱԱ «Գիտություն» հրատ., գիրքը տպագրվել է Երևանի «Հայք»

տպարանում / Երևան-19, Մարշալ Բաղրամյան 24 դ/



ԳԱՄ Հիմնարար Գիտ. Գրադ.



FL0214357

A 11
25.321